



Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6.545









Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6.545





Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6.545



Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6.545



2. 6. 545.

2 R. 6




XXXVIII

VELS. de Aus.

Mart. AFR.

HILAR. &c.







CONVERSIO  
ET PASSIO  
SS. Martyrum

AFRAE, HILARIAE, DIGNAE,  
EVNOMIAE, EVTROPIAE;

*Quæ ante annos paullo minus MCCC.*

AVGVSTAE VINDELICORVM  
PASSAE SVNT.

Cum Commentario,

MARCI VELSERI

Matthæi F. Aug. Vind.



CVM PRIVILEGIO.

VENETIIS, CID. IO. XCI.

Apud Aldum.



*Clemens Rom. Apost. Constit. lib. 5. c. 7.*

De martyribus verò præcipimus vobis,  
vt in omni honore sint apud vos.







# LECTORI. S.



**Q**UIS cultus sanctis tutelaribus  
 debeat, optimè expressit D.  
 Maximus Taurinensis Episco-  
 pus: qui non multo post D. Am-  
 brosium vixit, cuiusq; plurima lu-  
 cubrationes aliquando Ambro-  
 sij nomine cense sunt. Et si autem sententiam uer-  
 bis non breuissimis comprehenderit, operapretium ta-  
 men erit locum integrum, quatenus huc facit, ex-  
 scribere. Ait itaq; Cum omnium sanctorum  
 martyrum, fratres, deuotissimè natalem cele-  
 brare debemus, tum præcipuè eorum solenni-  
 tas tota nobis veneratione curanda est, qui in  
 nostris domicilijs proprium sanguinem profu-  
 derunt. Nam licet uniuersi sancti vbique sint,  
 specialiter illi tamen pro nobis interueniunt,  
 qui & supplicia pertulere pro nobis. Martyr  
 enim cum patitur, non sibi tantum patitur, sed

*Serm. de  
 nat. ss. O-  
 ctauij Ad-  
 uent. & So-  
 lut.*

A 2 & ci-



& ciuibus. Sibi patitur ad requiem, ciuibus ad salutem. Exemplo enim eorum didicimus Christo credere: didicimus contumelijs vitam æternam quærere: didicimus mortem non timere. Videte ergo quid martyribus debeamus; in quo alter tortus est, vt alter saluaretur. Alter carnificem pertulit, vt alter Christum agnosceret. Alter morti addictus est, ut alius uita potiretur æterna. Et ad postremum, sanctus occisus est, ut peccator euaderet. Beati igitur martyres nec sibi uixerunt, nec sibi mortui. Exemplum enim nobis reliquerunt bene uiuendo, conuersationis; tolerando fortiter, passionis. Nam ideo dominus, per totum mundum, diuersis in locis, pati martyres uoluit, ut tamquàm idonei testes, nos præsentis quodam fidei exemplo suæ confessionis,urgerent: vt humana fragilitas, quæ prædicationi dominicæ, aditu longiore vix credit, uel præsentis oculorum testimonio, martyrio crederet beatorum. Cuncti igitur martyres deuotissimè percolendi sunt: sed specialiter ij uenerandi sunt à nobis, quorum reliquias possidemus. illi enim nos oratione adiuuant, isti etiam adiuuant passione. Cum his autem nobis familiaritas est. Semper enim nobiscum sunt: nobiscum morantur: hoc est, & in corpore nos uiuentes



uentes custodiunt, & de corpore recedentes excipiunt, Hic, ne peccatorum nos labes absumat: ibi, ne inferni horror inuadat. *Huic sententia*, quisquis probè erga pietatem affectus, libens subscribet. *Maiores* certè nostri, homines antiquè boni, qui rectè facere, quam contentiosè de rebus sacris disputare prius ducerent, eam præclaro exemplo confirmarunt. Relatum est enim in annales, *Henricum Imp.* quem *IV.* dicunt, ab *Hermann*o *Augustano* episcopo partem corporis sanctæ *Afræ* expetiisse, ecclesiæ, quam *Spiræ Nemetum* condiderat, inferendam. Nemo dubitabat, quin precibus eius, qui cogere posset, & vero etiam soleret, parendum esset; quam parcissimè tamen faciendum existimabant omnes. Accedit igitur ad sepulchrum martyris episcopus; reserat loculum; illa, qua par fuit, religione, unum ex pollice pedis aufert articulum. Hunc publicè prius ostensum, magni muneris loco imperatori transmittit. Ciues interea, qui charissimo pignori timerent, basilicam insedere frequentes, fores etiam armati obseruauere, ne plus quam constitutum erat, asportaretur. Eo tunc ardore in Deum, & in sanctos, quos Dei amicos esse scirent, ferebantur, Vt res suas priuatim tanta diligentia nullus, quanta sacras reliquias publicè asseruarent vniuersi. Quod etiam priuatim, & publice bene uertit. Rideant hæc, qui omnia rident. Mihi certum est lauda-



laudatissimis vestigijs insistere . Et quando optimis  
martyribus aliud obsequij genus nunc prestare non li-  
cet , veterem historiam , qua potui ratione illustran-  
dam sumpsi . Exemplum quod fidissimum uideba-  
tur sequutus . Nam a diuersis descriptoribus aliud  
atq; aliud habemus : Ut tamen verba, & hac modi-  
ce, non res dissentiant . Augusta Vind.





<sup>1</sup> I N C I P I T <sup>1</sup>

<sup>2</sup> C O N V E R S I O <sup>2</sup>

<sup>3</sup> S A N C T A E <sup>4</sup> A F R A E , <sup>3. 4</sup>

<sup>5</sup> & puellarum eius. <sup>5</sup>



<sup>6</sup> P V D prouinciam Retiam, <sup>6</sup>

<sup>7</sup> in ciuitatem Augustam <sup>8 7. 8</sup>

Narcissus <sup>9</sup> episcopus ve- <sup>9</sup>

niens, <sup>10</sup> tempore, quo per <sup>10</sup>

secutio Diocletiani ferue- <sup>10</sup>

bat, nesciens quo intraret <sup>10</sup>

<sup>11</sup> profugus, ad mulierem quandam ingressus <sup>11</sup>

est, nomine Afram, <sup>12</sup> cum diacono suo <sup>13</sup> Feli <sup>12. 13</sup>

ce. Illa autem, uidens honestos uiros, existi- <sup>13</sup>

mans aduentores impudicos, parat cœnam, &

omnia, quæ solito more, cum tribus puellis, <sup>14 14</sup>

parare amatoribus consueuerat. Episcopus au- <sup>14</sup>

tem, veniens ut cibum caperet, <sup>15</sup> orare cœpit, <sup>15</sup>

& psallere. Afra autem, quia nunquam hæc

audierat, stupefacta cœpit inquirere quis esset.

Et <sup>16</sup> ediscens hunc esse Christianorum episco- <sup>16</sup>

pum,



# CONVERSIO ET PASSIO

17. 18 pum, <sup>17</sup> procidit ante pedes eius, dicens: <sup>18</sup>  
Domine indigna sum ualde, & in ista ciuita-  
te nulla me turpior potest inueniri. Cui ait  
19 Narcissus episcopus: Saluator noster <sup>19</sup> à tur-  
pissimo tactu inquinari non potuit, illius enim  
tactus omnes sordes diluit, atq; mundauit, &  
sordes non poterant inquinare domini chari-  
20 tatem. Nam & <sup>20</sup> lux de cēlo ueniens, & splen-  
dor solis, dum circa cloacas, & lutulentas pla-  
teas funditur, mundus funditur de cēlo, & mun-  
21. 22 dus leuatur in cēlum. Vnde & tu, <sup>21</sup> filiola, <sup>22</sup>  
23 fuscipe in te lumen fidei: <sup>23</sup> ut purificata ab om-  
ni peccato, possis de meo introitu perpetua  
24. 25 <sup>24</sup> charitate gaudere. Dicit ei Afra; <sup>25</sup> ego qui-  
dem, quæ plura capillis meis peccata com-  
misi, quomodo possum à tantis sordibus ablui?  
26 Respondit Narcissus episcopus: <sup>26</sup> Tantum  
crede, & baptizare, & salua eris.  
Post hæc Afra conuocans puellas suas, di-  
xit: Iste homo, qui ad nos intrauit, episcopus  
est Christianorum: & dixit mihi, Si credideris  
Christo, & baptizata fueris, ab omni poteris  
27 emundari peccato. <sup>27</sup> Quid uobis videtur?  
28 Respondentes autem <sup>28</sup> Digna, Eunomia, &  
Eutropia dixerunt: Tu nostra domina es, &  
si sequutæ sumus te ad inquinamenta facino-  
rum, quomodo te non sequemur ad indulgen-  
tiam



tiam peccatorum? Tu caput nostrum es, quocunque ierit caput, membra necesse est ut sequantur.

Interea dum hæc loquerentur, nox initium sumpsit. <sup>29</sup> Incipiens autem hymnos Deo canere cum diacono suo episcopus, totam noctem orando, & psallendo pertransiit, <sup>30</sup> simul habens Afram cum suis puellis consortem. Mane autem facto, episcopus Narcissus cepit inquiri. Dictumq; est Afræ: Vbi sunt qui ad te introierunt? Illa autem dixit eis. Hospites amatores mei <sup>31</sup> manserunt hic, & abierunt ad sacrificium. Illi autem audientes illos isse ad sacrificium, putabant eos ad <sup>32</sup> Capitolium uel ad templum abiisse. Alijs ergo discudentibus, remansit vnus ex eis, qui diceret: Ego cognoui eos fero ad te uenisse, & scio quia Christiani erant, nam <sup>34</sup> omni hora signabant frontes suas signo crucis, in qua Christus eorum passus est. Dicit ei Afra: <sup>35</sup> Ad me metriticem haberent intrare, si Christiani essent? Ad me non ueniunt nisi qui mei similes sunt. Abijt ille, & nunciauit omnia quæ dixerat, quæque audierat, his qui querebant eos.

His ita gestis, <sup>36</sup> abijt Afra ad matrem suam Hilariam, & dixit: Episcopus Christianorum <sup>37</sup> uenit ad me nesciens quo intraret, & per totam

B tam



## CONVERSIO ET PASSIO

<sup>38</sup> tam noctem, <sup>38</sup> expandens manus suas ad  
 Deum suum, cantans quod nouit, nos fecit si-  
<sup>39</sup> mul orare: <sup>39</sup> Circa uerò pullorum cantum ex-  
 tinctum est lumen candelæ: & cæpi festinare,  
 ut eam accenderem, & non potui. Tunc di-  
<sup>40</sup> xit mihi diaconus eius: Noli quærere lumen  
 extingui, modo tibi <sup>40</sup> ostendetur lux, quæ  
 extingui non potest. Et cum dixisset episco-  
<sup>41</sup> pus: <sup>41</sup> Veni lux mea de cælo, ostende faciem  
<sup>42</sup> tuam, & salui erimus, <sup>42</sup> Venit fulgor de cælo  
 sicut sol, & sicut coruscatio ante tonitruum,  
 & non recessit antequam aurora inciperet.  
<sup>43</sup> Et <sup>43</sup> dum orationem finisset, iussit nos sibi  
 respondere, & dicere, Amen. Et lux fulgoris  
 illius paulatim recessit. Post hæc misi me ad  
<sup>44</sup> pedes eius, & dixi illi: <sup>44</sup> Domine, iniuriam  
 tibi grandem fecisti, quod ad me introisti,  
 sum enim mulier peccatrix. Et ille dixit: quo  
 me Deus meus iussit ingredi, introiui. Circa  
 diei uerò horam tertiam, ostenderunt se mi-  
 hi, qui eis ante lucem infidiati fuerant, ut  
 exeuntes tenerent eos, & occiderent. Sed cum  
<sup>45</sup> non exissent, conuenerunt me. Ego uerò <sup>45</sup> fa-  
 sces lini habeo, sub quibus abscondi eos, &  
 timeo, ne scrutentur locum illum. Sed si iubes,  
 domina mater, huc eos transire faciam. Quia  
 promisit mihi episcopus dicens: Faciam te  
Chri-



Christianam, & omnia peccata tua diluentur.  
 Audiens hæc <sup>46</sup> mater eius, gaudio repleta <sup>46</sup>  
 dixit: Præstet Deus, ut & mihi hoc contingat.  
 Cui dixit Afra: Ergo nocte ueniente ducam  
 eum huc. Respondit mater eius: Etiam si nolue-  
 rit, roga eum.

Vespere autem factò, rogauit sanctum Nar-  
 cissum episcopum Afra, ut iret ad matrem  
 eius. Ingresso autem eo domum, factum est gau-  
 dium magnum, Ita ut Hilaria <sup>47</sup> per tres horas <sup>47</sup>  
 teneret plantas eius, & diceret. Obsecro te do-  
 mine, ut & me facias mundari a peccatis meis.  
 Tunc sanctus Narcissus episcopus dixit ei:  
 Beata est fides tua, quæ <sup>48</sup> antequam disceres <sup>48</sup>  
 uerbum ueritatis, ipsam ueritatem, quam per  
 uerbum uix possunt homines agnoscere, in  
 tua mente fundasti. Veruntamen quia uideo  
 uos capaces esse uerborum Dei, <sup>49</sup> hodierna <sup>49</sup>  
 die simul incipite ieiunare, & per septem dies  
 ieiunantes audite sermonem ueritatis: O Æta-  
 ua autem die purificabimini ab omni peccato,  
 & eritis ab omni pollutione immunes. Dixit ei  
 Hilaria: Si iubes domine, <sup>50</sup> dicimus quid co- <sup>50</sup>  
 limus, & ita demum doce nos, quid colere de-  
 beamus. Dixit ei Narcissus episcopus: In hoc  
 apparet quia bene poteris suscipere quid co-  
 lere debeas, si quid huc usq; colueris euiden-

B 2 ter



## CONVERSIO ET PASSIO

ter exponas. Dic ergo culturam tuam. Hilaria respondit: <sup>51</sup> Parentes mei genere Cyprij fuerunt, & <sup>52</sup> inde uenerunt cum sacris Veneris. Et <sup>53</sup> Venus coli non potest nisi ab his fœminis, quæ fuerint fornicatæ. Ideo ego denique filiam meam sacris Veneris consecraui, quasi Deę Veneri seruituram, & de opere meretricio placituram, in prostibulo manere permisi. Credens quod mihi esset propitia Venus, si filiam meam diuinis eius imitationibus <sup>54</sup> occupassem. Nam <sup>54</sup> quanto plures amatores habere potuerit mulier, quę Veneri seruit, tanto plus Veneri placere posse a sacerdotibus affirmatur, Audiens hæc uir Dei Narcissus episcopus, <sup>55</sup> ingemuit, & lacrymas fudit, dixitq; ad Diaconum suum: Surge frater, & demus lamentum super culturam talem. Et rogemus <sup>56</sup> dominum, ut <sup>56</sup> ubi abundauit iniquitas, superabundet & gratia.

<sup>57</sup> Factum est autem cum orassent, <sup>57</sup> apparuit <sup>58</sup> egyptius quidam nigrior coruo, nudus, & <sup>58</sup> uulneribus elephantia corpore toto plenus, & <sup>59</sup> dare cepit mugitum, dicens: <sup>59</sup> O Sancte Narcisse episcope, quid tibi cum caussa mea? <sup>60</sup> Quid tibi cum ancillis meis, quas ego semper in mea familia habui? Deus tuus mundas animas, & munda corpora diligit. Istæ iam <sup>61</sup> meæ



meæ sunt, alius esse non possunt. <sup>62</sup> Nunquid <sup>63</sup>  
 ego intro ubi castitas regnat? Nunquid locum  
 inuenio, ubi est spiritus castitatis? Hic tu quid  
 intraſti, ubi inquinata sunt corpora, & pollu-  
 tæ sunt animæ? Tunc sanctus Narcissus epi-  
 scopus dixit ei: <sup>63</sup> Iubeo tibi immunde spiri- <sup>63</sup>  
 tus, ut des mihi responsum de eo, quod te inter-  
 rogauero. Dic mihi damnate, <sup>64</sup> Scis Christum <sup>64</sup>  
 Iesum dominum nostrum Nazarenum tētum;  
 flagellatum, sputis in facie illitum, spinis coro-  
 natum, irrisum, ligatum, felle, & aceto pota-  
 tum, affixum Cruci, mortuum, & sepultum, die  
 tertio resurrexisse? Scis hoc factum esse? Re-  
 spondit dæmon, & dixit: Vtinam mihi hoc ne-  
 scire licuisset. Nam ex ea hora, qua crucifixus  
 est, <sup>65</sup> princeps noster <sup>66</sup> fugit a facie eius, <sup>65</sup> <sup>66</sup>  
 quia uirtutem persequentis ferre non potuit.  
 Tunc saxa illa solida scindebantur, & monu-  
 menta aperta sunt, & surrexerunt sancti uiri,  
 qui uiderunt hoc factum, quando princeps no-  
 ſter, ab eo qui crucifixus est, <sup>67</sup> tentus est, & <sup>67</sup>  
 catenis religatus. Respondit sanctus Narcis-  
 sus, & dixit; Quod nomen est principis uestri?  
 Dicit ei dæmon: <sup>68</sup> Sathan nomen est ei: Quod <sup>68</sup>  
 interpretatur initium mortis. Dicit ei Narcis-  
 sus episcopus: Dic mihi, quid peccauit domi-  
 nus Iesus Christus, ut tanta pateretur? Dicit ei  
 dæmon:



## CONVERSIO ET PASSIO

demon : Nunquam peccauit. Dicit ei Narcissus episcopus: Et qui nunquam peccauit, quare tanta perpeffus est? Respondit demon: Non pro suis peccatis passus est, sed pro alienis. Dicit ei Narcissus episcopus: <sup>69</sup> Ex ore tuo condemnaris immunde spiritus. Cum ergo scias dominum meum Iesum Christum, non pro suis, sed pro alienis peccatis occisum, discede ab his mulieribus, quia etiam pro istis passus est, quæ ad eius fidem, & gratiam confugerunt. Dicit ei demon; <sup>70</sup> Quia docet lex, & iubet, ut res alienas non tollat aliquis, tu qui sanctus es, res meas quare tollis? Quid mihi tollis animas, quas lucratus sum? Dicit ei Narcissus episcopus; <sup>71</sup> <sup>72</sup> Effractor, & fur, <sup>73</sup> ab initio damnate, & in malitia <sup>74</sup> inueterate, Quia istas animas à Deo suo tu separasti, ego te modo furem teneo, & creatori creaturam suam restituo. Respondit ei demon: Et ego creatura eius sum, <sup>75</sup> & me ergo creatori meo restitue. Dicit ei Narcissus: <sup>76</sup> Tu ipse ex ore tuo hoc confessus es, Christum pro peccatis hominum passum esse: si, quomodo pro hominum peccatis passus est, etiam pro dæmonum <sup>77</sup> impietatibus passus esset, restituerem te creatori tuo: Nunc autem, quia sic passus est pro peccatis hominum, ut uestrum principem religaret, uade tu ad principem



cipem tuum. Dicit ei dæmon: <sup>77</sup> Fac pieta- <sup>77</sup>  
 tem super me, & <sup>78</sup> da mihi vel unam animam <sup>78</sup>  
 in potestatem. Dicit ei Narcissus episcopus: Si  
 dederō tibi animam in potestatem, quid de ea  
 facies? Dicit ei dæmon: <sup>79</sup> Interficiam eam, & <sup>79</sup>  
 lucrabor animam ipsius. Dicit ei Narcissus epi-  
 scopus; Cras prima luce, dabo tibi potestatem  
 hanc, ut facias. Dicit ei dæmon: <sup>80</sup> Dic mihi <sup>80</sup>  
 ante Deum tuum, quia das mihi animam intra  
 corpus inclusam, quam ego lucrer. Dicit ei  
 Narcissus: Ante Deum meum, dabo tibi <sup>81</sup> ani- <sup>81</sup>  
 mam intra corpus inclusam, manducantis, &  
 bibentis, & dormientis, & iterum uigilantis.  
 Dicit ei dæmon: Modo iube me hic manere ista  
 nocte. Dicit ei Narcissus: <sup>82</sup> Si potes nobiscum <sup>82</sup>  
 manere, mane. Dicit ei dæmon: <sup>83</sup> Si non ex- <sup>83</sup>  
 pandis manus tuas ad cælos, & non pfallis Deo  
 tuo possum hic manere. Dicit ei Narcissus:  
 Nunquam sit tibi bene immunde spiritus. Nō  
 solum autem ego, sed & istæ omnes mecum,  
 per totam noctem Deo nostro flectent genua,  
 & laudes ei nobiscum canent. Tunc dæmon  
 ululatum teterrimum dirę uocis emisit, & nus-  
 quam comparuit.

Sanctus autem episcopus fecit post iei-  
 unium refici Afram cum matre sua, & cum  
 puellis suis. Quæ trementes pro eo quod au-  
 die-



## CONVERSIO ET PASSIO

dierant, & uiderant, eius monitis conforta-  
<sup>84</sup> bantur. <sup>84</sup> Ipse autem cum Felice diacono  
 suo non refecit se, sciens se iterum mane cum  
 dæmone luctamen habiturum. Transiit ita-  
 que nox tota orationibus, & psalmorum cano-  
 ribus plena. Die autem orto affuit dæmon  
 dicens: Memor esto sancte episcope iuramen-  
<sup>85</sup> ti tui, quod dixisti ante Deum tuum. <sup>85</sup> Da mihi  
 animam, cuius corpus occidam, & animam eius  
 mecum habeam. Respondit sanctus Narcissus  
<sup>86</sup> episcopus, & dixit: <sup>86</sup> Et tu iura mihi in nomine  
 Dei mei, quia statim interficias quem tibi de-  
 dero in potestatem, & si eum non interficias  
<sup>87</sup> <sup>87</sup> iubeat te Deus ire in abyssum. Dixitq; ei  
 dæmon: Per ipsum, qui nos cum principe no-  
<sup>88</sup> stro uicit, iuro: <sup>88</sup> si non, me iubeat ire in abyf-  
 sum, quia statim interficiam eum, quem mihi  
 dederis in potestatem. Dixitq; ei Narcissus  
<sup>89</sup> episcopus: <sup>89</sup> Vade iuxta flumen fontis al-  
 pium Iuliarum, unde nemo potest aquam bibe-  
 re, non homo, non pecus, non fera aliqua, quia  
<sup>90.</sup> <sup>91</sup> <sup>90</sup> Draco ibi habitat, & <sup>91</sup> de flatu eius, omnes  
 qui ad fontem accesserint, moriuntur: hunc  
<sup>92</sup> interfice, & <sup>92</sup> in tuam potestatem redige ani-  
 mam eius. Tunc exclamauit dæmon, dicens:  
<sup>93</sup> <sup>93</sup> O episcopum mendacem. Insuper me liga-  
<sup>94</sup> uit iuramento, ut <sup>94</sup> amicum meum occidam:  
 quem



quem si non occidero, compellet me ire in  
abyssum. Tunc daemon assensit; & <sup>95</sup> occi- <sup>95</sup>  
dit draconem: & liberatus est fons, ad usum  
omnium, <sup>96</sup> usque in hodiernum diem. <sup>96</sup>

<sup>97</sup> Per dies autem plurimos docuit eas uer <sup>97</sup>  
bum Dei, sanctus Narcissus episcopus. Et  
baptizata est Hilaria, cum filia sua Afra, &  
cum puellis suis, & <sup>98</sup> cum generatione sua, <sup>98</sup>  
& cum omnibus amicis suis. <sup>99</sup> Fecitque do- <sup>99</sup>  
mum Hilariæ ecclesiam. Et <sup>100</sup> ordinauit <sup>100</sup>  
eis presbyterum Dionysium, auunculum  
Afræ.

<sup>101</sup> Ipse autem episcopus Narcissus, perfe- <sup>101</sup>  
ctis ordine rebus, post menses nouem, ad Hi-  
spaniam profectus est, ad ciuitatem <sup>102</sup> Ge- <sup>102</sup>  
rundam. In qua multum populum Deo ac-  
quisiuit <sup>103</sup> per tres annos. Et ita demum <sup>103</sup>  
<sup>104</sup> martyrij palmam cum diacono suo Feli- <sup>104</sup>  
ce attigit.

C AD





# AD CONVERSIONEM SANCTAE AFRÆ,

& puellarum eius,

## COMMENTARIUS,



**V**ICTOREM huius historiae (quæ prima solet esse commentatorum disquisitio) ignoramus quidem; Verisimiliter tamen suspicamur, fuisse aliquem ex clero Augustano, cui publico ecclesiæ decreto id muneris iniunctum. Nam constat, inter præcipuas curas ecclesiis olim incubuisse, res à sanctissimis martyribus præclare gestas, fortiterq; passas, litteris consignare. Id est discere ex Fabiani Pontificis epistola, quam Dilectissimis ubique catholicæ ecclesiæ comministris scripsit. Cum enim Romanæ ecclesiæ diligentiam, in colligendis martyrum gestis per subdiaconos, & notarios, exposuisset, Adiungit, Quod etiam vos omnes agere monemus, ne in posterum aliqua ex his dubitatio fiat, quæstioq; oriatur, quoniam omnia, quæ scripta sunt, ad nostram doctrinam scripta sunt. Et quæ nostris temporibus ueraciter scribuntur, ad futurorum doctrinam diriguntur. Et ideo fidelissimis hæc negotia committi præcipimus, ne aliqua in eis illusio inueniatur, ex qua fidelibus scandalum (quod absit) oriatur.

*Que*



Quæ fidem & auctoritatem huiuscemodi historiarum mirè confirmant. Hoc tamen non à Fabiano primum institutum, sed ab Apostolorum temporibus observatum, ostendit quæ adhuc extat, Passio sancti Andreæ Apostoli per presbyteros & diaconos ecclesiarum Achaie scripta. Et apud Eusebium de morte Polycarpi elegans epistola, quam scribit Ecclesia Dei, quæ Smyrnam incolit, ecclesiæ, quæ est Philomilij: Item epistola de martyribus Gallie sub Vero, inscripta, Serui Iesu Christi, qui Viennam, & Lugdunum Gallie incolunt, fratribus in Asia & Phrygia: Atque nonnullæ aliæ huius generis scriptiões. Quarum multo plures & integriores haberemus, absque Diocletiano fuisset. Hic nihilo minus in Christianorum libros, quam in corpora desæuit. Vti, præter alia testimonia, argumento est hætenus celebrari solita *IV. Non. Ian.* Romæ commemoratio plurimorum sanctorum martyrum, qui spreto Diocletiani Imp. edicto, quo tradi sacri codices iubebantur, potius corpora carnificibus, quam sancta dare canibus maluerunt. Innumeras ista calamitas sanctorum historias afflixit. At si qui sub ipso Diocletiano passi, illorum historiae, pace ecclesiis per Constantinum reddita, recenti adhuc memoria facile restitui potuere. Idque huic, quam præ manibus habemus contigisse credendum. Cum semel atque iterum persecutionis iam præterita meminerit. Ne inferiorem Constantino Magno existimem, stylus neque purè latinus, neq; ex posteriorum temporum sece planè barbarus, memonet. Præterea, simplex & nuda rerum gestarum narratio: quæ absq; dubio primum autographum, nullis dum colorum pigmentis illitum, & priscæ pietatis ingenuos spiritus redolet. Surius miror cur mutauerit. Mihi aliqua uerba minus pura, & phrasæ paullo rudiores, tanti non videntur.

Euf. hist.  
eccl. lib. 4.  
c. 14.

Lib. 5. c. 1.

Ex mart.  
Ro.

Prudēt. de  
Hemit. &  
Cheled.  
Chartulas  
blasphem.  
olim nā sa-  
riles abstu-  
lit, &c.

INCIPIT ] Quæ in nonnullis exemplaribus prologi nomine præcedunt, pio studio à viro bono collecta esse non iuero inficias. At cum dubiæ famæ innitantur, imperitis coniecturis plenissima, à candore reliquæ historiæ aliena, non eiusdem auctoris, non ætatis sint, omittere placuit. Nullo lectorum damno.

CONVERSIO ] Huius vocabuli absolute positi Christianus vsus est, de illis, qui peccatis valere iussis, ad meliorem frugem se conferunt. Ita passim ab ecclesiasticis scriptoribus vsur-

C 2 patur.



## CONVERSIO S. AFRÆ

*Euāg. q̄st. sec. Mat. quæst. II.* **patur.** *Causam reddit D. Augustinus,* Illi conuertuntur, qui rectè viuere incipiunt: hoc est enim ad Deum redire. Qui autem concupiscentias suas perseueranter sequuntur, dorsum quodammodo habent ad Deum.

**3 S A N C T A E ]** Multo latius olim Sancti nomen quam hodie patuit. Episcopi vulgo Sancti, Sanctissimi, Beatissimi dicebantur; quæ iam solius summi pontificis est appellatio. Reliqui etiam Christiani, certè probatæ vitæ, Sancti: quamquam adhuc mortales. Constantinus orationem, quam ad Christianam ecclesiam scripsit, Ad Sanctorum cœtum inscripsit. Is nunc honor mortuis tantum, in apotheosim relatis habetur. Hoc loco Sanctæ nomen utraque notione rectè acceperis.

*De myst. proph. rec. e. 4. Paus. Atticus.* **4 A F R A E ]** Homines antiquitus crebro sibi nomina ab urbi-  
bus, & populis mutuati sunt. Quod primum videre est in seruis Getis, Syris, Syrisceis; Dein in familijs Romanis Tarquinijs, Cominijs, Gabinijs, Norbanis, Volscijs, Numicijs, Vatinijs. Vt interim cognomina huius generis præteream. Et in martyrologijs nostris sæpius occurrunt Germanus, Germana, Gallus, Galla, Sabinus, Sabina, Syrus, aliaque ad hunc modum. Quibus persuasus, nō vereor Afram ab Africa deducere. Variè enim illi huius nominis causæ esse potuerunt, sicuti & Afro patruo. Iulius Firmicus me monet, Venerem ab Assyrijs, & Afris eodem ritu cultam. Assyrius autem cultus idem cum Paphio Cyprio, Pausania teste. Atqui hac ratione Afra, non Affra, neque Aphra scribendum. Africam enim fasti Capitolini, lapides alij, nummi antiqui, & libri manuscripti præferunt. Ita etiam Afranios, gentem Romanam.

Porro alteram S. Afram martyrem reperio in martyr. Rom. IX. Cal. Iunij, Brixia sub Hadriano Imp. passam. Quæ cum nostra nihil commune habet præter nomen.

**5 E T P V E L L A R V M E I V S. ]** Præter quod inscriptio promittit, historia Hilarie matris conuersionem complectitur.

*In catal. li. 7. c. 28. 54. & 55.* **6 A P V D P R O V I N C I A M R A E T I A M ]** P. de Natalibus insigniter lapsus, per omnem historiam Cretam pro Rætia habet. Etiam si Adonem Treuir. sequi profiteatur, Ado autem Rætiam distinctè præferat. Idem audio in M. Marulo peccatum esse, quem mihi videre non contigit. Vicelius non minus absurdè, Prouinciam Regenas. Antoninus in Chronico Rætiam & Cre-



Et Cretam confundit, utrumque enim nomen habet: nisi error sit à librarijs, quod existimo.

ingerus in  
theatro vo  
lu. 7. lib. 3.

Ceterum Rætia (quæ sub Augusto in prouinciam redacta) variè à diuersæ ætatis auctoribus describitur. Sed constat ex Ptolomæo, qui Diocletianum multo antecit, iam tunc à fontibus Rheni, et Danubij, ad Aeni ostia usque pertigisse. Hinc Tacitus, et Arrianus prodidere Aenum inter Rætos, et Noricos fluere. Quibus terminis etiam Vindelicia, cuius memoria ante Diocletianum obsoleuerat, quæque in Ræticum nomen conceperat, comprehenditur. Hodie obtinent præter Rætos, Sueni, et Boij qui cis Danubium colunt.

Li. 2. c. 12.

Lib. 3. hist.

IN CIVITATEM AVGVSTAM] Plurimæ ciuitates Augustæ per orbem Romanum: Non paucæ etiam per Rætiæ extitere, si fides habenda nostræ ætatis scriptoribus. Sed Fortunatus, poeta Christianus, qui ante mille annos vixit, ascriptis fluuijs, qui eam, de qua hic sermo est alluunt, nomine ambiguo nos falli non patitur,

7  
Auentino,  
et qui A-  
uenti sequi-  
ti.

Pergis ad Augustam, quam Virdo, Lycusque fluentant, Illic ossa sacra venerabere virginis Afræ.

Fort. in vi-  
ta S. Mart.  
lib. 4.

Baronius  
legit Vindo  
Lycusque.

An illi Vindelicum cognomen debeat, ante Auentinum nemo dubitauit. Is primus de alia Augusta Vindelicorum suspicionem commouit. Non satis firmis ad eam euincendam usus argumentis. Quod commodiore loco pluribus docebimus. Neque in hoc commentario questionem non necessariam edisserendam putamus.

8

NARCISSVS] Quidam Hierosolymorum episcopum arbitrantur. Qui à Nicephoro Constantinop. in Chron. trigessimus primus, et trigessimus quintus, ab Epiphania trigessimus et trigessimus quartus, unus idem, eius urbis episcopus censetur. Nam auctoribus Eusebio, et Niceph. Callisto, semel in eremum secessit; Dein sedem iterum cum Alexandro collega tenuit: Denique, quod habetur in martyr. Rom. Sanctitate, patientia, ac fide laudabilis, centum & sexdecim annorum migravit ad Dominum. Martyr, ut ait Nicephorus in Chron. Verum cum neque ipse, neque collega Alexander, quin nec successores, Mazabanes, Hymenæus Zambdas, Hermon (qui singuli pluribus annis presuerunt) Diocletiani persecutionem attigerint: ita enim refert Eusebius: fit ut à S. Afræ temporibus magnis spatijs excludatur.

8  
Epiph. i. Pa-  
nario har.  
66.  
Eus. li. 6. c.  
8. 9.  
Nic. lib. 5.  
c. 9. 10.  
Mart. 19.  
O. d.

Eus. lib. 6.  
c. 32.  
Li. 7. c. 13.  
26.

tur.



## CONVERSIO S. AFRÆ

*tur. Solidior Augustanæ ecclesiæ auctoritas, quæ semper diuersum hunc nostrum Narcissum interpretata est, Gerundæ Tarracensis Hispaniæ vrbe passum. Quod hæc ipsa historia inferius ad finem conuersionis comprobat, & ecclesiæ Gerundensis epistola, quam eo loco dabo, Martyr. item Rom. XV. Cal. Aprilis, Et ex Hispanis Villegasius in Flore sanctorum, Benterus, atque Vassens in Chronicis. Liber Chronicus Regum Arragoniæ absq; auctoris nomine Hispanicè editus, meminit reliquiarum Sancti Arsi, quæ Gerundæ in ecclesiâ S. Philippi conditæ, miraculis illustres sint. Vbi vernaculam Hispanorum enuntiationem agnoscas, pro S. Narciso, San Arciso, deperdita N, quæ in principio repetenda erat, reddet. Sunt enim reliquiæ Narcissi, de quo agimus.*

*Beut. lib. 1.  
c. 25. Vassens post  
An. 260.*

*Ancyrano concilio circa hæc tempora Narcissus Neroniadis Ciliciæ episcopus subscripsit. Sed diuersus ab hoc nostro.*

*Vide marty-  
r. 31. Oct.  
17. Sept. &  
2. Ian.*

*Tres alij Narcissi in sanctos relati. Primi meminit D. Paulus in epistola ad Rom. Alterius fit mentio in actis S. Laurentij. Tertium Licinius Imp. martyrij corona donauit. At de nullo Afræ conuersæ suspicio oriri potest.*

9 **EPISCOPVS]** Notius est apud Christianos episcopi nomen quam vt hic interpretemur. Multa de illo passim obuia. Quædam non protrita reperies in Pammelij annotationibus ad D. Cyprianum.

10 **TEMPORE QVO DIOCLETIANI PERSECUTIO FERUEBAT]** Aliqui nonam, alij (quorum maximus est numerus) decimam, quidam duodecimam persecutionem numerant. Quæ enim retro, non ab omnibus vno eodem modo distinguuntur. Illud conuenit, hanc præ reliquis diuturnitate temporis, numero martyrum, immanitate suppliciorum, longè insignissimam fuisse. Quod Eusebius, Orosius, Sulpitius, Nicephorus, Zonaras, Cedrenus, Manasses, historici alij, denique omnia martyrologia, & innumera sanctorum vitæ copiosè docent. Super sunt in Hispania inscriptiones Diocletiano positæ, **NOMINE. CHRISTIANORVM. DELETO. QVI. REMP. EVERTEBANT. Item, SUPERSTITIONE. CHRISTI. VBIQVE. DELETA. ET. CVLTV. DEORVM. PROPAGATO.** Hæ quamuis vt impie, ita vanæ, & mendaces, tamen ex illis videre est, quæ animi contentione tyrannus aduersus Christianum nomen grassatus fuerit, qui

*Vide Occi-  
nis numis-  
mata in  
Dioclet.*



qui imperatorios inde quaesierit titulos. Sed de persecutione, re-  
fatis superque testata, calamum contineo.

De tempore persecutionis, quando caperit, quando desierit, au-  
ctores valde diuersa sentiunt. Siue ad annos Christi, siue ad Dio-  
cletiani imperium respicimus. Quamquam de annis a Christo na-  
to Panuinius & Sigonio, qui nostra etate diligentissime, & aptis  
simè ad constituendam seriem temporum scripserunt, stabimus. Ibi  
consentiunt Diocletianum imperium inisse Ann. Christi  
CCLXXXIV. Post Romam conditam MXX XVI. Parili-  
bus, id est XI. Cal. Maij. Persecutionem aliqui mox ceptam pu-  
tant; Alij post Maximianum collegam assumptum: Alij ab an-  
nis Diocletiani siue IX. siue XI. siue XIII. siue XIV. siue XVI.  
siue XIX. Et facile credam, inueniri auctores, qui ab his omni-  
bus diuersa scripserint. Quorum dissensio commoda explicatio-  
ne concilianda est. Neque enim plerosque falli, aut temere de re  
tanta, & tam clara, scripsisse existimandum. Reffert igitur in-  
telligere, persecutionis nomen uarie acceptum differentiae causam  
esse. Tempore D. Augustini uulgata erat opinio, decem plagis Ae-  
gyptiacis, significatas fuisse decem persecutiones, quæ a Nero-  
ne ad Diocletianum. Eam ille ita conuellit, ut ostendat eccle-  
siam ante Neronem tum in capite Christo, tum in Stephano, Ia-  
cobo, Petro, fratribus reliquis persecutiones passam. Nec asser-  
tores denarij istius numeri negare poterant hæc uera esse. Sed  
apparet explicatione uerbi vim argumenti euitasse. Ut scilicet  
inter persecutiones, quæ plagis Aegyptiacis prædictæ, nullam an-  
te Neronem censendam contenderent. Forte quod Neroniana pri-  
ma imperatoris iussu indicta, aut exceptione aliqua alia, nam de  
hoc non constat. Secundam numerabant Domitiani: Tertiam  
Traiani: Quartam Antonini Philosophi: Quintam Seueri: Sex-  
tam Maximini: Septimam Decij: Octauam Valeriani: Nonam  
Aureliani: Decimam Diocletiani & Maximiani, Inter has quæ-  
dam a nonnullis præteritæ, Ut Maximini & Aureliani a Sulpi-  
tio, quamuis inquit Maximinus nonnullarum ecclesiarum  
clericos uexauit: Valeriani a permultis, quod eandem cum De-  
ciana ducerent. Aliæ contra insertæ: Cum Impp. Hadrianus,  
Antoninus Pius, Alexander, Aur. Claudius manus sanguine  
Christiano nequaquam abstinerint. Et si omnis, quæ Christianis  
propter religionem uexatio accidit, persecutio dicenda, in dubium  
est

Panuinius  
in fastis. Si  
gon. de oc-  
cid. Imp.  
Quos se-  
quuntur  
Scaliger de  
emend. tēp.  
& Baron. i  
Annalibus

Aug. de ci-  
uit. Dei li.  
18. cap. 52.

Sac. hist. li.  
br. 2.  
Adi Sulpir.  
loco citato.  
Mart. 1. 5.  
18. 30. Jan.  
Et ibi Ba-  
ron.



## CONVERSIO S. AFRAE.

est multo adhuc plures sub Imp. extitisse. Sed non aequè ab omnibus in numerum redacta, Vel quod leniores visa, Vel quod nouis edictis non usa, Vel quod a decessoribus capte, non intermisso cursu continuata, Vel denique alia quavis de causa. Et prorsus iniquus est, qui diuersos auctores propterea reprehendendos putat. Cum enim de rebus conuenit, cur in uerbis non suo quisque iudicio utatur? Similis est in constituendis persecutionum principis ratio.

Nam ut sermonem ad Diocletianum referamus, Fuit is in Christianos animo semper infensissimo. Cuius rei causae multae esse potuerunt, principi supra humanum morem superbo. Et quamuis initio tectius, & quasi per cuniculos egerit, neque Christianum nomen (quod constet) cuiquam criminis loco obiecerit, tamen multos eius nominis, falsis affectis calumnijs subuertit. Ideo nihil aberrabit, qui totum Diocletiani imperium perpetuam persecutionem dixerit. Postmodum, cum suam temeritatem aliena uellet inuidia explere (ait Eutropius) allegit Imp. Maximianum, propalam ferum natura, ardentem libidine, consilijs stolidum, ortu agrestem, asperitatem suam etiam uultus horrore significantem (his elogijs hominem exornant Eutropius & Victor) qui prima expeditione, quam in Galliam mouit, exercitum iuramento adegit, Christianos Deorum inimicos, iisdem animis, quibus Bacaudas imperij hostes ulturum: Quod cum legio Thebæa detrectaret, primo decimata, post internecione deleta est. Si quis atam immani facinore persecutionem auspicatam putauit, profecto neque molliter sensisse, neque leuiter scripsisse uidetur. Ann. IX. Eusebio teste, Diocletianus adorari se ut Deum iussit. Cassiodorus duobus annis differt. Quandocumque contigerit, certissimum est Christianis per religionem non licuisse nefario edicto obedire. Hinc multos malè habitos, & lege maiestatis damnatos suspicandum. Eo fortassis referendum, quod apud Cedrenum legimus IX. anno Imp. edixisse, omnibus Christianis interfectis, Romanum imperium rebus prosperis affluxurum. Anno XI. Cedrenus prodit horribilem persecutionem excitatam, multa que millia martyrum facta. Postero, qui fuit Diocletiano VI. Constantio II. Coss. Caius Pontifex, gentilis Diocletiani, martyrij coronam consecutus est, tradente Damaso. XIII. aut XIV. (utrumque habet Cedrenus, & Eusebius) Chri-

Vide acta  
Thebaorū  
mart. & Si  
gon. de oc-  
cid. Imp.  
lib. i.



Christiani milites exautorati, per Veturium militie magistrum. Eusebius in chronicis annotauit, inceptam paulatim ex illo iam tempore persecutionem aduersum nos. Vbi non pene atrocitatem, quâ infamia irrogabatur, nullus corpori cruciatus inferebatur, respexit: sed quod illa omnes fines Romani imperij peruagata, nullam prouinciam, quæ militari custodia contineretur immunem habuit, Cuiusmodi nibildum hætenus contigerat. De anno *XVI*. nescio quem ignotum auctorem Cuspinianus citat. At *XIX*. demum omne uirus simul in ecclesiam effusum est, ut nullo præterea incremento locus relinqueretur. Tunc impia decreta, quorum Nicephorus, Eusebius, Zonaras meminere, audita primum: Ecclesias solo æquari, libros comburi, episcopos interfici, Christianos reliquos, dignitatibus præditos in ordinem redigi, priuatos in seruitutem dari placere. Quæ postea pænæ morte ut plurimum commutate sunt. Excitati eo classico omnium prouinciarum præsides, ut Christianos quisque diligentissimè conquisiuit, inuentos immanissimè excruciauit, ita operam Impp. maximè approbavit. Et si qua est maiorum comparatio, præterita quæcumque leuia atque ferenda, hæc denique serie persecutionis origo uideri poterat. Ad quem modum statuere auctores plerique. Eusebius in historia ecclesiastica, & Chronicis disertè, Iterum obliquè in uita Constantini, Cum ait Diocletianum imperio se abdicasse post annum persecutionis primum, quod est utique secundo anno. Ita etiam Orosius, & multi recentiorum. Nam etsi Victor in epitome Diocletiano annos *XXV*. Nicephorus, & Michael Glycas *XXII*. tribuant, tamen optimi scriptores de *XX*. annis tam frequentes consentiunt, ut eius rei nulla possit esse dubitatio. Et quæ duobus ante abdicationem annis contingere, incidunt in principium anni *XIX*. Epiphanius priuatam sententiam tuetur, Enumerans enim imperatorum seriem, inquit, Diocletianus cum Maximiano, & Constantio annos tredecim. Quorum tempore magna persecutio fuit, quæ duodecim annis durauit. Cum autem cessasset persecutio, regnauit Diocletianus unum annum, & deposuit imperium. Hæc multis modis a fide historiae illorum temporum recedunt. Et nisi culpam in interpretem, aut librarium reijcimus, fateamur oportet Epiphanium memoria lapsum, Ip-

D semet

Cusp. in  
Cos.

Eus. i. hist.  
li. 8. c. 3. de  
uita Con-  
stant. li. 1.  
c. 12.  
Oros. lib. 7.  
c. 25.

Nic. lib. 7.  
c. 17.

Ep. de mēf.  
& pond.



## CONVERSIO S. AFRAE

semet in Ancorato, Diocletiano XX. annos tribuit.

Porro nihil ad priores Diocletiani annos Afræ conuersionem pertinere, ex uerbis Diocletiani persecutio feruebat, elicio. Quamquam Eusebius neque his duobus annis integris Italiam, Siciliam, Galliam, & reliquas occidentem solem uersus prouincias (qua descriptione Rætia comprehenditur) persecutionem sustinuisse dicat. Ego interpretor; Cum Impp. mense Martio sanguinarium in Christianos edictum Nicomediae proposuissent, ad reliquas inde prouincias missum, ut quæque maximè diffusa, ita uno vel altero mense tardius peruenisse.

Etsi vero Diocletianus post motum ecclesiæ publicum hoc bellum, altero anno imperio cesserit, tamen persecutio per decem continuos annos plebem Dei depopulata est. Quæ Sen. Sulpitij uerba sunt. Quibus Eusebius, Orosius, Nicephorus, historia miscella, Freculphus, alij consentiunt. Et euenit ut cum uarij Impp. succederent, à primis auctoribus Diocletiano, & Maximiano, etiam posteriore octennio persecutioni nomen hæserit. Tulere nomen imperatorium per ea tempora,

Fl. Val. Constantius Chlorus Aug.

C. Gal. Val. Maximianus Aug.

C. Aur. Valerius Licinianus Licinius Aug.

C. Gal. Val. Maximinus Aug.

Fl. Val. Seuerus Aug.

M. Aur. Val. Maxentius Aug.

Fl. Val. Aur. Constantinus Magnus Aug.

An horum quis nomini Christiano penitus parserit, nescio: Constantio, & Constantino aliqui eam palmam tribuunt, Sed Constantius tertio persecutionis anno obiit: Et dum uixit, credibile est satis habuisse proprias manus continere, collegarum, Diocletiani, & Maximiani iniurias a Christianorum corporibus repulisse, non est credibile: De Constantino Magno, quem maximè alienum ab hac culpa existimare par erat, contrarium docet In not. ad Baronius. Ceteros plerosque teterrimos hostes extitisse, qui sub  
mart. 22. dolis inducijs non minus quam aperto bello (hæc tunc alternis  
Aug. per prouincias uicisitudo) damnum intulerint, certum est. Id interim fatebimur, in oriente multo fœdus quam in occidente sænitum esse: Quod etiam Eusebius alicubi innuit.

Atque ita colligimus, Diocletianum imperium inijsse Anno  
Christi



Christi CCLXXXIV. Persecutionem multo seuiſſimam cepiſſe anno CCCII. Deſiſſe CCCXII. Quę ad mentem eorum Chronographorum, quos me ſequi profiteor, calculata ſunt. Cum ſatis cognitum habeam de annorum numeris alios aliter ſentire. Conuerſionem S. Afrę intermedio tempore contigiſſe, aſſeuerare licet. Annum proprium assignare non licet. Sed ſi quis coniecturę locus, Ego eam lubens anno CCCII. aſcripſerim. Cum exiſtimem Narciſſum mox à principio ſeuiſſimę persecutionis Auguſtam profugiſſe. Abdicato Diocletiano, perſecutio in occidente non quidem penitus ceſſauit, multum tamen remiſit, probę erga Chriſtianos affectis Conſtantio Chlora, & filio Conſtantino: Inde fit ut exiſtimem hac periphrasi Tempore quo perſecutio Diocletiani feruebat, Et altera illa initio paſſionis, Cum Chriſtianorum eſſet ſaua perſecutio, & omnes pro Chriſti nomine uarijs ſupplicijs afflicti ad ſacrificia traherentur, Non niſi ultimum Diocletiani biennium ſignificari, Quod eſt a mēſe Martio anni CCCII. ad Palilia uſque anni CCCIII. Et cum Afrā mēſe Auguſto paſſa ſit, uti ex eccleſiaſticis tabulis liquet, eius paſſio ad annum CCCIII. referri nō poteſt. Refero ergo ad annum CCCIII. Iam ſi a conuerſione ad paſſionem interceſſere mēſes fere decē, quę eſt Auguſtanę eccleſię traditio, planē ſequitur Conuerſionem ad annum CCCII. pertinere, Coſs. Fl. Valerio Conſtantio Nobiliſs. Cęſ. IV. C. Galerio Valerio Maximiano Nob. Cęſ. IV.

PROFVGVS] Eſi Tertullianus peculiari libello docuerit in perſecutione non fugiendum, eius tamen nulla eſt in hac ſententia auctoritas. Eleganter ait D. Cyprianus, Cum corona de Dei dignatione deſcendat, nec poſſit accipi, niſi fuerit hora ſumendi: quiſquis in Chriſto manens, interim cedit, non fidem negat, ſed tempus expectat. Alibi, ſi quis in fuga occiderit, eum inter martyres cenſendum oſtendit, Si fugientem in ſolitudine ac montibus latro oppreſſerit, fera inuaſerit, fames, ac ſitis, aut frigus afflixerit: uel per maria precipiti nauigatione properantem, tempeſtas ac procella ſubmerſerit: ſpectat militem ſuum Chriſtus ubique pugnantem; & perſecutionis cauſa, pro nominis ſui honore morienti, pręmium reddit, quod datum ſe in ſurrectione promiſit. Nec minor eſt martyrij gloria, non publicę nec

Ep. 56. edi.  
Pam.

D 2 in-



inter multos perijisse, cum pereundi causa sit, propter Christum perire. Sufficit ad testimonium martyrij sui testis ille, qui probat martyrem & coronat. *Quæ tamen ad gregem, non ad pastorem referenda. Quando episcopis (ex quorum classe Narcissus) fugere liceat, accurate disputat Augustinus, epistola ad Honoratum episcopum, Et in hæc se uerba colligit, Premente persecutione fugiendum esse Christi ministris, quando ibi aut plebs Christi non fuerit, cui ministraretur, aut potest impleri per alios necessarium ministerium, quibus non est eadem causa fugiendi. Idque S. Pauli, Athanasii, & Hispanorum episcoporum exemplis confirmat. Cur Narcissus fugerit expeditum non habeo. Nullam nisi probatissimam causam subsuisse, viri sanctitas persuadet. Et rectè subiunxero S. Pontij diaconi uerba, quibus similem Cypriani fugam excusat, Vultis scire secessum illum non fuisse formidinem? Ut nihil aliud excusum, ipse postmodum passus est: quam passionem utique ex more uitaret, si & ante uitasset. Narcissus enim similem uitæ finem imposuit.*

12 CVM DIACONO SVO.] Diaconos episcoporum & presbyterorum ministros esse, habetur in concilio Carthaginensi IV. Tamen crebrius episcopis quam presbyteris inseruisse, hinc apparet, quod B. Hieronymi ætate aliqui Diaconos presbyteris æquabant. Quamquam male, nam & Hieronymus refellit.

Cap. 37. Hier. ep. Clemens Rom. diaconos vocat episcopi aurem, oculum, os, cor, & animam. D. Ignatius profert exempla S. Stephani, qui beatissimo Iacobo, Timothei & Lini, qui Paulo, Anacleti & Clementis, qui Petro, diaconi episcopis ministraverint. Idcirco exclamauere Felicissimus & Agapitus diaconi, cum Pontifex Sixtus Imperatori sisti iuberetur, Et nos sine patre nostro quoniam ibimus? Atque Archidiaconus Laurentius ad eundem, Quo progredieris sine filio pater, quo sacerdos sancte sine diacono properas? Tu nunquam sacrificasti, nec offerre consueueras sine ministro. Quod Clemens exemplo confirmat, Ut enim Christus sine patre nihil agit, sic neque diaconus sine episcopo.

13 FELICE] Illustre Gerundæ Felicis martyris nomen semper fuit. Numerat Prudentius inter sanctos quos variæ vrbes in nouissimo iudicio Christo oblaturæ sunt,

Parua



Parua Felicis decus exhibebit,  
Artubus sacris locuples Gerunda.

Hunc mart. R. Vsuarius, & Adu, atque Vincentius confir-  
mant passum Gerundæ, persecutione Diocletiani, Præsidi Da-  
ciano. Cum igitur nomen, locus, tempus martyrij conueniant,  
permulti eundem cum nostro Felice crediderunt. Sed obstat in pri-  
mis ecclesiæ Gerundensis auctoritas, pro qua Berengarij episcopi  
epistola, iam semel à nobis laudata, testimonium dicit. Narrat  
enim perspicue, Felicem, quem suæ ecclesiæ doctorem, Aposto-  
lum, & prophetam appellat, diuersum esse à S. Felice Narcissi  
diacono, qui dudum à Francorum Rege Carolo translatus, Pari-  
sijs quiescat. Et quamquam hæc plana aperta, accedunt tamen  
alia argumenta. Adu & Vincentius, qui prioris Felicis vitam  
copiose scripserunt, Reticæ peregrinationis non meminere: Im-  
mo neque Narcissi episcopi, cum quo nostrum passum esse, ex hac  
historia & martyrol. liquet, Quin Cucufatem illi socium Vin-  
centius tribuit: Demum Diaconatus honor à nullo ascribitur:  
Quorum profecto nihil omittendum erat. Ipsa etiam S. Cucufa-  
tis vita, attentius perpenſa, nos facile, ab errore vendicat. Sta-  
tuamus ergo, quod res est, duos Felices martyres Gerundenses  
distinctos, quorum vterque sub Diocletiano occiderit. Ac ne  
eius rei nos admiratio capiat, scire reſſert, id nomen Christia-  
nis admodum familiare fuisse. Quippe supra LX. Felices mar-  
tyrologia exhibent, Quorum non pauci in Diocletiani tempora  
incidere. Et constat interim, infinito plura sanctorum nomi-  
na excidiſſe, quam in martyrologia relata sint. Ita vt Gene-  
brardus, explicans illud Psalmi, Effuderunt sanguinem eo-  
rum tanquam aquam, in circuitu Hierusalem: & non erat  
qui sepeliret, obseruaret, aliquos in singulos anni dies XXX.  
Millia martyrum numerare. Deo enim martyres (inquit S. Gre-  
gorius) numerabiles, nobis super arenam multiplicati  
sunt: qui quanti sint a nobis comprehendi non possunt.  
Apto exemplo vtitur Augustinus contra Donatistas, in re simi-  
li, mirum non esse inquit, si in turba Romanorum clerico-  
rum, duo vel plures Stratonos aut Cassiani reperirentur, cum in  
XII. Apostolis non solum duo Iudæ, sed etiam duo Iacobi le-  
gerentur. Id verò sæpius contigit, quod factum admodum facile,

vt

Mart. 1.

Aug. Vinc.

in spec.

Hist. lib.

12. c. 131.

132.

Mart. 18.

Mart.

Vasaus

post An.

306. ait

Cucufatē

à quibus-

dam Fest-

cis. fratres

existima-

ri.

Multi etiā

in marty-

rologijs Fe-

licissimi,

Feliciani,

Fortuna-

ti Fausti,

Faustini,

Existimo

Christia-

nos vete-

res bona

omina ho-

rum nomi-

num se-

quutos.



## CONVERSIO S. AFRAE

*Pf. 78.* ut bini, aut plures eiusdem nominis martyres confunderentur,  
*Hom. 27.* & eo ipso alterius memoria premeretur. Sic Baronius admo-  
*Breui.* nuit, Prudentium, hominem minimè ex vulgo, tres Hippoly-  
*coll. die 3.* tas, militem presbyterum & episcopum, conflasse in unum, Ut  
*In mart.* quæ singuli gesserint, vni ascriberet. Sic duobus quoque Cy-  
*30. Ian.* prianis, & alijs permultis accidit. Ambr. Moralis Chronic.  
 Hispania lib. 12. c. 42. Narrat Reccaredum Regem, qui vi-  
 xit ante annum Christi D C. obtulisse sepulchro S. Felicis mar-  
 tyris Gerundæ auream coronam: quam multis exinde annis Pau-  
 lus quidam, tyrannidem aduersus Bambam Regem moliens su-  
 stulit, Et cum sese illâ coronandum curasset, mox impietatis pœ-  
 nas luit. Sed hæc ad nostrum Felicem non refero.

14 PARARE AMATORIBVS CONSVENERAT] Afram  
 ante conversionem mulierem peccatricem fuisse (ut modestè de  
 se ipsa paulo post, & de Maria Magdalena sacra scriptura lo-  
 quitur) compertum est. Ne quis autem Fortunatum errasse exi-  
 stimet, in eo quem adduximus versu,

Illic ossa sacre venerabere virginis Afræ,

*Seyn. in 4.* Animaduertere oportet, Virginem aliquando ætatis, non in-  
*Virg. egl.* tegritatis nomen esse. Tradidere enim Grammatici Virginem à  
*Isid. orig.* viridiori ætate dictam. Præuere optimi latinitatis auctores. Ho-  
*lib. 11. c. 2.* ratius, — miseræque nuper Virgines nuptæ — Virgilius  
*Hor. Car.* de Hero, Et moritura super crudeli funere virgo. Clarius de  
*lib. 2. od. 8* Pasiphae trium liberorum matre, Ah virgo infelix — Etsi  
*Virg. ge-* Iunius Philargyrius diuersam regulam prodidit, Apud Teren-  
*org. 3. &* tium virgo dicitur, quæ peperit, ut in Adelph. Puer natus,  
*egl. 6.* nihil habet virgo. Sic, Virgo quæ parit. Ideo ad secun-  
*Phil. in 3.* dum partum virgo dicitur, postmodum mulier. His se  
*egl. Virg.* Fortunatus satis tueri potest, maximè in carmine, Vbi credi-  
 bile est eum venerationem Afræ hoc nomine conciliare voluisse.  
 Molanus asserit, Viduas sanctimoniales, aliquando virgines di-  
 ctas, quod in virginum collegium coopratæ essent. Talis est in  
 martyrologio ab illo postremo edito, Idib. Febr. Ermenilda uir-  
 go in Britannia, Et VI. Non. Iulij Mogundes uirgo Turonis.  
*Amb. de* Prorsus alia ratio Ambrosij, Chrysostomi, Origenis, qui eccle-  
*Salom. c.* siam gentium ex meretrice uirginem factam esse, figuratè dixe-  
*5. Chryf.* runt. At Phil. Bergomatem, qui in historia, Hilariam Afræ  
 sanctis-



sanctissima uirginis matrem, Dignam, Eumeniam, & Euprepiam *Ser. 26. de Pen. Orig. sup. Ios. Hom. 6. Phil. in*  
 sacras uirgines nominauit, nihil reconditi sensisse, sed simpli-  
 citer errasse, memorie lapsu, existimo. Nam de claris mulieri-  
 bus, ipsemet aliter scripsit.

ORARE COEPIT, ET PSALLERE ] Agnosce *15*  
 antiquissimum institutum. De quo Tertullianus, Christianorum *suppl. lib. 8. de dar. mul. cap. 112.*  
 cœnas describens, Non prius discumbitur, quam oratio ad  
 Deum prægustetur. Et paucis interiectis, post aquam ma-  
 nualem, & lumina, ut quisque de scripturis sanctis, vel de *Apol. c. 39. Vide in hanc sen- tentiã Cle. Alex. Pa-*  
 proprio ingenio potest, prouocatur in medium Deo ca-  
 nere: hinc probatur quomodo biberit: Aequè oratio  
 conuiuium dirimit.

EDISCENS HVNC ESSE CHRISTIANO- *16*  
 RVM EPISCOPVM PROCIDIT ETC. ] Ut Afra *dag. lib. 2. c. 4.*  
 Narcisum & Felicem, homines peregrinos, ignotos domo acci-  
 peret facile factum fuit, Amatores enim, Venere propitia misos  
 credidit. At quod episcopi nomine audito statim respuerit, erro-  
 rem, in quo nata, alta, tot annos uixerat, agnouerit, Id uero mira-  
 bile. Eiusq; rei absolute causam aliam nullam, quam sancti spiri-  
 tus diuinam gratiam proferre possumus. Hec ubi uult spirat.  
 Huius afflatu Matthæum, Zachæum, Latronem puncto tempo-  
 ris immutatos scimus. Quoniam autem sapientia disponit om-  
 nia suauiter, Cogitare licet, Christianorum nomen non tunc pri-  
 mum, inauditum antea, Afræ auribus accidisse. Multo ante sa-  
 cra doctrina Romanum orbem persuaferat, & ad plerasque bar-  
 baras nationes excurrebat. Ac Christianismo tam multi om-  
 nium ordinum uiri, fœminæ, nomen dederant, Ut Tertullianus  
 sub Sept. Seuero ad Scapulam præsidem scripserit, Carthagi-  
 nem decimandam esse, si Christianos eius urbis delere uelit.  
 Prolixius in apologetico, Si hostes exortes, non tantum vin-  
 dices occultos agere uellemus, deesset nobis vis numero-  
 rum & copiarum? Plures nimirum Mauri, & Marcoman-  
 ni, ipsique Parthi, uel quæcumque, vnius tamen loci, &  
 fuorum finium gentes, quam totus orbis? Externi su-  
 mus, & uestra omnia impleuimus, Vrbes, insulas, castella,  
 municipia, conciliabula, castra ipsa, tribus, decurias, pa-  
 latium, senatum, forum. Sola uobis relinquimus templa.  
 Et paulo post, Potuimus & inermes, nec rebelles. sed tan-  
 tum-



tummodo discordes, solius diuortij inuidia aduersus uos dimicasse. Si enim tanta vis hominum, in aliquem remoti orbis sinum abruptissemus à uobis, suffudisset utique damnationem uestram, tot qualiumcunque amisio ciuium, immo & ipsa destitutione punisset. Proculdubio expauissetis ad solitudinem uestram, ad silentium rerum, & stuporem quendam quasi mortui, urbes quæsissetis, quibus imperaretis. Plures hostes quam ciues uobis remansissent. Nunc enim pauciores hostes habetis præ multitudine Christianorum, pæne omnium ciuium. *Ista sub Se- uero. Postea numerus etiam auctus. Adeo, ut ante Diocletiani persecutionem, Christianorum conuentus, infinita hominum turba frequentatos, multitudines in singulis ciuitatibus coactas, illustres hominum in templis concursus, nulla fere oratione explicari posse, existimarit Eusebius.* Vnde cum in antiquis illis ædificijs non satis loci haberent, ampliores ecclesias in uniuersis urbibus, fundamentis eorum ad maiorem laxitatem dilatatis, crexerunt. *Christianum igitur nomen, quæ- uersus illustre, in Rætia, prouinciâ uel Italiæ accensâ, uel certè proximâ, & quasi suburbanâ, obscurum esse non potuit. Præsertim Augustæ, urbe metropoli.*

*Sed hæc coniecturæ sunt. Accedit historiæ fides. Antiquis monumentis proditum est, Lucium quendam iam olim Rætos enā- gelium docuisse, Eiusque professionis causa apud nos puteo demer sum, seminiuum inde extractum, in interiori Rætia martyrium cõ summasse, ijs ipsis locis, quibus Curia urbs post hæc condita est. Il- lorum, quos Augustæ sacræ fidei adiunxit, solius Campestrij, uiri primarij nomen superat. Et quamquam ambigitur an Lucius Cyre nensis fuerit, cuius extat memoria in actis Apostolorum, & epi- stola Pauli ad Romanos, quemque Doratheus Laodiceæ Syriæ epi scopum nominat: An (quod pluribus placuit) Britannicæ Rex, ab Eleutherio summo Pontifice, per legatos Fugatium, & Da- mianum Christiano nomini ascriptus, Cuius meminere martyro- logia, Damasus, Beda, & Ado Viennensis: quem Polydorus Virgilius Aruiragi (Iuuenalis carmine nobilitati) pronepotem scripsit, ex filio Mario, nepote Coyllo: Tamen utrumuis accipi- mus, S. Afræ tempora multo antecessit; Et ex eo Christianos Au- gustæ fuisse non est cur dubitemus.*

Obscu-



Obscurior fama est de Philippo episcopo, quem sub Antonino, aut sub Vero Augusta Vindellicorum passum tradidere Primus Cabilunensis in topographia, & Irenicus in exegeſi Germaniæ. Nescio quam idonei testes. Me dubium habet, quod auctores, quos sequuntur non laudant; Et quod nulla huiuscemodi memoria extat apud ecclesiam Augustanam, cuius maximè intererat. Vixit sub M. Antonino, Vero, & Commodo Philippus, uita & doctrina illustris, Verum is Gortynæ in Creta fuit episcopus, Vti Eusebius, Hieronymus, & martyrologia III. Id. Aprilis produnt, Atque scribendis libris claruit, neque eum martyrio affectum constat. Nihil itaque de Philippo Augustano episcopo assenerauerim.

Satis iam habeo docuisse, ante Afræ conuersionem Christianos Augustæ fuisse, eosque ad rationem ceterarum prouinciarum, nō paucos. Quo etiam illa in principio uerba pertinent, Persecutio Diocletiani feruebat, Neque enim de nullis, aut per paucis numero possunt accipi. Christianis uerò etsi gentiles fœdissima quæque affingerent, fieri nihilominus non poterat, quin se ueritas exereret, & innocentia uitæ in uulgus celebraretur. Nam apologiarum scriptores frequentes erant in eo argumento. Et appositè ad hunc locum Tertullianus de osoribus Christiani nominis inquit, Quid quod ita plerique clausis oculis in odium Christiani nominis impingunt, ut bonum alicui testimonium ferentes, admisceant nominis exprobrationem. Bonus uir Caius Seius, sed malus tantum quod Christianus. Item alius. Ego Lucium sapientem virum repente factum Christianum defero. Nemo retractat, non ideo bonus Caius, & prudens Lucius, quia Christianus: aut ideo Christianus, quia prudens, & bonus. Et deinde, Alij quos retro, ante hoc nomen uagos, viles, improbos nouerant, ex ipso denotant quo laudant, cæcitate odij in suffragium impingunt. Quæ mulier, quam lasciuia, quam festiua? Qui iuuenis, qui Lucius, quam amarius, facti sunt Christiani? Ita nomen emendationi imputatur. Vbi multis ostendit, nihil Christianis uerè obijci præter nomen, & religionem. Quod antea S. Iustinus, & Athenagoras dixerant. Porro nominis nullum crimen esse; in religione, neglectum inanum decorum etiam laudem mereri. Quæ cum ita sint (ut eo redeamus unde digressi sumus,

Apel. c. 3.

E mus,



## CONVERSIO S. AFRAE.

mus, utque ostendamus quam suauiter hanc conuersionem sapientia disposuerit) nihil profecto magis rationi consentaneum erat, quam ut dimoto Dei benignitate idololatriæ uelo, & perspecta feditate illecebrosi cultus, Afra se illorum fidei crederet, quos reli quis mortalibus integritate ac pietate præstare crebro audiisset.

17 PROCIDIT ANTE PEDES EIVS ] humane uenerationis, & extremæ demissionis actus. Ita in euangelio, mulier sanguinis profluum patiens, cum se non latere animaduerneret, ad Christum tremens uenit, & procidit ante pedes eius. Itē Syrophœnissa gentilis, procidit ad pedes eius. Et mulier peccatrix, quam Afra comparauimus, lacrymis cœpit rigare pedes eius. Id explicans S. Ambrosius ait, Peccator ad pedes, iustus ad caput. Paulo post, Vbi cumque audieris Christi nomen, occurre. In cuiuscumque interiorem domum Iesum intrasse cognoueris, & tu ipse festina. Cum repereris sapientiam, cum repereris iustitiam in alicuius penetralibus recubentem, accurre ad pedes, hoc est uel extremā partem quære sapientiæ. Atque iterum, Si ad caput Christi accedere non potes, tangat pedibus suis caput tuum Christus. Et fimbria eius curat, & pedes curant. Quæ non aliena hoc loco existimanda, cum Narcissum Christo, seruum domino, quæ eius uices agit, conferre nihil prohibeat. Et certum est hanc humilitatis speciem spectasse Christianos antiquitus, cū sacerdotum, & episcoporum pedibus acciderent, etiam uestigia lāberent: ne mirentur quidam id hætenus in summo pontifice obtinere.

18 DOMINE INDIGNA SVM VALDE ETC.] *In Ioan. aract. 12.* Augustinus ait, Qui confitetur peccata sua, & accusat peccata sua, iam cum Deo facit. Et mox, Initium operum bonorum est confessio, operum malorum. Chrysostomus, Penitentem irasci non oportet, neque sauire, sed conteri tamquam condemnatum, tamquam non habentem fiduciam, tamquam iudicatum reum, tamquam ex sola saluari misericordia debentem, tamquam ingratum erga, benefactorem redargutum, tamquam iniucundum & reprobum, tamquam innumeris dignum supplicijs. Confer Afra uerba, & omnes hos affectus inuenies.

19 A TURPISSIMO TACTV INQUINARI  
NON



NON POTUIT] Hæc ad peccatores omnes quibuscum Chri-  
stus, calumniantibus Phariseis, conuersatus est, recte referimus,  
nihil enim peccatore inquinatus; tamen de Maria Magdalena,  
in effusione unguenti domini corpus tangente, potissimum intelli-  
genda. Similitudine perquam accommodata.

LUX DE COELO VENIENS ET SPLENDOR<sup>20</sup>  
SOLIS ET C.] Elegans similitudo, qua Athanasius de in-

carnatione uerbi usus, Nam si sol ab eo creatus, & nostris  
oculis subiectus, circumambulans in cælo, non sordescit  
attactu terrenorum corporum, neque à tenebris obscura-  
tur, sed potius eas illustrat, & purificat: multo magis sa-  
cro sanctum illud Dei uerbum (quod solis est conditor, &  
dominus) cum in corpore innotesceret; non maculas in  
se corruabat, sed incorruptibile erat, corpusque mortale,  
quod assumpsit, uiuificabat, & à fordibus defecabat.  
Qui peccatum (inquit) non fecit, neque dolus inuentus  
est in ore eius. Peccata autem sordium & luti nomine deno-  
tare frequens est. Vnde Ambrosius Ioannis illud, de cæco curato  
per Christum, tulit lutum, & liniuit super oculos eius, lu-  
tum illitum, datam cognitionem peccatorum explicat, Et Grego-  
rius inter uarias luti significationes inquit, Per lutum quoque  
desiderium sordidæ voluptatis exprimitur, sicut psalmi-  
sta deprecans ait, Eripe me de luto, ut non inhaream. Lu-  
to quippe inhærere, est sordidis desiderijs concupiscentiæ  
carnalis inquinari.

De sacrâ.  
lib. 3. c. 2.

In Iob lib.  
34. cap. 8.

FILIO LA] Blandientis uerbum. Ita Ioannes Euangeli-  
sta discipulos filiolos appellare solitus, Multo intensiorem ani-  
mi affectum, quam filiorum nomine exprimens, Ut annotauit  
P. Damianus.

<sup>21</sup>  
Dam. Ser.  
1. de Ioan.  
Euang.  
Amb. in

SUSCIPE IN TE LUMEN FIDEI] Fides prin-  
cipium Christiani, ait Ambrosius. Hinc prima ad gentilem  
conuertendum uox, CREDE. Quod irridet apud Gregorium.  
Nazianzenum Iulianus Imp. Vnum CREDE summam Chri-  
stianæ sapientiæ dictitans. Nomina etiam Christianis hinc hæ-  
sere, CREDENTES & FIDELIS. Fides uero cur lumen  
dicatur, ostendit Ambrosius, Lucerna fides est, iuxta quod  
scriptum est, Lucerna pedibus meis uerbum tuum domi-  
ne, Verbum enim Dei fides nostra est: uerbum Dei lux

<sup>22</sup>  
Ps. 118.  
Serm. 21.  
Greg. orat.  
1. in Iul.

In Luc. li.  
11. ca. 52.

E 2 est,



## CONVERSIO S. AFRAE

est, lucerna fides. Erat lux uera, quæ illuminat omnem hominem uenientem in hunc mundum. Lucerna enim lucere non potest, nisi aliunde lumen acceperit.

23 **VT PURIFICATA AB OMNI PECCATO]**

*An per solam fidem, excluso etiam baptismo, cuius hactenus non meminit? Nequaquam. Ait enim paulo post, Crede, & baptizare. Sed sensus est, Purificandam suscepta fide, per ea, quæ à fide præscribentur.*

24 **CLARITATE]** *Obseruandum, similitudini lucis calis, & splendoris solaris, metaphoram luminis, & claritatis optimè conuenire.*

25 **EGO QUIDEM QVÆ ETC. QVOMODO POSSVM ETC.]**

*Vide ut uerè penitens timori spem coniungat. Multum peccauit, ideo timet multum. Sed mox ac remissionis spes ostensa, oculos in eam conijcit, & purificationis modum inquit, Verbis quæ cupiditatem simul, & admirationem exprimant, Quomodo possum à tantis fordibus abluì. Gregorius Magnus quatuor alas homini datas esse ait, quibus ad cælum feratur. Bina præteritis conueniunt, scilicet timor, & penitentia: bina ad futura respiciunt, Spes, & amor.*

*Sup. Exec.  
li. 1. hom. 4*

26 **TANTVM CREDE ET BAPTIZARE ET**

**SALVVS ERIS]** *Quid fides, quid baptismus in homine operentur, figurata loquutione D. Pacianus pulchrè ostendit, Christi semen, id est Dei spiritus, nouum hominem alio matris agitatum, & partu fontis exceptum, manibus sacerdotis effundit, fide tamen pronuba. Neque enim aut insertus uidetur in ecclesiam, qui non credidit, aut genitus à Christo, qui spiritum ipsius non recepit. At ne quis Tantum crede, perperam accipiat, sciendum est, hic fidem non operibus, sed infidelitati opponi. Ac si explicatius dixisset, Adiunge te tantum Christianæ fidei. Præterquam quod iam monui, fidei nomine quandoque comprehendi quidquid per fidem iubetur.*

*Pac. de bapt.  
Vide Vegā  
de iustif.  
li. 11. c. 23.  
Quo sensu  
doctores ec-  
clesiastici  
aliquando  
dixerint fi-  
de nos sola  
iustificari,  
& salua-  
ri.*

27 **QVID VOBIS VIDETVR]**

*Non consilium Afra. sed assensum quærit. Constitutum enim habebat quid factura esset, Quod ex puellarum responso apparet, Cum illam ad amplectendam indulgentiam non hortentur, sed se in ea amplectenda comites futuras spondeant, Si sequutæ sumus te &c. Atque hoc loco iterum agnosce digitum Dei. Quid mirabilius quam puellas*



puellas peccatorum sordibus hactenus demersas, ad primum salutis nuntium animos tam alacriter erigere.

DIGNA EUNOMIA ET EUTROPIA] Mar- 28  
tyrol. R. habet, Digna & Euprepia & Eunomia. Beda, Di- Mart. 12.  
gna & Eumenia & Euprepia, Ita quoque Vsuardus, Ado, Aug.  
Maurolycus, Antoninus in Chron. & Phil. Bergomas. P. de  
Natalibus, Digna, Eumenia, & Eutropia. Ecclesia Augu- Vsf. Ado  
stana dignam, Eunomiam, Eutropiam agnoscit. Consentiente Maur. in  
Vincentio in Spec. hist. & quicumque Vincentium sequuti. Mart.  
Quod propria & priuata res cuique notissima, ideo Augustana Berg. hist.  
ecclesie libens fidem adhibeo. Et fieri potuit, ut inuentis olim san- lib. 8. Pet.  
ctarum martyrum corporibus, inscriptiones, quæ scrupulum exi- lib. 7. cap.  
merent, fuerint adiunctæ. 28. 54.  
Vinc. li 12.  
c. 147. 150

De Digna constat, Embricone episcopo repertam in loculo laminam plumbeam, sic inscriptam, CORPVS SANCTAE DIGNAE MARTYRIS.

Diuersæ sunt ab his nostris, Digna virgo, quæ Tuderti colitur. Marty. 11.  
Digna uirgo passa Romæ sub Valeriano. Et Digna uirgo passa Aug. 22.  
Cordubæ Anno Christi DCCCLIII. Sept. 14.  
Jan.

Item Eutropia puella martyr Palmiræ. Eutropia martyr Ale- Mart. 15.  
xandriæ. Eutropia uidua in Gallia. At Eutropia uirgo martyr, Jun. 30.  
soror S. Nicasii episcopi Rhemis. Oct. 15. Sept. 14 Dec.

Denique Euprepis passa Romæ cum Castulo. Atque Euprepia Mart. 30.  
cuius S. Pius Pontif. meminit, quod domum suam Romæ in ti- Nou. Pius  
tulum pauperibus assignauerit. ep. ad Iust.

INCIPIENS AVTEM HYMNOS DEO CA- 29

NERE ETC.] S. Augustinus, Hymni laudes sunt Dei  
cum cantico, Hymni cantus sunt continentes laudes Dei.  
Si sit laus, & non sit Dei, non sunt Hymni. Si sit & laus, &  
Dei laus, & non cantetur, non est hymnus. Oportet ergo  
ut si sit hymnus, habeat hæc tria, Et laudem, & Dei, & can- In ps. 72.  
ticum. Nocturnarum orationum, & cantionum antiquæ eccle- Ammian.  
siæ, meminere multoties cum sancti patres, tum auctores profani, Marcel. li.  
si qui res Christianas attigere. Harum in commune duplex erat 28. sub fi-  
ratio. Singulis noctibus, horis certis, surgebant homines pī, præ- nem Festo  
fertim ecclesiastici semel, aut eo amplius, ad orandum, & canen- die Chri-  
dum: Statis præterea temporibus, excubabat in ecclesia solidas stiani ritus  
noctes plebs uniuersa, his ipsis studijs intenta. Idque vigiliarum in ecclesia  
pnoctabat.

nomine



## CONVERSIO S. AFRAE

*Ad Eustoch. de cuss. uirg.*

nomine significabatur. Priuatim deinde, ut quisque Deum propria contentione, uel ob patrata crimina placandum, uel in posterum exorandum sumpserat, ita peruigilio præ ceteris studebat. Illustris locus est apud Hieronymum, Memini me clamantem diem crebro iunxisse cum nocte, nec prius à pectoris cessasse uerberibus, quam rediret domino increpante tranquillitas. Et in patrum, reliquorumque sanctorum uitis, nihil frequentius occurrit. Cum igitur inter primaria Dei opera hominis peccatoris conuersio numeretur, eam Narcissus merito tanto conatu expetendam putauit.

*In ep. ad Cor. 2. c. 1. hom. 2.*

30 SIMVL HABENS AFRAM CVM SVIS PVELLIS CONSORTEM] Quid Narcissus, & Felix, quid rursus Afra, & puellæ orauerint, docebunt Chrysostomi verba, Episcopum scilicet, & diaconum orasse pro catechumenis, Vt misericordissimus, & miserationum Deus, ipse exaudiat preces illorum. Et deinde, Vt Deus aperiat aures cordium illorum. Quibus precibus hodie quoque ecclesia utitur. Verum Catechumenorum deprecatio quænam potest esse, nisi ne maneant catechumeni. Ita Chrysostomus.

31 MANSERVNT HIC, ET ABIERVNT AD SACRIFICIVM] Manserunt hic per noctem, deinde abierunt. Num Afra hospites falsa excusatione celandos putauit? An potius episcopus cum diacono uerè secesserat in aliquam domus partem, ad faciendum sacrificium Christiano ritu? Vt questitores non mendacio, sed ambiguitate sermonis decepti sint. Et si fortasse prius illud probabilius, nam postea matri narrat, Ego uero fascis lini habeo, sub quibus abscondi eos.

*Var. de lig. libr. 4. c. 7. Liu. li. 1. 6. Dion. li. 4. Arnob. li. 6. Vict. d' reg. urb. Tert. de spect.*

32 CAPITOLIVM] Vnus ex septem montibus Romæ, primo Saturnius, deinde Tarpeius, postremo Capitolium appellatus est: Quod heic cum fundamenta foderentur ædis Iouis, caput humanum inuentum dicitur, inquit Varro. Accidit Tarquinio Superbo rege, uti Linius, & copiosius Dionys. Halicarnasæus narrat. Caput Toli Vulcentini fuisse Arnobius ex Sammonico, Granio Valeriano, & Fabio docet. In hoc monte præcipue arx, & templum Iouis. In templo tria delubra, Iouis Iunonis Mineræ. Postea etiam simulacra omnium deorum, auctore P. Victore. Cui astipulatur Tertullianus, Capitolium omnium demonum templum est. Et rhetor ille, qui orationem



nem Ciceronis nomine, ad equites antequam iret in exilium scripsit, primum Iouem Iunonem, & Palladem, deinde reliquos Deos, Deasque qui Capitolium colunt, inuocat. Comprehendebatur regione urbis VII. quæ Forum Romanum. Aliud erat Capitolium uetus in regione VI. alta semita. Cuius item meminit Victor & Varro, Capitolium uetus, quod ibi facellum Iouis, Iunonis, Mineræ: & id antiquius quam ædis, quæ in Capitolio facta. Sed nudo Capitolij nomine primum illud intelligitur. Ut uerò occulta naturæ uis impellit homines, liberis parentum nomina imponere, Ita etiam cogere solet colonias, relictarum urbium memoriam reddere, efficitis ad harum speciem locis, & nominibus quam proximè fieri potest. Quod scitè expresse Virgilius in Heleno, & Aceste. Hac ratione crebra per Romanas colonias Capitolia instituta. Quibus nullum inuentum caput, sed præiudicium dominæ urbis nomen fecit. Obseruauit in Italia Capitolium habuisse Capuam, & Beneuentum ex Suetonio, Florentiam, & Mediolanum ex Vinc. Borgino, Rauennam ex Hier. Rubeo, Nolam ex Adone; In Africa Carthaginem ex Cypriano: In Thracia Constantinopolim ex illius urbis descriptione: In Gallia Narbonem ex Sidonio, Tolosam ex martyrologio R. Treueros ex uita S. Tyrsti, Xanctones ex P. Pithæo, Augustodunenses ex Eumenio; Agrippinæ Vbiorum Capitolij cognomen templo cuidam hodie quoque adhæret. Atque diligens inuestigator fortassis plura inueniet. Multo enim frequentissimum Capitoliorum usum, ostendunt testimonia, quæ statim sequuntur. Tertullianus. Ecce annua uotorum nuncupatio, quid uidetur? Prima in principijs, secunda in Capitolijs. Quamquam Fulu. Ursinus, In Capitolio corrigit, Sed ego causam necessariam huius correctionis nullam video. Arnobius. Nonne uides in Capitolijs omnibus uirginales esse species Mineruarum? Concilium Elibertinum, Prohibendum ne quis Christianus aut gentilis ad Idolum Capitolij sacrificandi causa ascendat. Hoc in Hispania decretum, ne quis ad Romanum Capitolium pertinere existimet. S. Zeno. sermone de spirit. ædif. domus Dei, de Iudæis, & gentibus verba faciens, Si liceat, uel si uelint, fortassis cultius synagogas ædificent; cultius erigant capitolia. Annotauit præterea Baronius S. Hieronymum de locis Hebraicis, & Comment. in Isaiam, Arcem Babylonia

Li. 4. c. 32.

Æn. li. 3. 5.

Suet. Tib.

c. 40. Caio

cap. 57. de

gram. Orbi

lio.

Borg. orig.

Flor. Rub.

hist. Rau.

li. 1.

Ado mart.

14. Ian.

Cyp. ep. 55.

et de lapsis

Descript.

Const. reg.

8. &amp; Gyl-

lius Topog.

li. 3. c. 7.

Sidon. de

Laud.

Narb.

Mart. R.

29. Non. et

ibi Baron.

Vita S. Tyr

si apud

Sur. t. 7. Pi-

th. Aduers.

li. 2. ca. 18.

Tert. de co-

rona. Vrs.

in notis ad

7. frag. in-

script. fra-

tr. arual.

Arnob. li. 4.

Conc. Elib.

Can. 59.



## CONVERSIO S. AFRAE.

*nia tamquam per Synonymiam, Capitolium explicare. Quæ eo d me collecta sunt, ne ad Capitolij nomen, in splendidissima Ratiæ provincie colonia, Augusta Vindelicorum, hesitemus. Quaparte urbis steterit, ægre quisquam definiet. Mihi quidem nihil huius liquet. Ceterum ad Romanum exemplum, ubique Iouem Iunonem Mineruam in Capitolijs consueuisse coli, opinari licet. De Minerva planum fecit Arnobius. De reliquis par persuadet ratio.*

33 VEL AD TEMPLVM ABIISSE ] *In Capitolio sanè templum: Sed templa etiam extra Capitolium. Mercurij, Siluani, aliorum, inscriptiones hæcenus Augustæ extant. Sensus est itaque, Vel ad Capitolium, uel ad aliquod aliud templum abiisse.*

34 OMNI HORA SIGNABANT FRONTE SVAS SIGNO CRVCIS ] *De signo crucis multa ex Christiana antiquitate in unum collegere, cum alij, tum Alanus Capus, quæ hîc repetere supersedeo. Sed addo D. Martialis locum, quo doceam eius usum ab Apostolicis temporibus originem ducere, Crucem domini, in quem credidistis, Deum verum, & Dei filium, semper in mente, in ore, in signo tene. Crux enim domini armatura uestra inuicta contra Satanam, galea custodiens caput, lorica protegens pectus, clypeus tela maligni repellens, gladius iniquitatem, & angelicas insidias peruersæ potestatis sibi propinquare nullo modo finens. Crucem in primis Iulianus Imp. Christianis obiecit, Crucis signum adoratis, imagines illius in fronte, & ante domos pingentes. A quibus nobis hæc ipsa nunc obijciantur, nemini obscurum est. B. Hippolytus episcopus, & martyr, cum se Antichristi peculiaria facinora prædicturum promississet, Verba illa Apocalypsis, Faciet omnes pusillos, & magnos, & diuites & pauperes, & liberos & seruos, habere characterem in dextera manu sua, aut in frontibus suis: Hac interpretatione imitatus est, Dabit characterem in dextera manu & fronte, ne quis dextra sua pretiosam illam crucem pingat in fronte.*

*Apud Cy-  
ril. lib. 6.  
cōtra Iul.  
Hippol. de  
cōsum. mū-  
di. Apoc.  
cap. 13.*

35 AD ME MERETRICEM HABERENT IN-  
TRARE SI CHRISTIANI ESSENT. ] *Antea dixi uitæ Christianæ innocētiam, apud gentiles inimicos illustrem fuisse. Proinde hospitium meretricis satis ab opinione Christianitatis*



nitatis vindicare uidebatur: Cum Christiani obtutum quoque ab huiusmodi domibus renocarent. Tertullianus, quem toties laudo, inter commoda carceris numerat, Non in loca libidinum publicarum oculi tui impingant. Et alibi, cum iussisset leetorem (ut argumento, quod præ manibus erat seruiret) meretricium cultum inspicere, mox se castigans ait, Etsi prætat oculos abducere ab eiusmodi propudijs occisæ in publico castitatis.

Ad martyras.

De Pallio.

ABIIT AFRA AD MATREM SVAM ] Maio- 36  
res nostri credidere Afram haud procul à templo, quod nunc illi & D. Valerico sacrum est, habitasse: Matris domum in ecclesiam S. Martini postmodum abiisse.

HILARIAM ] Diuersa ab hac est, Hilaria, quæ cum Claudio marito III. Non. Decembr. colitur. Diuersa quoque quæ Prid. Cal. Ian. Vtraque Romæ passa. An nostra veneri hoc nomine gratificari voluerit, aliquando dubito. Certè quæ VIII. Cal. April. Hilaria festa Deum matri agebantur, ad Venerem etiam respiciebant. Macrobius enim ubi de Atti & Adoni, qui annuè Veneris nomine plangebantur, sic ait, simulatione luctus peracta, celebratur lætitiæ exordium ad octauum Cal. Aprilis, quem diem Hilaria appellant.

37  
Adi. martyrol.Saturn. lib.  
I. cap. 21.

EXPANDENS MANVS SVAS AD DEVM 38  
SVVM ] Vt manus orando leuemus atque expandamus, naturæ instinctu facere videmur. Ita Dauid, Expandi manus meas ad te. Atque innumera sunt huius moris exempla. In Christianis accedit crucis mysterium. Quod minuit Tertullianus, Nos vero non attollimus tantum, sed etiam expandimus, & dominica passione, modulantes & orantes, confitemur Christum.

Ps. 142.

De orat.

CIRCA VERO PULLORVM CANTVM ] Om- 39  
nibus animalibus pullorum nomen conuenit, sed animum generi præcipuè. Gallicinium itaque denotat. Antiquitus, inquit Censorinus, tum noctem in quatuor vigilias diuidebant, tum etiam plura noctis tempora proprijs discernebant nominibus. Puta, post crepusculum, sequitur tempus, quod dicebant luminibus accensis, siue antiquius prima face: Deinde concubium, cum itum est cubitum: Exinde intempesta, id est multa nox: Tum ad mediam noctem; Media nox: De media nocte: sequitur gallicinium, cum

De die  
nat. c. 10.

F galli



# CONVERSIO S. AFRAE

galli canere incipiunt: Deinde conticinium, cum conticuere. Tunc ante lucem: Et sic diluculum. Paulo igitur post mediam noctem lumen candelæ extinctum. Atque hæc omnis narratio, consulto in hunc locum à scriptore historiæ dilata est. Nam si eam antea, illis verbis subiecisset, episcopus totam noctem orando, & psallendo pertransijt, simul habens Afram cum suis puellis consortem, ubi rei gestæ series illam uidetur requirere, hic omnino repetenda fuisset.

40 OSTENDETUR LVX, QUAE EXTINGVI NON POTEST ] Lux quæ ad preces episcopi mox de cælo venit, ad auroram tantum, nec ultra luxit. Verum diaconus aliam præterea veram lucem, quæ illuminat omnem hominem venientem in hunc mundum, & quæ hac oculis perspicua luce significatur, intelligebat. Eadem feneratione Christus de aqua disputans, mulierem Samaritanam ad veri cognitionem pertraxit.

Ioan. 4.

VENI LVX MEA DE COELO, OSTENDE FACIEM TVAM, ET SALVI ERIMVS ] Respexit ad ea, quæ in psalmis leguntur, Emitte lucem tuam & ueritatem tuam, Item, Ostende faciem tuam, & salvi erimus. Vel quid aliud simile, etiamsi totidem uerbis non reddiderit.

Pf. 42.

Pf. 79. 1er.

VENIT FVLGOR DE COELO ] Cum ea, quæ fides Christiana proponit, omnem humanæ rationis captum excedant, & tamen adipiscendæ æternæ felicitati omnino credenda, sint: Ideo noluit Deus homines ad credendum cogere, nisi per miracula prius credibilia reddidisset. Christi verba sunt, Si opera non fecissem in eis, quæ alius nemo fecit, peccatum non haberent. Quæ caussa est cur primitiua ecclesia miraculorum dono tam largiter fuerit dotata. Hinc ait Ioan. Chrysostomus,

Ioan. 15.

Chrys. ep.

1. ad Cor.

8. 2. hom. 6.

Aug. de

cin. Dei li.

22. cap. 8.

tunc utile fuisse, ut signa fierent, nunc uero minime, Quin Augustinus, Necessariâ fuisse priusquam crederet mundus, ad hoc ut crederet mundus. Ceterum cogita quam apte opera Dei cohæreant. Consolatus est Narcissus Afram similitudine splendoris solaris: Dein promisit, si lumen fidei susciperet, eam perpetua claritate gauisuram: Iam nunc ostendit lucem in medijs tenebris, præter naturæ vires emicantem: Postremo internam illuminationem perficit, cui exterior ista arrhæ loco fuit. Et in plurimis sanctorum uitis licet hoc miraculi genus obseruare, quamquam non semper eodem modo contigerit. In S. Sebastia-



no simile quid Zoe matrona uiderat, & turpe putauit tam euidenti assertioni fidem non adiungere. Ex eius a-  
dis.

DVM ORATIONEM FINISSET ETC. DICERE, AMEN] D. Paulus ad Corinthios Ceterum si benedixeris spiritu, qui supplet locum idiotæ, quomodo dicet AMEN supra tuam benedictionem? quoniam quid dicas nescit. Chrysostomus idiotam promiscuam plebem, uel laicum explicat. Et significat post secula seculorum, qui finis precum sit, Amen subiici solere. Iustinus, Præpositus quantum potest preces offert, & gratiarum actiones, plebs uero. Amen accinit. Quæ tamen hæreticis nihil patrocinari ad assertionem, uulgaris linguæ, in diuinis officijs, & publicis precibus, discere potes ex Ledesma, Hosio, & Bellarmino, qui hoc argumentum explicant. Verbum ipsum AMEN Hebraicum est, de quo Hieronymus ad Marcellam, Amen uero Aquila *περισπασμός* exprimit, quod nos Fideliter possumus dicere, ductum aduerbium ex nomine fidei. Amen Septuaginta *ᾠεῖτο*; id est Fiat. 43  
Ep. 1. c. 14.  
Chrys. ho-  
mi. 35.  
Apol. 2.

DOMINE ETC. SVM ENIM MULIER PECCATRIX] Ita Petrus, Procidit ad genua Iesu, dicens: Exi à me domine, quia homo peccator sum. Stupor enim circumdederat eum. Ut uero Iesus respondit, Noli timere, Sic Narcissus, Quo me Deus meus iussit ingredi, introiui. Nam hæc uerba penitus considerata, omnem timorem abstergere apta sunt; Cum utique Deus temerè ingredi non iusserit. Porro ad illud Petri Ambrosius, Dic & tu, Exi à me domine, quia homo peccator sum: Ut respondeat tibi dominus, Noli timere. Indulgenti domino peccatum fatere &c. Est etiam animaduertendum, quod hic Afra narrat, se ad pedes Narcissi proiecitam, hæc uerba protulisse, nihil pertinere ad prius illud, procidit ante pedes eius, dicens: Domine indigna sum ualde &c. Id enim uespere, ut primum intellexit Narcissum Christianorum episcopum esse, hoc uero mane contigit, cum nouo miraculo iterum consternata esset. 44  
Luc. 5.  
In Luc. lib.  
4. c. 5.

FASCES LINI HABEO, SVB QVIBVS ABSCONDI EOS] Vti Afra legatos ueri Iesu, ita Rahab meretrix Hierichuntis, olim exploratores Iosue sub lino abscondit. Facile utrimque plura conferes. 45  
Ios. c. 2.



## CONVERSIO S. AFRAE

46 **MATER EIVS GAUDIO REPLETA DIXIT ETC.]** Cum Deus *Afræ* domum semel benignis oculis aspexisset, matrem *Hilariam* exortem diuinę gratiæ relinquere noluit, nam Dei perfecta sunt opera. Et probè iterum accommodari potest, *Rahab* meretrix uiuat, cum uniuersis, qui cum ea in domo sunt; abscondit enim nuntios, quos direximus. Obiter non est transmittendum, *Hilariam*, quamquam Idolorum vanitati adhuc deditam, tamen prestationem uoti ab vno Deo petere. Quod cum *Tertullianus* in alijs ethnicis obseruasset. testimonium animę naturaliter Christianę esse existimauit. Lactantius idem argumentum multis prosequitur.

47 **PER TRES HORAS TENERET PLANTAS EIVS]** Quam anxie, & quam ardentem *Hilaria* animę salutem concupierit, hinc cognoscimus. Quę enim sequuntur ab ea prolata uerba, pium animi affectum proculdubio significant: Verum igneum illud desiderium, nulla vnquam lingua tam expresse eloquetur, quam per tres horas iacens corpus ad pedes episcopi. Merito responsum tulit, Beata est fides tua. Afferamus exemplum *Pelagię* pœnitentis sub Imp. *Theodosio* iuniore. Cuius historiam à *Iacobo* diacono *Heliopoleos*, qui conuersioni interfuit, grauitè conscriptam habemus. Et quoniam pleraque eorum explicat, quę per trihorium inter *Hilariam*, & *Narcissum* disputata, hic breuitatis gratia omiſsa uideri possunt, Ideo non grauebor plura ex illa uerba describere. Venit illa (*Pelagia* nimirum) ubi sedebant episcopi, seseque in pauimentum prono uultu prosternens, apprehendit pedes beati *Nonni*, aitque ad eum: Rogo te, mi domine, imitare magistrum tuum, Dominum Iesum Christum, & impertire mihi humanitatem, meque Christianam effice. Ego enim sum pelagus flagitiorum, & quædam iniquitatis abyssus. Peto autem sanctum mihi conferri baptismum. Cumque uix ei persuasisset episcopus, ut a pedibus surgeret, sic illi locutus est: Sacri episcoporum canones uetant baptizari meretricem, nisi fidei iussores adhibeat, qui fidem dent eam non reddituram ad anteaçtę uitę turpitudinem. Hac episcopi sententia audita, rursus in pauimentum se abijcit, comprehensusque sancti uiri pedes rigat lacrymis, & capillis suis detergit, dicitque illi: Tu itaque rationem reddes iusto iudici Deo.

pro



pro anima mea, & tibi imputabo omnia scelera, & flagitia mea, si distuleris mihi impure, & turpissimæ, salutaris lauari beneficium impertire. Non sit tibi portio apud Deum inter sanctos eius, nisi me feceris alienam à maleficijs, & peccatis meis. Negasse Deum, & idola coluisse censearis, nisi me hodie in Christi sponsam renasci feceris, & obtuleris Deo puram, & immaculatam. *Episcopi, qui in Nonni confessione erant, pronunciauere. Nunquam se talem uidisse fidem, tantumque obtinendæ salutis desiderium. Itaque Pelagia post confessionem, & exorcismum, baptizata est. Ad spatium trium horarum, quibus Afra, Narcissi pedibus prouoluta iacuit, quod spectat, prodit Hieronymus, Antonium ante speluncam Pauli eremitæ, sex & amplius horas aditum precantem iacuisse.*

*In uita  
Pauli.*

ANTEQVAM DISCERES ETC.] *Similis est apud Tertullianum locus, Laudo fidem, quæ ante credidit obferuandum esse quam didicit.*

48.  
*De Cor.  
mil.*

HODIERNA DIE SIMVL INCIPITE IEIUNARE ETC.] *Ex antiqua ecclesiæ disciplina. Tertulliani uerba sunt, Ingressuros baptismum orationibus crebris, ieiunijs, & geniculationibus, & peruigilijs orare oportet, & cum confessione omnium retro delictorum. Nostra comparatione inuenies Confessionem: Orationes, quibus geniculationes comprehensæ; Vigiliæ: & ieiunia. Præterea, Catechismus, Audite sermonem ueritatis: & exorcismum, cum se demon paulo post exclusum fateatur. Quæ baptizaturi partes sunt; nam Tertullianus de baptizandis tantum agit.*

49  
*De bapt.*

DICIMVS QVID COLIMVS ET ITA DE MV M DOCE NOS ETC.] *Narcissus sciuit proculdubio has mulieres gentiles esse; sed cū Deorū cultus uarijs esset, & multiplex, multū intererat cognoscere, quā rationem istæ sequerentur, Ut intellecta vi ueneni, antidota maximè necessaria adhiberentur.*

PARENTES MEI GENERE CYPRII FERVNT, ET INDE VENERVNT] *Paucis uerbis, quibus Hilaria non se ipsam, sed parentes suos ex Cypro uenisse asserit, illa pæne omnia conuelluntur, quæ incerto rumore, prologo a nobis omissio sunt prodita. Quamquam eorum uanitas etiam aliunde certis rationibus demonstrari potest. Nam Afram Reginam, patre Cypri Rege, matre item Reginā natam esse, ut cetero-*

*quin*



quin nihil obstat, temporum ratio minimè patitur. Cum conslet, Cyprum à M. Catone, lege P. Clodij, in prouinciam redactam esse: Vltimum Regem Ptolemæum, fratrem Ptolomæi Auletis Alexandrini Regis, hausto ueneno sibi mortem consciuisse: Idque ante annum urbis septingentesimum, multo prius quam Christus ex uirgine nasceretur, contigisse. Cui rei frequentissimi testes Cicero, Liiij epitome, Plutarchus, Velleius, Appianus, Dio, Strabo, Valerius, Florus, Rufus, Ammianus, Lucanus. Singulorum locis immorari nihil est necesse, cum uix sit Romanas historias attingere, quin in ea incurramus. Posthæc M. Antonius insulam quidẽ Cleopatrx donauit, sed eius acta statim à morte rescissa sunt, quod tradit Plutarchus; Neq; deinde ullus in Cypro Rex, quam diu Romanum imperium stetit. Nam prouincia uniuersam insulam complectebatur, Ne quis Britanniam in exemplum trahat, quæ post constitutam prouinciã aliquos adhuc Reges habuit. Quod de Rege Atticæ insulæ, & de pugna cum Cyprio subiungitur, multo est nugacius. Sed uideor intelligere, quid auctores fabulæ sequuti sint. Constat illis ex historia, Hilariam, & Afram Cyprias origine fuisse, Imaginem utriusque ex antiqua traditione coronatam aspiciebant, Quod ergo proximum, Matrem uxorem Regis, filiam Rege natam existimauere: Et ut aliqua exiliij causa apparet, reliqua illa de patre pugna uicta, & cæso, quæque consequentia uidebantur, affinxere. Nam qui omnium rerum, quæ in antiquis historijs leguntur, causas reddere constitutum habent, in eptias aliquando pene aniles sequantur necesse est.

Quamquam de coronis multæ causæ, præter unam, quam commenti sunt, & quam varijs parergis exornarunt, afferri poterant. Quanto probabilius ecclesiæ antiquam consuetudinem appellassent, quæ martyrium Coronam nominare solita; Certa nimirum iustum iudicem, pro passionibus huius seculi immarcescibilem coronam suis retribuere. Hinc factum, ut sancti omnes radys insignirentur. Quid si regiam cognationem prætexissent? Nihil uetat mortuo Ptolemæo, plerosque, qui eum sanguine attingerent superuixisse; Inter eos qui istarum mulierum maiores ponat, temerè fortassis pronunciet; mendacij tamen non conuincatur. Propius etiam ad ueri speciem, Hilariam ex Cinara posteris deduxissent. Vt coronæ insigni regiam originem testatam facere uoluisse crederetur. Certè Tacitus Cinara familiam sua ætate superfuisse,

Plut. M.  
Ant.

Inde Prudentij peristeph.

Hist. lib. 2.



persuasse, & procuracionem sacrorum Veneris in Cypro habuisse ostendit. Neque est cur opinemur à Tacito ad Diocletianum intercidisse. Quin & de sacris initijs cogitare poterant. Nam Veneris mysterijs hasce mulieres initiatas mox intelligemus. Initiatum autem quandoque auro coronabantur. Decretum Atheniensium inter epistolas Hippocratis, Visum est populo ipsum publice magnis mysterijs initiare, quemadmodum Herculem F. Iouis, & coronare ipsum corona aurea mille aureorum.

Sed quidquid huius sit, illud non dubijs coniecturis perspicuum est, Hilariam & Afram Veneris Cypriae sacerdotes fuisse. Nam peregrino ritu Venerem ab ijs cultam significant Hilariae uerba, cum ait, parentes ex Cypro cum sacris Veneris uenisse. Peculiaribus ergo sacerdotibus opus erat. Ex quin ipsamet fuerint, nihil attinet dubitare, Hilaria de filia disertè explicat, Ego denique filiam meam sacris Veneris consecraui, quasi Deae veneri seruituram. Alioquin etiam veneris sacerdotes famulas obseruare licet. Apud Plautum anum, quæ Ampeliscam & Palestram suscipit; Nummiam Variam in antiqua inscriptione, quam Fulv. Ursinus emisit, & alias alibi. Sacerdotes autem coronari consueisse quam multi testes; Tertullianus, Ipsæ denique fores, ipsæ hostiæ, & aræ, ipsi ministri, & sacerdotes eorum coronantur. Habes omnium collegiorum sacerdotalium coronas apud Claudium. De Veneris sacerdote est exemplum apud D. Hieronymum. Cum S. Hilarion peruenisset. Elusam, eo fortè die, quo anniuersaria solennitas omnem oppidi populum in templum Veneris congregauerat, Virum sanctum non prius abire passi sunt, quam futurae ecclesie lineam mitteret, & sacerdos eorum, ut erat coronatus, Christi signo denotaretur. Sed hæc coronæ fere ex floribus, ideo inquit Tertullianus Cl. Saturninum libro de coronis nullam gratiam floris, nullam letitiam frondis, nullum cespitem aut palmitem, non alicui capiti consecrassè. Et pleraque huius generis hauries ex Clemente Alexandrino, & Athenæi Deipnosophistis. Illud interim me idem Tertullianus monet, sacerdotibus in prouincijs aureas coronas fuisse. Loquitur ut de re uulgo nota, Purpura illa & aurum, ceruicis ornamentum, eodem more apud Aegyptios & Babylonios insi-

Plau. Rud.  
Urs. in leg.  
& S. Conf.  
ant. n. 26.

De Cor.  
mil.

In uita  
Hilar.

Clem. pad.  
lib. 2. ca. 8.  
Ath. li. 15  
De Idol.



*Hist. li. 29.* insignia erant dignitatis, quò more nunc prætextæ, uel trabæ uel palmatæ, Et coronæ aureæ sacerdotum prouincialium. Meminit Ammianus Marcellinus coronæ sacerdotalis, quam sub Valente Imp. Firmus Maurus Romanis restituit, cum militaribus signis, & ceteris, quæ capto Icosio oppido intercepterat. Eam auream potius quam floridam fuisse, restitutio satis arguit. Atque hanc ego potissimam, & verissimam causam censeo cur imagines auro coronatæ. Ut tamen si quis probabilius differat, non inuitus sim auscultaturus. Scire etiam refert, Insignia crucibus, & leonibus distincta, quæ imagini S. Afræ appingi solent, nihil ad eius familiam, nihil item ad æuam, quo illa uixit pertinere: sunt enim insignia Lusinianorum, qui post excisum Francicum in Palestina imperium, in Cypro rerum potiti sunt, atque Ierusalem & Cypri Reges dici uoluere. Id tantum significant, Afram ex Cyprio Regno originem ducere. Quæ indicanda non existimassem, nisi animaduertentem hac quoque in re nonnullos, omnis antiquitatis imperitia deceptos, errare.

*Cap. lib. 1. Aug. de ci. lib. 7. ca. 2.* **INDE VENERUNT CVM SACRIS VENERIS]** Venus Aeneadum genitrix, ut poetis appellatur, inter præcipuos Deos Romæ, & per omnem Romanum orbem semper est habita, Consentibus annumerat Mart. Capella, Selectis Augustinus. Neque ferri potest, Hilarie parentes sacra Veneris in uniuersum ex Cypro primum attulisse: Verum cum Veneri diuersis locis alijs atque alijs institutis sacra fierent, Cyprium cultum tunc primum Augustam appulisse, intelligendum est. Quo is ritu constaret, mox aperietur. Huc fortasse pertinet, cognoscere ex Tacito, qua figura Veneris *ἡ θεὸς* Paphi in Cypro extiterit. Simulachrum Deæ non effigie humana. Continuus orbis, latiore initio, tenuem in ambitum, metę modo exurgens. Et ratio in obscuro. Quæ uerba, cum conum, Augustæ symbolum, tam aptè describant, ut iam expressius non possint, fateor me commouisse aliquando, ut cogitarem an ea antiquitus symboli occasio. Nam permultas urbes symbolis suis, religionem alicuius numinis expressisse, discimus ex nummis. Et erant alia quoque, quæ coniecturam commendarent. Sed certis de causis, illam omnino abdicauit; Indicatam tamen uolui.

**53 VENVS COLI NON POTEST NISI AB HIS FOEMINIS, QUAE FVERINT FORNICATAE]**

De



De multipici Venerem mythologi adeundi. Nos consuetudinem, cuius hic fit mentio tantum explicabimus.

Fuere qui Venerem castitate colerent. Narrat enim Pausanias de Veneris templo apud Sicyonios, in quod solæ ingrediebantur æditua mulier, cui uiri consuetudine interdictum, & uirgo, quæ annuoungebatur sacerdotio. Et Augustinus irridet gentilium uanitatem, qui Vestam, cui uirgines seruiant, dicant Venerem esse. Verum qui contra Venerem meretricatu colerent, multo plures extitere, quam qui pudicitia. Strabo de Anaitide, quo nomine Armenis Venus, Illustrissimi eius nationis filias suas Virgines ei dedicant, Ac lex est, ut longo tempore apud Deam constuprata, deinde nuptum dentur: nemine talis mulieris coniugium dedignante. Tale quippiam etiam Herodotus de Lydijs mulieribus scribit. Extat locus in primo Herodoti. De Phænissis auctores habemus Augustinum, Athanasium, & Val. Maximum. De Babylonijs rursus Herodotum, & Strabonem. Item Herodotum de Nasamonibus, & Adyrmachidis. Nam ubicumque hi ritus, ad Venerem pertinebant. De Augilis Melam & Solinum. De Locrensibus & Epizephyrijs Athenæum. Qui præterea prodit, Veneris meretriciæ delubrum Abydi fuisse: Meretrices in Samo & Ephesi Veneri templa ædificasse: Corinthias meretrices salutem Græciæ à Veneris exorasse: & Corinthiorum plebem uouere solitam, si quod precibus flagitaret impetrasset, Deæ certas se meretrices adducturam. Inde est, quod Strabo lib. 8. scribit, fanum Veneris Corinthi ita fuit locuples, ut plures quam CIO habuerit facrorum famulas meretrices, quas Deæ uiri, mulieresque dedicarunt. Innumera sunt, quæ apud poetas græcos & latinos in hanc sententiam habentur. Pileterus apud Athenæum, docet Venerem nullo nomine frequentius quam meretricio coli solitam. Versus ita reddidit interpres,

———— Vbique Veneri  
Amicæ templum dicatum uidemus,  
At Maritæ nusquam in tota Græcia.

Quæ etsi rectæ rationi adeo refragentur, ut uix credibile uideatur cuiquam unquam tam crassas tenebras ab humani generis hoste potuisse obijci, tamen in ethnicis hominibus minus mirum est,

G Quia

Paus. Corinth.

Lib. 11.

Aug. de ciu. lib. 4. c. 10. Ath. contra Idola. Val. li. 2. c. 7. Herod. lib. 1. 4. Strabo lib. 16. Melam. lib. 1. Solin. c. 35. Athen. lib. 12. 13.



CONVERGIO S. AFRÆ

*Salu. de* Quia has idolorum suorum delitias esse credebant, ait *Sal*  
*prou. li. 5.* uianus: & *Athanasius*, Cum uiderent suos Deos istiusmo-  
*Ath. con-* di rebus oblectari, statim eos ijsdem delictis emulati sunt.  
*ra Idol.*

Egregium facinus arbitrati, si exempla eorum, quos summos censebant, imitarentur. Atque inde factum est, ut sceleribus homicidiorum, parricidiorum, omniumque libidinum succubuerint. Nam propemodum omnes ciuitates omnibus libidinibus scatent, ob immanitatem morum, quã in suis dijs conspiciunt. *An non multo scēdiora in hoc ipso libidinum genere designarunt homines nomine tenus Christo dedi-*

*Pfel. de e- ti; Horrenda sunt, quæ de Euchitarum sacris Pfellus, & de Gnostici-  
nerg. dem. corum colluie Epiphanius scribit. Sed ad Venerem redeamus.*

*Plin. lib. 5. cap. 31. Ath. lib. 6. Val. lib. 9. cap. 2.* Cyprum cum insulam maximè fertilem, nulli præstantiâ cedentem, eaque de causâ aliquando Macariam dictam, ut Plinius index est, colerent, luxui ad miraculum usque dediti fuere. In primis omnem fidem superant, quæ Athenæus de Regibus, de Reginis Valerius prodidit. Ea mollities cum in reliquum vulgus promodulo fluxisset, meretriciæ religioni facillimè aditus patuit.

Nam Lactantius, Athenæus, & Iustinus Trogii abbreviator, indicant Venerem à Cyprijs mulieribus eadem ratione, qua à reliquis, quos enumeravimus populis cultam esse. Accedebat, quod Dea origine Cypria, illique tota insula sacra censebatur. Sine quod de Venere, quæ olim inter homines uixit, ita verum sit, siue quod Voluptatis Dea voluptaria insula convenire crederetur. In testimonium persæpe Cypriæ nomine, uti etiam cognominibus Paphiæ, Idaliæ, Golgiæ (Cypri loca sunt) appellabatur. Et Lactantius eam primam meretricium in Cypro instituisse ex sacra historia scribit, Autor mulieribus in Cypro fuit, uti uulgo corpore quæstum facerent. Quod idcirco imperavit, ne sola præter alias mulieres impudica, & uirorum appetens uideretur. Idem Athanasius, Ex Venere meretricatum didicerunt. Neque alio respicit Hilaria inquiens se filiam diuinis Veneris imitationibus occupasse. Si tamen hæc scriptura probatur, nam si libri adiuvant, lubens legam initiationibus.

*At quoniam certorum Deorum sacra, quo sanctiora crederen-  
tur, arcanis ritibus, mysteriorum nomine constabant: Atque ini-  
tiandi solemnibus ceremonijs allegebantur: Visum est ea quoque  
quæ circa Venerem impudicè fiebant, hoc uelo oculis vulgi subdu-  
cere.*



cere. Quod ex nullo gentilium tam distinctè, quam ex Christianis scriptoribus haurimus. Hi ceteroquin tacenda propalare uoluerent, quo infamium Deorum affectis pudorem incuterent. Iulius Firmicus Maternus, is qui de mysterijs, & erroribus profanarum religionum ad Constantinum, & Constantem Augg. scripsit, sic inquit, Audio, Cinyram Cyprium templum amicæ meretrici donasse, ei erat Venus nomen: initiasse etiam Cypriæ Veneri plurimos, & nouis consecrationibus deputasse. Statuisse etiam quicumque initiari uellet; secreto Veneris sibi traditò asse, manum mercedis nomine Deæ daret. Quòd secretum quale sit, omnes taciti intelligere debemus. Quia hoc ipsum propter turpitudinem manifestius explicare non possumus. Bene amator Cyniras meretricijs legibus seruit, consecratæ Veneri à sacerdotibus suis stipem dari iussit ut scorto. Clemens Alexandrinus, Apertè autem dico quæ sunt occulta, non erubescens dicere ea, quæ non pudet uos adorare. Quæ ergo ex spuma, & in Cypro est genita, Cinyræ amica, Venerem dico, quæ φιλομένης dicitur, quòd exorta sit ἐκ μηδένος, hoc est ex genitalibus, ex salacibus illis inquam genitalibus, quæ Cælo abscissa sunt, quæ post abscissionem fluctui uim attulerunt, tamquam libidinosi uestris partibus dignus, fructus sit Venus in sacris mysticis. Marine huius uoluptatis generationis indicium, salis pugillus, & phallus traditur, ijs qui in hac mœchandi arte sunt initiati. Nummum autem ei offerunt ij qui initiantur, ut amicæ amatores. Arnobius, Nec non & Cypriæ Veneris abstrusa illa initia prætereamus: quorum conditor indicatur Cyniras Rex fuisse: in quibus fumentes ea, certas stipēs inferunt ut meretrici, & referunt phallos propitij numinis signa donatos. Gregorius Nazianzenus, Nec meretricia Veneris mysteria, turpiter, ut ipsimet asserunt, & procreatæ, & cultæ: nec Phalli quidam, & Ithyphalli, tum forma, tum rebus ipsis fædi, atque obsceni. Ad quem locum Nicetas, Ipsa turpiter progenita est, rursusque turpiter honoratur per flagitiosos concubitus, atque execranda mysteria. Hæc ergo mysteria Cypria fuere, quæ Hilariæ uerbis significantur, quibusque Asfra initiata inseruiuit, hæc sacra ex Cypro

Cap. 5.

In protrep.

Lib. 5.

Orat. 39. in  
S. Lumina.



*Augustam allata, ex quorum praescripto. Venus coli non potest, nisi ab his feminis, quae fuerint fornicatae.*

*Subiungam quid haec commentanti in mentem uenit. Afra, Veneri se totam dicauerat, uti vidimus: Venerem graeci Aphroditem appellarunt παρα τὸν ἀφρόν, quod spumam significat: Hinc Afra nomen traxisse uideri possit: Aut ab ἀφρί, quod myrtus est, nam Veneri myrtus sacra. Sed etymologia, quam antea attulimus, ut multo simplicior, ita mihi magis probatur.*

54 QUANTO PLURES AMATORES HABERE POTVERIT ETC.] *Consentaneum est illis quae haecenus dicta. Nam si supra Dea accepta, profecto quo numerosiora, eo gratiora interpretanda erant. Minutij Felicis uerba huc faciunt, Alia sacra coronat uniuiura, alia multiuira, & magna religione conquiratur, quae plura possit adulteria numerare, In felices tenebrae?*

*In octau.*

*Ex Lucr. lib. I.*

55 *In uita Ambr.*

*Tantum religio potuit suadere malorum. Siue verius superstitio, & impietas.*

INGEMUIT, ET LACRYMAS FVDIT] *Ita consuevere uiri sancti, quibus Dei honor cordi est. De S. Ambrosio Paulinus, Quotiescumque illi aliquis ob percipiendam paenitentiam lapsus suos confessus esset, ita flebat, ut & illum flere compelleret.*

56 *Ad Rom. 5. Or. Com. li. 5. c. 5.*

VBI ABVNDAVIT INIQVITAS, SVPERABVNDET ET GRATIA] *Pauli Apostoli uerba sunt, Vbi autem abundauit delictum, superabundabit, & gratia. Origenes gratiam superabundare explicat, cum homo a praeteritis peccatis non solum absoluitur, uerum etiam a futuris communitur. Vtrumque his mulieribus plene contigit.*

57 *in octauo. in octauo. 1.2*

APPARUIT AEGYPTIVS] *Vti conspecta uirtus miros sui amores, ita vitium maximum odium in se concitaret. At cum eiusmodi habitus oculis usurpari nequeant, fit tamen Dei benignitate, ut spiritus, qui nos utrimque alliciunt, ea quandoque specie appareant, quae siue erga bonos amorem, & admirationem, siue erga malos odium, & contemptum commouere apta sit. Neque id mihi exemplis, quae creberrima sunt, confirmandum existimo. Certè, quae demonis inexpressibilis superbia, & impostura est, nullam ille aliam quam praestantissimam formam indueret unquam, nisi Dei imperio cogeretur. Sed Deus, qui formauit dra-*



draconem ad illudendum ei, exhibet ipsum nonnunquam, etiam corporeis hominum oculis, tam turpem, & fœdum, ut illi despiciatui habeant, & summopere detestentur semel uisum, qui incognitum ueneratione, & cultu prosequerentur. Quod hic accidit. Aegypti nomen ad atrum colorem, qui infaustis spiritibus, uti beatis albus, proprius creditur, referendum est. Adde quod per Aegyptios peculiari figura demones in sacris litteris exprimuntur. Gaudentius Erixianus episcopus, Erasmus, & nos aliquando in Aegypto, nescientes Deum, ac luminis, & ueritatis ignari: quos urgebant immundi spiritus, ueri Aegyptij, laterem facere, terrenis uidelicet inseruire figmentis: At ubi conuersi ad Deum sumus, reclamantes ab operibus duris, uerberati sunt Aegyptij multiplicibus plagis, & primitiua eorum percussa sunt, Salus enim nostra demonum pœna est.

Albi Deorum filij.  
Apud Platonem S.  
de Regno.  
Tract. 1. in  
Exod.

VULNERIBVS ELEPHANTIAE TOTOCORPORE PLENVS] Elephantiam Corn. Celsus sic describit, Totum corpus afficitur, ita ut ossa quoque uitari dicantur. Summa pars corporis crebras maculas, crebrosque tumores habet. Rubor harum paulatim in atrum colorem conuertitur, Summa cutis inaequaliter crassa, tenuis, dura, mollisque, quasi squamis quibusdam exasperatur, corpus emacrescit, os, surae, pedes intumescunt. Vbi uetus morbus est, digiti in manibus, pedibusque sub tumore condantur, febricula oritur, quæ facile tot malis obrutum hominem consummit. Verbatim exscripsi, quo fœdissimi morbi speciem eleganter expressam, ob oculos ponerem. Eadem paucis complectitur Serenus Sammonicus,

58  
Li. 3. c. 25.

Est elephas morbus, tristi quoque nomine dirus,  
Non solum turpans infandis ora papillis,  
Sed cita præcipitans funesto fata ueneno.

Nonnulli medicorum eundem cum morbo gallico existimauerunt. Quos erroris arguit Fracastorius, docens elephantiam conuenire cum ea, quæ Arabibus, & vulgo lepra est. Nam antiqui lepræ nomine diuersum quid intellexerunt. Plinius Aegypto peculiare malum dicit. Lucretius asserit nullibi præterea gigni,

De morb.  
cont. li. 2. c.  
13.  
Plin. libr.  
26. cap. 1.  
Lucr. li. 6.

Est



## CONVERSIO S. AFRAE

Est elephas morbus, qui propter flumina Nili  
Gignitur Aegypti in medio, neque præterea usquam.

*Cor. 1. c. 6.* Sed fallit. Illud observatu dignum, quod cum nullo fere morbo totum hominis corpus adeo misere afficiatur, merito demon impudicitie suasor hac specie ostensus est, Ait enim D. Paulus, Fugite fornicationem, omne enim peccatum, quodcumque fecerit homo, extra corpus est: qui autem fornicatur, in corpus suum peccat.

59 O SANCTE NARCISSE EPISCOPÉ, QUID  
TIBI] Demon, qui mulieribus tot annos sub Veneris persona  
illuserat, se aperit. Eiusmodi exemplis vitæ sanctorum scatent.  
Similia sunt, quæ grauissimi auctores Athanasius de Antonio,  
Sulpitius de Martino, Iacobus diaconus de Pelagia, de alijs alijs  
prodidere. Quin sanctum sanctorum, dominum nostrum Iesum  
Christum, eadem petulantia demones adoriri ausi, Quid nobis,  
*Mat. 8.* & tibi Iesu Nazarene? Venisti perdere nos? Scio quod sis  
*Mar. 1. 5.* sanctus Dei. Ceterum ne quis miretur à demone contra se ipsum  
*Luc. 4. 8.* testimonium dici, & propriam causam prodi, Dum se castitatis ho-  
stem, inquinatum corporum, & pollutarum animarum dominum  
profitetur: id non sua uoluntate, sed Dei nutu factum sciat. Con-  
sulens enim hominum saluti misericors parens, hac ratione uaser-  
rimus hostem hodie quoque aliquando detegit. Sed opinor frequen-  
tius in primitiua ecclesia. Vt nimirum homines ab Idolorum cultu  
reuocaret. Id quod rectius ex D. Cypriano, alloquente Demetria-  
num audiemus. O si audire eos (Deos tuos) velles, & uidere,  
quando à nobis adiurantur, & torquentur spiritualibus  
flagris, & uerborum tormētis de obsessis corporibus eijciū-  
tur, quando eiulantes, & gementes, uoce humana, & pote-  
state diuina, flagella, & uerbera sentientes, venturum iudi-  
cium cōfitentur. Veni, & cognosce esse uera, quæ dicimus.  
Et quia sic Deos colere te dicis, uel ipsis quos colis crede.  
Aut si uolueris, & tibi credere, de te ipso loquetur, audien-  
te te, qui nunc tuum pectus obsedit, qui nunc mentem tuā  
ignorantiæ nocte cæcauit. Non quod Demetrianus energu-  
menus, sed quod item ut Afra, per idololatricum cultum animā  
tenus à demone possideretur. Videbis nos rogari ab eis, quos  
tu rogas; timeri ab eis, quos tu adoras: videbis sub manus  
no-



nostras stare uinctos, & tremere captiuos, quos tu suspicis, & ueneraris ut dominos. *At quid tandem hæc demonum confessio proderit?* Certè vel sic confundi in istis erroribus tuis poteris, cum conspexeris, & audieris Deos tuos quid sint, ad interrogationes nostras statim prodere: & præsentibus licet uobis, præstigias illas, & fallacias suas, non posse celare. *Ante Cyprianum Tertullianus in apologetico*, Edatur hic aliquis sub tribunalibus uestris, quem dæmone agi cõstet. Iussus à quolibet Christiano loqui spiritus ille, tam se dæmonem confitebitur de uero, quam alibi Deum de falso. *Ausim dicere, hoc in primis argumento plurimos ad Christianismum animum appulisse.* Disertè enim Tertullianus, Hæc deniq; testimonia Deorum uestrorum Christianos facere consueuerunt, quia plurimum illis credentes, Christo domino credimus.

(CVM ANCILLIS MEIS ETC. IN MEA FAM-  
MILIA ETC.) *Mendacij pater, se pro patre familias in Hilariæ domo gessit. Familiæ autè nō una est apud Iurisconsultos significatio: Huc illa quadrat, lure proprio familiam dicimus plures personas, quæ sunt sub unius potestate, aut natura, aut iure subiectæ. Et si hæc mulieres neque naturâ, neque iure, sed dolo, & fraude in dæmonis potestatem concesserant.*

*Dig. de uerbo. sign. l. 195.*

MEAE SUNT, ALIUS ESSE NON POSSUNT] *Veritati mendacium aspergit. Verum erat suas fuisse, Quia omnis qui facit peccatum, seruus est peccati: Sed libera fieri, & cum Deo in gratiam redire poterant. At hic idem ille calumniator est, qui S. Martino obganniebat, Non pertinere ad ueniam criminosos, & semel lapsis, nullam à domino præstari posse clementiam.*

*Ioan. 8.*

*Sulp. in uita S. Mart.*

NUMQUID EGO INTRO, VBI CASTITAS  
REGNAT ETC.] *Probata est theologorum sententia, distincta demonum munia esse: Vt alius prouinciæ, alius cento homini, alius alicui uitio præsit. Quod loquendi etiam consuetudine confirmant. Dicimus enim spiritum superbiæ, spiritum luxuriæ, spiritum auaritiæ, & pleraque ad hunc modum. Hinc Origenes, quem sequitur Cæsarius Arelatensis, existimauit quot uitij homo deditus sit, tot uitiorum præsidibus dæmonibus illum agitari. Idque Cæsarius per plura peccata ostendit; Vnum subscribam,*

*62  
Vide mag. sent. lib. 2. dist. 6. Cæsarian. Collat 7. c. 17. Orig. sup. Ios. hom. 15. Cæsar. bo. mi. 16.*

Nam



Nam quod, & ille qui fornicatur à diabolo possidetur, canonica nihilo minus scriptura testatur. Sicut enim dicit propheta, Spiritu fornicationis decepti estis. Huius ordinis Aegyptium istum fuisse, tum effectus rerum, ad quas cultrices suas impulit, tum uerba, quæ de se ipso protulit confirmant. Quod meretriciam domum tamquam propriam possessionem sibi uendicat, Tertullianum in memoriam reuocat, Exemplum accidit, domino teste, eius mulieris, quæ theatrum adiit, & inde cum dæmonio redijt: Itaque in exorcismo, cum oneraretur immundus spiritus, quod ausus esset fidelem adgredi: Constāter, & iustissimè (inquit) feci, in meo eam inueni.

De spectn.

63 [IVBEO TIBI IMMUNDE SPIRITVS] Chri-

Mat. 10.  
Mar. 3.  
Luc. 9.

Caiet. sup.  
sec. sec. S.  
th. 9. 90. ar.  
si. I.

De SS. Ge-  
ru. & Pro-  
rb.

stus semel Apostolis, & per Apostolos successoribus, dedit uirtutem, & potestatem super omnia dæmonia. Quæ potestas hætenus in ecclesia uiguit, & in posterum uigebit. Idcirco uiri sancti non precario (quod impostorum est, de pacto agentium) sed imperio, ad id quod placitum est adigunt dæmones. Eo recidit, quod theologi definiunt, nullam ab hominibus cum dæmone licitā communicationem haberi posse, nisi expellendo tantum, & compellendo uirtute diuina. Quod utrumque uno compulsionis nomine fortassis rectè enunciatur. Atque huius potestatis nullum est euidentius argumentum, quam quod dæmon, Christiano menti ri non audens, inquit Tertullianus in apologia, ea coactus profert, quæ alioquin quauis arte tegere nititur. Quid isto opere manifestius, quid hac probatione fidelius? Exclamat Tertullianus. Illis, qui nullo unquam pacto auditum dæmonis uerbis accommodandum existimant, siue vera, siue falsa, siue sponte siue coactè loquatur, respondet S. Ambrosius, Non accipio à diabolo testimonium, sed confessionem, Inuitus dixit diabolus & exactus, & tortus. Quod nequitia suppressit, extorquet iniuria.

64 [SCIS CHRISTVM IESVM DOMINVM NOSTRVM ETC.] Epitome rerum a Christo Iesu in extremo

uite actu, pro salute humani generis perpeffarum. Quæ cum gentilibus Dei maiestate ualde indigna uiderētur, & Christus crucifixus illis stultitia esset, sapienter Narcissus, ab insensissimo hoste, de sacratissime passionis fructu confessionem extorsit. Neq; dubitandū, quin mulierum fides mirè hac auditione confirmata fuerit.

PRIN-



PRINCEPS NOSTER] Hoc etiam ex theologorum, 65  
 scitis planum fit, Sicut inter bonos angelos alij alijs præ-  
 sunt, ita & inter malos alij alijs prælati sunt, & alii alijs  
 subiecti: quam diu durat mundus angeli angelis, dæmo-  
 nes dæmonibus, homines hominibus præsunt. Sed in futu-  
 ro omnis euacuabitur prælatio, vt docet Apostolus. Ideo re-  
 gni Sathanæ meminit dominus, Et principis demoniorum sæpe  
 meminere sacræ litteræ. Mag. sec.  
 sent. dist. 6.  
 Mat. 12.  
 Mar. 3.  
 Luc. 11.  
 Ioan. 12.

FUGIT A FACIE EIUS ETC.] Prædixerat Chri- 66  
 stus, Princeps huius mundi eiicietur foras. Nam per Christi  
 crucem, & mortem omnis dæmonis potestas fugata est. Nonnul-  
 la exemplaria verba, quæ mox sequuntur interiecta habent.  
 Princeps noster fugiens à facie eius, in templum Dei se mi-  
 sit, & ideo velum templi scissum est, quia virtutem perse-  
 quentis ferre non potuit. Quæ non satis uideo quomodo con-  
 sent. Ego à fide exemplaris, quod ceteroquin sequutus sum, di-  
 scedere nolui.

TENTVS EST ET CATENATVS] Dæmonis ui- 67  
 res constrictæ fuere, Quomodo, aut ubi (inquit Chrysosto-  
 mus) nec hominis est posse exponere nec intelligere. Quam  
 quam opinantur nonnulli Luciferum in inferno religatum esse, ex  
 illo tempore, quo tentauit Christum in deserto, vel in passione, &  
 victus fuit ab eo: neque soluendum ante tempora Antichristi,  
 iuxta Apocalypsis illud, Cum consummati fuerint mille an-  
 ni, soluetur Sathanas de carcere suo. In Mat. ho-  
 mi. 29.  
 Apo. 20.

SATHAN NOMEN EST EI, QVOD IN- 68  
 TERPRETATUR INITIVM MORTIS] Sathanā  
 aduersarium interpretatur Origenes, Theophylactus, Athanasius,  
 Cōtrariū, idē Origenes, & Hieronymus. Rursus Origenes Resisten-  
 tem, uel Rebellem, aut etiam Contumacem. Irenæus Apostatam.  
 Anastasius Nicenus Apostatā, id est qui defecit. Tertullianus Ho-  
 stem. Eucherius Aduersarium siue Trāsgressorē. Beda Trāsgresso-  
 rem uel Pręuaricatorem, seu contrarium facturæ, aut Aduersa-  
 rium psalmationis. Moses Bar—Cepha inquit, Sathanas qui-  
 dem, & quia ipse à Deo recessit, & quia mortales à Deo  
 abducit. Vbi interpres And. Masius notat, Verbum Sot Sy-  
 ris, & Chaldæis significat recedere, deflectere: Vnde hic  
 deducit Sathanæ nomen, quod uerius ab Hebræo Sathan  
 Orig. sup.  
 10f. homi.  
 15. i Mat.  
 homil. 1.  
 & in Iob.  
 Theophyl.  
 in Mat. c.  
 16. Mar. c.  
 8. Ath. in  
 2. ad Cor.  
 Hier. ques.  
 1 gen. Iren.  
 lib. 5. c. 21.  
 Anast. qua-  
 stio. 61.  
 Tert. con.

H venit.



Marc. 3.  
Euch. qua-  
stio. noui te  
flam. ca. 9.  
Beda de no-  
mi. H. br.  
Moses de  
par. par. 1.  
c. 28. Inst.  
Coll. cum  
Tryphone.  
Sap. 2.  
In ep. ad  
Heb. c. 2.  
Ad Autol.  
lib. 3.

venit. Iustinus martyr, Sathan Iudæorum Syrorumque lingua desertorem significat: hæc autem uox Nas, quod interpretatur serpens, Hebræis idem quod Sathan ualet, ita ex utroque unum uocabulum componitur Sathanas. Tot huius nominis interpretationes reperio; quæ omnes ad duplicem etymologiam referri possunt. Qui uero Sathanam initium mortis explicet, nullus est. Ergo non vim uerbi, sed ipsius Sathanæ condicionem hac periphrasi describi credendum. Quia inuidia diaboli mors intrauit in orbem terrarum. Causam reddit Theophylactus, Quia enim peccare faciebat homines, ex prima illa inobedientia, ipse fuit qui mortem condidit. Paulo aliter Theophilus, Diabolus uidens non solum Adamum, & Euam uita frui uerum, & liberos procreare, quos cum non posset perimere, inuidia stimulatus, instigauit Cain, ut fratrem suum Abel, qui gratus, & acceptus erat domino, crudeliter enecaret. Hoc pacto diabolus principium, & origo fuit mortis. Nisi malumus suspicari explanationem, Quod interpretatur initium mortis, totam ex orâ irrepsisse.

69 **EX ORE TVO CONDEMNARIS]** En cur disputatio à sancto viro instituta. Ad reuincendum scilicet inimicum propria confessione, & confirmandas in fide mulieres, quemadmodum diximus. Hoc est quod D. Thomas inquit, licere aliquid inquirere à demone sponte occurrente, propter utilitatem aliorum, maxime quando diuina uirtute potest compelli ad uera dicenda.

70 **QVIA DOCET LEX ET IUBET ETC.]** Hætenus demon coactus uerum respondit interroganti episcopo. Nunc ad ingenium & calumnias redit. Furtum, quod est, dolo malo rei alienæ contrectatio (ut Iurisperiti definiunt) Narcisso obijcit. Sed Narcissus crimen in auctorem retorquet. Et se rem furto prius ablatam repetere ostendit. Quam conditionem furtiuam appellant.

71 **EFFRACTOR ET FVR]** Effractores sunt, qui fores & parietes furandi causa ui effringunt. Qua ratione diabolus fur dicatur, & quomodo domos nostras perfodiat, pulchre explicat Chrysostomus. Ipse enim furatur uestimenta insitiarum, aurum intellectus, diuinorum eloquiorum argentum, linteamina gratiarum, ceterasque spirituales diuitias, dormientibus nobis.

A B



AB INITIO DAMNATE] Verè, nam ille homici-  
da erat ab initio, & in ueritate non stetit: Cum ergo ab initio  
peccauerit, & pœna peccatum mox sequuta sit, utique ab initio  
damnatus est. Initium uerò (ut Augustinus admonet) non ad  
principium creationis, sed ad principium peccati referendum est.

73  
Ioan. 8.

IN VETERATE] Ita bis in Apocalypsi, Serpens anti-  
quus, qui uocatur diabolus, & Sathanas.

De ciu. lib.  
11. c. 15.

ET ME ERGO CREATORI MEO RESTI-  
TUE] Non hæc eo accipienda, quod daemones restitutionem pe-  
tant aut sperent, nam uermis eorum non morietur, & ignis  
eorum non extinguetur, quod ipsi optimè norunt: Ideoque pro-  
ditum est, S. Bernardo demoniacam exorcisanti, & à demone qua-  
renti num in gloriam redire, & in pristinum gradum restitui uellet,  
demonem effuso cachinno respondisse, Hoc tardum est. Verum  
hic calumniator episcopi verba, quibus se creatori creaturam  
restituturum professus fuerat, per irrisiōem cauillatur.

73  
Ape. 12. 20  
74  
Is. 66.

Ex Vilel-  
mo Abb. in  
uita S. Ber-  
nar.

TV IPSE EX ORE TVO ETC.] In priori dæmo-  
nis confessione hominum nulla fit mentio, sed verba sic habent,  
Non pro suis peccatis passus est, sed pro alienis. Itaque  
aut ibi uox hominum excidit, aut Narcissus pro alienis strictè  
& eo sensu, quem rei ueritas requirit, accipit.

75

IMPIETATIBVS] Grauiori uerbo daemones, qui scientes  
uolentes, quam homines, qui decepti descuerunt, notare uoluit.  
Peccatum enim est quiduis in quaque re à recta ratione aberrat:  
impietas non nisi in Deum, & in parentes, aut qui parentum loco.

76

FAC PIETATEM] Fit tandem supplex, Cyprianus,  
Hi tamen adiurati per Deum uerum à nobis, statim cedūt,  
& fatentur, & de obsessis corporibus exire coguntur. Vi-  
deas illos nostra uoce, & oratione occultè flagellis cædi,  
igni torrerì, incremento pœnæ propagantis extendi, eiula-  
re, gemere, deprecari: unde ueniant, & quando discedant,  
ipsis etiam, qui se colunt audientibus, confiteri: Et uel exi-  
liunt statim, uel euanescent gradatim, prout fides patien-  
tis adiuuat, aut gratia curantis aspirat.

77  
De Idol.  
uan.

DA MIHI VEL VNAM ANIMAM IN PO-  
TESTATEM] Animæ nomine corpus animatum, hoc est  
animal, intelligo. Nam animam pro corpore etiam probati au-  
ctores dixere. Exemplum habes ex Virgilio apud Nonium. Cur

78

H 2 damo-



dæmones ab energumenis depellendi, corpora tum hominum, tum animalium reliquorum ingredi expetant, uariæ causæ afferri possunt. Nobis in uniuersum satis sit incredibilem malitiam, & perpetuum nocendi desiderium eius rei causam statuere. Experimentum certè exorcistæ quotidie capiunt. Apud Gregorium Magnum de uirgine sanctimoniali legimus, quæ dæmonem, obsidentē uillicum, his uerbis aggressa est, Exi ab eo miser, exi ab eo miser. Ad cuius uocem mox per os uexati diabolus respondit, dicens: Et si de isto exeo, in quem intrabo? Casu autem iuxta porcus paruulus pascebatur, tunc sanctimonialis fæmina præcepit dicens: Exi ab eo, & in hunc porcum ingredere. Qui statim de homine exiuit, porcum quem iussus fuerat, inuasit, occidit, & recessit. Et ne longius abeamus, ex euangelio exemplum suppetit, Dæmones autem rogabant eum, dicentes: Si eijs nos hinc, mitte nos in gregem porcorum.

79 INTERFICIAM EAM, ET LVC RABOR ANIMAM IPSIVS.] *Interficiam animal, quod mihi dederis, & lucro deputabo animam, siue uitam, quam ei auferam. Anima enim uitam saepe significat. Sic accipit D. Augustinus illud ex genesi, Non feriamus eum in anima: Hoc loco uerbo animæ uitam corporis animati significat, per efficientem id quod efficitur. Secundum hoc uideri potest etiam ad diabolum dictum esse de Iob, Animam eius ne tangas, id est, ne occidas eum. Quod uerò exitium interminatur dæmon, pertinet ad peruersitatem, quam antea indicauimus. Ita in euangelio, exeuntes abierunt in porcos. Et ecce magno impetu abiit totus grex per præceptum in mare: & mortui sunt in aquis.*

80 DIC MIHI ANTE DEVM TVVM.] *Ante Deum dicere, est Deum testem dictis adhibere, & tamquam Deo præsentem loqui.*

81 ANIMAM INTRA CORPVS INCLVSAM, MANDVCANTIS ETC.] *Circumscriptione multorum verborum animal exprimitur. Nam quod ait, Animam intra corpus inclusam, Aristoteles definit, Animal corpus animatum est. Quod subiungit, Manducantis & bibentis, certum est utique animal absque nutrimento non subsistere. Dormien-*



mientis & iterum uigilantis, *Aristoteles etiam docet, omnia De som. & animalia somno communicare, quæcumque autem dormiant, uig. cap. 1. uigilare quoque, cum somnus uigiliæ sit quedam priuatio.*

SI POTES NOBISCVM MANERE, MANE] 82

Hæc non ideo ab episcopo dicta, quod liberam manendi electionem demoni relinquere, sed quod imbecillitatem illi exprobrare, & mulieribus ostendere uoluerit. Sic Hilarion apud Hieronymum, demoni respondit, Si Deus meus tibi concedit ut maneas *In uita Hi lar.* mane. Sin autem ille te eijcit, quid mihi inuidiam facis, homini peccatori atque mendico.

SI NON EXPANDIS MANVS TVAS ETC.] 83

Audientium utilitati consulitur, & intensæ orationis efficacia, demonstratur, *Que ieiunio coniuncta, uti Narcissus coniunxit, mirum quam validè demones expugnet, ipsius domini nostri Iesu Christi testimonio, de lunatico assueuerantis. Hoc autem genus Mat. 17. Chrysost. hom. 58.* non eijcitur, nisi per orationem & ieiunium. Vbi Chrysostomus Iesum vniuersum demonum genus, non lunaticorum solummodo intellexisse ait. At quod demon præter orationem, se manus expansas episcopi non laturum ostendit, in mentem renocat Exodi verba, Cumque leuasset Moyses manus, uincebat Israel: sin autem paululum remisisset, superabat Amalec. *Ex. 17.*

IPSE AVTEM CVM FELICE DIACONO 84  
SVO NON REFECIT SE ETC.] *Aptè dixit Leo S. Leo Ser. 2. de ieiun. 10. mens. De ieiun. & tent.*

pontifex, Semper uirtuti cibus ieiunium fuit. Et Cyprianus, siue quis alius de cardinalibus operibus Christi ad Cornelium Papam scripsit, Quotquot uiros uirtutum uidimus, sine ieiunio non legimus ascendisse: nec aliquid magnum moliti sunt, nisi prius abstinentia præcessisset. Quoties aliquid à Deo obtinere conati sunt, ieiunijs incubuere, & lacrymis, & pernoctantes in orationibus, cilicijs carni hærentibus, supplices beneficia postularunt. Nec defuit prouentus, ubi ad pedes Dei sacrificium contriti cordis offerens, se prostrauit humilitas: sed prope fuit inuocantibus se Deus, & porrexit manum naufragis, & subuenit afflictis. Atque Athanasius ad euangelij verba quæ paulo ante produximus, Quisquis igitur ab immundo spiritu uexatur, certum habere debet, hoc pharmaco, ieiunio inquam, statim. *De Virg.*



## CONVERSIO S. AFRAE

statim spiritus malos afflictos abscedere, uim ieiunij metuentes. Valde enim daemones oblectantur crapula. *Paucis interiectis*, Ieiunium enim angelorum cibus est, & qui eo utitur ordinis angelici censendus est. *Sed nimius sim si ieiunij laudes ex sanctis patribus uelim pertexere*: Sunt enim creberrimi in hoc argumento.

85 **DA MIHI ANIMAM ETC.]** *Commoda explanatione hac accipe. Non putandum est demonem expectasse, ut illi episcopus hominem quempiam addiceret, cuius corpus occidere animam aeternis tormentis cruciare posset. Non ita consueuere uiri sancti. Quamuis enim nonnunquam tradiderint homines Sathanae in interitum carnis, id tamen factum est (ut Paulus de fornicatore Corinthio loquitur) Vt spiritus saluus sit in die domini nostri Iesu Christi. Hic ergo sensus uidetur: Da mihi promissum animal, cuius corpus interficiam, & cui animam, siue spiritum (quod in idem recidit) auferam. Sin demonem humanam animam intellexisse omnino uolumus, non magnopere eius admiranda uidebitur impudentia, qui etiam Christo praecipitium, & quod tetrius est, adorationem sui suadere ausus.*

1. Cor. 5.

86 **ET TV IVRA MIHI ETC.]** *Daemones hodie quoque ad iusiurandum in nomine Dei, solent ab exorcistis adigi. Quod est uidere apud energumenos. Et extant ei rei praescriptae formulae, Quibus item ut hic, poena perfidis inferenda exprimitur.*

Adi praxim exorcistarum Val. Poli-

87 **IV BEAT TE DEVS IRE IN ABYSSVM]** *Quantopere daemones infernum timeant, discimus ex euangelio, Rogauerunt illum ne imperaret illis, ut in abyssum irent.*

dori. Luc. 8.

*Quamuis enim constat eorum poenam statim a damnatione initium sumpsisse, damnationem autem peccatum mox sequutam esse, uti diximus, id tamen non impedit, quin tormenta, quae nunc sustinent adhuc augeri possint. Nam locus poenalis illis uel aer caliginosus est, uel infernus. Hic ratione culpa, ille ad exercitium hominum. Et cum hominum exercitium usque ad diem iudicii sit duraturum, eoque nonnulli demonum hunc aerem incolent. Licet aliqui etiam nunc in inferno sint, ad torquendum eos, quos in peccata induxere, secundum quod inter se habent deputata maledictionis officia, inquit S. Bonauentura. Sed in iudicio omnes ad dicentur inferno, idque erit poenarum complementum. Interim mitius agi credendum est cum his, qui in aere uersantur, quantum*

De loco uide S. Th. par. 1. q. 64. art. 4.



tum ad accidentalia quædam supplicia. Vnde uidetur quod cupiant extra infernum consistere, non solum ut hominibus noceant, sed item ut per hoc eorum releuetur tormentum. *Eaque de causa fere omnes exorcismi comminatione inferni concluduntur.* Nomen *Abyssi* græcis aquam significat immensæ altitudinis. Sive ut *Augustinus* explicat, *Abyssus* est aquarum inæstimabilis profunditas. Quo sensu sæpe in sacris litteris usurpatur, *Tenebræ* erant super faciem *abyssi*. Et alibi. Præterea adiectiuè significat profundus, in immensum patens. Vnde *Augustinus* alio loco, *Abyssus* est profunditas quædam impenetrabilis, in comprehensibilis, Et post pauca, Quodam loco dictum est, *Iudicia tua abyssus multa*, hoc uolens scriptura commendare, quia iudicia Dei non comprehenduntur. Quoniam autem ut *Isaias* loquitur, Dilatauit infernus animam suam, & aperuit os suum absque ullo termino, Rursus, Præparata est enim ab heri *Tophet*, à Rege præparata, profunda & dilatata, Ideo *Abyssi* nomine infernus designatur à *S. Luca* in euangelio, & sæpius à *Ioanne* in *Apocalypsi*.

Verba ex  
Dion. Car-  
th. in ser.  
sent. d. 6.  
q. 3.

Cōtra Fau-  
stum. li. 22  
Gen. 1.

In Ps. 41.

Is. cap. 5.

Is. ca. 30.

Apoc. 9.

bis. 17. bis.

20.

SI NON] Oratio est abrupta. Subauditur, Si quod iuro non præstitero: Si iuramento non satisfecero: Aut aliquid simile. Quod si uerba paululum transponantur, sensus efficietur dilucidior. Per ipsum qui nos cum principe nostro uicit, iuro, quia statim interficiam eum, quem mihi dederis in potestatem. Si non: me iubeat ire in abyssum.

VADE IUXTA FLUMEN FONTIS ALPIVM 89  
IULIARVM] An legendam Iuxta fontem fluminis. *Alpes* *Iuliæ*, à *Iulio* nomen sortitæ, triplices sunt, ex *Simlero*, qui diligentissimè de *alpi*bus disseruit. Vnæ apud *Taurinos*: Alteræ in *Rætia*: Tertiæ apud *Venetos*: Quamuis *Simlerus* postremis *Venetis* *Iulium* nomen propriè conuenire existimat. De quibus *Narcisso* sermo fuerit dubitare licet. Me certæ coniecturæ ad *Réticas* trahunt. Quæ à *Septimo* usque ad *Braulium* montem latè patent, & in quibus *Oenus* fluuius oritur. Hæ etenim reliquis propinquiores: neque absurdum est fluminis, uel fontis nomine *Oenum* designari. Aut si *Réticas* *alpes* usque ad *Lyci* fontem extendi placet, nihil displicebit eum ipsum hîc intelligi. Proditum est D. Magnum CCCC. post annis. Arbore felice (ubi in SS. Co-

In cōmeat.  
de Alpib.

In uita S.  
Magni.

lumbani



lumbani & Galli contubernio uixerat) ad alpes in quibus Narcissi iussu Draco occisus, profectum, priusquam Abusiaci in al-  
pium faucibus monasterium conderet. Iam profecto multo proba-  
bilius de Reticis, quam de Taurinis, aut Venetis accipitur.

90 [DRACO INHABITAT] Cum in Draconum histo-  
ria multa fabulosa sibi indulserit antiquitas, rectè fit quod homi-  
nes cordati, omnibus rumoribus, qui de illis feruntur, temerè,  
atque indiscriminatim fidem non adhibent. Verum si quæ narra-  
tiones grauibz auctoribus nituntur, & pleraque ad concilian-  
dam ueri speciem indicia concurrunt, obfirmatis in contrarium  
præiudicijs tantum tribuendum non est, ut quod ipsi nunquam con-  
speximus, & quod raro, neque nostra ætate, præter quæ consuetum  
rerum cursum accidit, fieri non potuisse existimemus. Multa enim  
in omni historia huius generis existunt, quæ nisi præfractè in-  
eptire malumus, nobis necessario persuaderi patiamur. Id  
præfatum uolui.

Draconum nomen uarie accipitur. Complectitur aliquando om-  
nes omnium serpentum species. Aliquando sacros tantum, &  
hos uniuersos. Nonnumquam inter sacros, cicules illos solum-  
modo, qui Aesculapio alebantur. Interdum proprium quod-  
dam, & valde discretum à reliquis serpentibus genus. In quo  
describendo auctores non consentiunt: At consentiunt in Afri-  
ca, & India spectari potissimum, Multasque eius differentias  
produnt. Ut sint alij montani, palustres alij: Pedibus incedant  
quidam, nonnulli serpentes absque pedibus: Alati sint quidam, alii  
quidam careant: Nec non magnitudine, colore, crista, hiatu oris  
inter se differant. Atque de his nuge plurimæ conficte sunt. Po-  
stremo Dracones etiam appellantur serpentes quilibet, immani,  
vastaque magnitudine præditi. Qua notione Draconis nomen  
hic intelligo. Neque peregrinum aliquod monstrum, quod alpes  
obsederit animo concipio, Sed simpliciter existimo serpentem  
fuisse inusitata corporis mole, qui maximam circumquaque na-  
stitatem faceret.

Id neque incredibile, neque admirandum adeo uideri debet, si  
ea, quæ alijs locis, & temporibus contingere conferamus. Nam ut  
non persequar quidquid ex serpentum genere ubiuis terrarum im-  
mensum extitit, ne in fabulas, quas fugio incidam: Sanè fidem  
aliquam meretur, quod Tubero in noctibus Atticis narrat, Bel-  
lo



In primo Punico, Attilium Regulum consulem, in Africa  
 castris apud Bagradam flumen positus, prælium grande, at-  
 que acre fecisse, aduersus unum serpentem in illis locis sta-  
 bulantem, inusitata immanitatis: eumque magna totius  
 exercitus conflictatione, ballistis, atque catapultis diu op-  
 pugnatum: eiusque interfecti longum corium pedes  $\overline{\text{C.}}$  &  
 $\overline{\text{XX.}}$  Romam misisse. *Quæ auctoritate Val. Maximi, Liuij, Flo- Val. lib. 1.  
 ri, Siliij Italici, Orosii, Plinij, Arnobij, Senecæ firmantur. Adijcit cap. 8. Liu.  
 Plinius, pellem eius, maxillasque usque ad bellum Numantinum epis. 18.  
 Romæ in templo durauisse. Sed si cui hæc in Africa, monstro- Flor. li. 2. c.  
 rum altrice, uerisimilia videntur, in alpiibus Iulij non item: Is sal- 2. Sil. lib. 6.  
 tem Italiam alius à nobis cali non constituet. At Romæ in Italia, Oros. li. 4. c.  
 spectatus est sub Augusto pro comitio, anguis  $\overline{\text{L.}}$  cubitorum. Pe- 8. Plin. lib.  
 regrè scilicet aduectus. Videamus in Italia natos. Plinius cum 8. c. 14. Ar-  
 ex Megasthene de Indicis, ex Metrodoro de Ponticis serpentibus nob. lib. 7.  
 mira rettulisset, subiungit, Faciunt his fidem in Italia appel- Sen. epist. ul-  
 late bog: in tantam magnitudinem exeuntes, ut diuo Clau- ti. li. 11.  
 dio principe, occisæ in Vaticano solidus in aluo spectatus Suet. i. Oct.  
 sit infans. Neque displicet Albertus Magnus, qui Reguli ser- c. 43.  
 pentem Boam fuisse conijcit. Audienim de immani bellua So- De anima.  
 linum. Calabria chelydriis frequentissima est, & Boam gi- lib. 25.  
 gnit: quem anguem ad immensam molem ferunt conuale- Sol. c. 8.  
 scere. Captat primo greges bubulos: & quæ plurimo la-  
 cte rigua bos est, eius se uberibus innectit, suctuque con-  
 tinuo saginata, longo seculo ita fellebri satietate ultimo  
 extuberatur, ut obsistere magnitudini eius nulla uis queat:  
 postremo depopulatis animantibus, regiones, quas obse-  
 federit ad uastitatem cogit. Addit de infante eadem quæ Pli-  
 nius. Neque uanus credendus Plinius, in re, quæ sua ætate Romæ  
 omnium oculis patuit. Quin de ipsis alpiibus idoneus auctor Gesne Hist. anim.  
 rus erit. Hic certum esse ait, in Helueticis montibus maximos à lib. 5. de ser-  
 uenatoribus serpentes conspici, de quibus mira referant legati, pēt. in gen.  
 qui Badenam ad comitia conueniunt. Apud Stumpfium duas eius  
 generis historias legere memini. Vtroque loco Draconis nomine Chron. lib.  
 utitur. Neque uenatorum fidem, sed certos annales sequi profi- 7. c. 2. & 7.  
 tetur: Et triginta annis antequam scriberet (elapsi sunt anni  
 non toti  $\overline{\text{L.}}$  ex quo scripsit) plures horrendas ex serpentum  
 specie belluas in alpiibus extitisse ait. Quod hisce temporibus mi-*



## CONVERSIO S. AFRAE

nus conspiciantur, frequentiam hominum in causa esse: quaualde aucta, omnia alpium loca assiduo cultu repurgari, & ad frugem redigi. Rationes quoque probabiles adhibet. Etiam si (inquit) alpes perpetuis niuib. humectentur, habent tamen in multis locis saxa, & specus solis splendori in meridiem obuersas: in quibus canernis, solis calori expositis, pleraque Draconum sunt domicilia, qui apricatione sepius calefcere consueuerunt. Atque ut Stumpfii auctoritas in rerum gestarum narratione aliquando dubia sit (nam de pietate minus rectè sensit) tamen non sit uerisimile, hominem in his regionibus ortum, in descriptione rerum naturalium mentiri uoluisse, cum praesertim ad populares suos scriberet, quos mendacio fallere non posset. Idem de Gesnero dictum sit. Coronidis vicem explebit narratio, quam à uiro amico, cui ista legenda tradideram, his ipsis uerbis accepi. In arce Ulmerfelden, quae Frisingensis episcopi est, in Austria sita, superiori etate saepe uisus est immensa magnitudine serpens, pondere uerò, ut captiuum, in turris inferiorem partem, ubi ille stabulari solebat, coniectum, supernè incumbens, & in spiras conuolutus, ualde premeret, alioqui innoxius. Stolidum vulgus gaudebat illo hospite, & fausta sibi ab eo omnia pollicebatur. Porro iam plures sunt anni ex quo uideri desiit. Fama uerò hæc constantissima est. Et mihi de eo multa narrauit probata fidei, quantum ego quidem indicare potui, senex, qui sibi uisum aiebat, quales etiam plures arbitror superesse testes.

Diod. Sic.  
lib. 3.

Quod maximi quique serpentes ad aquas habitant, Vt hic noster, & ille ad Bagradam, item insignis alter, Ptolomæo secundo Rege Alexandriam captiuus adductus, nequaquam siti causa tribuenda est: Cum probati auctores scriptum reliquerint, exiguum illis bibendi desiderium esse, & absque potu uiuere posse, immo nullum omnino uenenatum animal fame, aut siti interire: sed potius exhalationibus aqueis, quæ reflexione solarium radiorum magis magisque corruptæ, aerem ita inficiunt, ut ex putredine huius generis monstra oriantur, & in immensum excrescant.

91

DE FLATU EIVS] Creditur certos serpentes aerem circumfusus adeo uenenare, Vt uel halitu, uel visu, uel sibilo occidant. Estque, ea fama in primis basilisci, aut Reguli, Orosius serpentem ad Bagradam quoque habitu pestifero multos exanimasse



masse scribit. De nostro, aut idem uerum sit: aut flatum (quo propendeo) accipiemus pro illo anhelitu, qui mordendo redditur. Sic Virgilius — uenenum Moribus inspirant — Nisi <sup>Geor. 4.</sup> malumus celeritatem, & acrimoniam ueneni hac ratione designari. Moyses cum enumeraret beneficia Dei erga Iudæos, inquit, Ductor tuus fuit in solitudine magna, atque terribili, in qua erat serpens flatu adurens, & scorpio, ac dipsas. <sup>Deut. 8.</sup> At ubi historia narratur, plagarum fit mentio, quas mors consequuta, de flatu nullum uerbum. Misit dominus in populum <sup>Num. 21.</sup> ignitos serpentes, ad quorum plagas, & mortes plurimorum &c. Vbi Lirani ostendit, aliquos in ea esse sententia, serpentes ignitos dici, quod eorum morsu caro calefieret, ac si ignesceret.

IN TVAM POTESTATEM REDIGE ANI- <sup>92</sup>  
MAM EIVS] Quis horum uerborum sensus, antea aperui. Irridere autem uidetur episcopus, quoniam sibi demon fere hac ipsa formula cauerat. Porro multa sunt immensæ Dei bonitatis indicia, quæ cum alibi, tum hic obseruamus. Maxima illa, Quod nulla est tam perditæ, cuiusquam peruersitas, quin Deus aliquid boni ex ea ipsa eliciat: Quod demones uiris sanctis subiecti, instrumenti loco seruiunt, aliquando errore ducti, aliquando coacti, hic utrumque concurrit: Quod per uiros sanctos, illis quorum animos ad virtutem instruunt, sæpe etiam externa bona, quæ ad corporis usus, & uitam commodè transmittendam spectant, conferuntur. Narcissum cum per alpes euangelium prædicaret, credibile est de Dracone inaudiuisse, eum ergo, occasionem nactus, sublatum uoluit.

O EPISCOPVM MENDACEM] Mendacium <sup>93</sup> Augustinus definit, Ille mentitur, qui aliud habet in animo, & aliud uerbis, uel quibuscumque significationibus enuntiat. <sup>De mend. ad Cōsens.</sup> Quod à Narcisso nequaquam factum est. Sed demon, qui episcopum calumniatur, ipse semet in laqueos induit. Id enim, dum sanctos astu circumuenire nititur, illi crebro accidit, ex quo semel a sancto sanctorum proprio gladio iugulatus est. Verba sunt Ioan. Chrysostomi. Tu uero mihi considera ubique, <sup>Hom. 4. ad Ant.</sup> quomodo diabolus per quæ Dei seruos impugnat, per hæc propriam uim destruit, non uolens quidem, sed Dei sapiëntia, & prouidentia, illius armis, & artibus in ipsius caput utente.

I 2 A M I-



# CONVERSIO S. AFRAE

94 **AMICVM MEVM]** Notum est serpentes pro dijs cultos à gentilibus. Quos penes omne sacrum est quidquid formido tremendum fuaserit — *Vt Prudentius ait. Habetur eius generis narratio in sacris litteris, de Dracone à Babylo- nijs culto, per Daniele disrupto. Certum est præterea (quod monuimus) sacros serpentes peculiari significatione Dracones dictos. Vnde Seruius. Angues aquarum sunt, serpentes terrarum, dracones templorum. Leniter ergo suspicari possumus, hunc in Iulij alpibus à rudibus populis pro Deo habitum. Et eam causam esse cur demon Amicum dicat. Quod si hæc causa non est (neque enim contendo) sunt pleraque alia inter demones, & serpentes symbola, à primo illo Eue deceptore serpente: neque non amicum aliqua ratione demoni esse potest, quidquid inimicum, & noxium hominibus.*

95 **OCCIDIT DRACONEM]** Hæc ministerio demonis, *De pat. iob. hom. 3* iussu, & imperio Narcissi acta. D. Chrysostomus inquit, Praui, & immundi demones, etsi proposito defecerunt, iugo tamen feruitutis subiacent: atque ut carnifices quidam iubentur mandata perficere. Et miraris Deum præcipere demonijs? Apostoli velut carnifice utuntur demonio: dicit enim Paulus: Quoniam ergo aliqui circa fidem naufragauerunt, hos tradidi Sathanæ, ut discant non blasphemare. Et iterum de quodam qui fuerat fornicatus &c. Visum est duas subiungere historias ex probata fidei auctoribus, de occisis per sanctos viros Draconibus. Prior relata est à S. Hieronymo in uita Hilarionis. Quæ etsi se Hieronymi auctoritate satis tuetur, accedit tamen Gelasii Pontificis testimonium, protestantis uitas patrum, quas Hieronymus conscripsit, cum omni honore ab ecclesia suscipi. Narratio sic habet. Duxerat itaque illum (Hilarionem) ad Epidaurum Dalmatiæ oppidum, ubi paucis diebus in vicino agello mansitans, non potuit abscondi. Siquidem Draco miræ magnitudinis (quos gentili sermone boas uocant, ab eo quod tam grandes sint, ut boves glutire soleant) omnem latè uastabat prouinciam, & non solum armenta, & pecudes, sed agricolas quoque & pastores, tractos ad se ui spiritus absorbebat. Cui cum pyram iussisset præparari, & oratione ad Christum missa, euocato populo, præcepisset struem lignorum scandere, ignem

sup-



supposuit. Tum itaque cuncta spectante plebe, immanem bestiam concremauit. *Altera apud Sozomenum extat. Hac memoria. (Theodosio Imp.) multi multis in locis per orbem terrarum, inter episcopos preclari extiterunt. Vt Donatus Euoreæ Epiri, quem & alia multa mirabilia fecisse testantur indigenæ, & illud maximè quod in Draconis interfecione præstitit, qui in Chamegephyris, quas uocant, ad uiam regiam lustrum habebat, & oues, & capras, & boues, & equos, nec non & homines, & alia raptabat. Neque enim ille uel gladium, uel hastam ferens, uel aliud aliquod telum habens, hanc belluam adortus est. Sed cum illa eum aduentantem sensisset, & caput uelut impetum factura exeruisset, signum crucis aduersus ipsam aeri digito inscripsit, & illi in faciem expuit. Illa sputo in os accepto, statim concidit, ac mortua iacens, amplitudine non minor apparuit ijs serpentibus, qui uisuntur apud Indos. Siquidem, ut ego quidem accepi, octo iugis in proximum campum extractam indigenæ combusserunt, ne putrefacta aerem inquinaret, & morbos pestilentes gigneret. Hic idem Sozomenus etiam à S. Arsacio Draconem disruptum narrat. Sed ego plura non colligo. Et totum de Draconibus sermonem B. Theodoretì uerbis concludo, atque definio, Cum multa alia sciam, quæ possim narrare, ea nolo scribere, ne imbecillioribus eorum multitudo causa sit incredulitatis.*

*Hist. lib. 7.  
c. 25. Vide  
etiam de  
Donato.  
Nic. li. 12.  
c. 45.*

VSQVE IN HODIERNVM DIEM] Hinc quoque apparet historiam in re præsentì non esse scriptam. Nisi hæc uerba post modum addita dicamus.

*Hist. SS.  
Patr. Iac.  
Poster.*

PER DIES AVTEM PLVRIMOS DOCVIT ETC.] Per dies septem ante baptismum; dixit enim, octaua autem die purificabimini. Sed post baptismum per multos adhuc dies uerbum Dei neophytis prædicauit.

CVM GENERATIONE SVA, ET CVM OMNIBVS AMICIS SVIS] Horum nomina interiere; præterquam Afri, qui patruus Afræ, & Dionisii, qui auunculus. Eadè quidem die qua Hilaria, & puellæ, affecti sunt martyrio cum uirum mulieres XXV. sed an ex Afræ generatione, & amicis fuerint, non liquet.

Porro neque illud prætereundum, conuersionem S. Afræ ab ecclesia



# CONVERSIO S. AFRAE

clesia Augustana celebrari VII. Cal. Nouembr.

99 FECITQUE DOMVM HILARIAE ECCLESIAM] Cum persecutionum temporibus Christianis publicæ ecclesiæ non permitterentur, Assignabantur à pijs hominibus sacris usibus domus priuatæ, siue integræ, siue partes earum præcipuæ. De hac ipsa Diocletiani persecutione, S. Augustinus contra Donatistas, Nam & domum priuatam Christianis congregandis præstitam constitit tempore persecutionis, sicut in quibusdam gestis martyrum loquebatur. Et multo uetustior Pius I. Pontifex ad Iustum episcopum, Antequam Roma exijsses, soror nostra Euprepia, sicut bene recordaris, titulum domus suæ pauperibus assignauit, ubi nunc cum pauperibus nostris commorantes, missas agimus. Quin diligentes rerum ecclesiasticarum obseruatores, huius instituti principium ab Apostolicis temporibus usque repetunt. Quid enim nisi ecclesia cenaculum illud, in quod conuenerunt post ascensionem Christi XI. discipuli, perseuerantes unanimiter in oratione, & obsecratione, cum mulieribus, & Maria matre Iesu, & fratribus eius. Quo urbis loco Hilariæ domus steterit, me in tanta antiquitate nescire profiteor. Quæ obtineat opinio iam indicauit. Ea quamquam certis testibus destituta, ueram tamen esse nihil impedit. Ut neque illud abiudico, Narcisum ecclesiam SS. Philip-po, & Iacobo dicasse, quæ postea S. Martini nomen acceperit. Antiquiorem aliam Augustæ ecclesiam fuisse, constanti maiorum fama proditum, & illis quæ de Lucio scripsimus consentiens est. Hæc multis post annis S. Gallo sacra, proximè instaurata, inscriptionem habet huiuscemodi,

Breui. col  
lat. 3. diei.

A. 1.

CHRI-



CHRISTO. DEO. OMN. SAECVL.  
 SACRAM. AEDICVLAM.  
 QVAE. ANTE. ANNOS. AMPL. MCCC.  
 PRIMA. IN. H. VRBE.  
 CHRISTIANO. CVLTVI. DICATA. CREDITVR.  
 QVAM. AN. CHR. MLI. RESTITVTAM.  
 LEO. IX. PONT. MAX.  
 DEO. OPT. MAX. ET. S. GALLO. ABBATI.  
 SAGRAVIT.  
 VETVSTATE. ITERVM. COLLABENTEM.  
 ET. AD. PROPH. VSVS. DVDVM. REDACTAM.  
 INSTAVRANDAM. C.  
 EVPHROSYNA. A. KREYT. COLLEGII. NOBILIVM.  
 VIRGINVM. AD. D. STEPH. ABBATISSA.  
 ANNO. P. CHR. N. MDLXXXIX.

ORDINAVIT EIS PRESBYTERVM DIO- 100  
 NYSIVM ] *Sunt qui tradant Dionysium primum Augu- Bruschius  
 stæ a Narcisso constitutum episcopum: Eumque Sozimum ante de episc.  
 baptismum dictum fuisse. Vtraque in re mihi falli videntur. Aug. & a-  
 ly.*  
*Cauerunt Apostoli, Episcopus a duobus, aut tribus episco- Can. 1.  
 pis ordinetur. Id latius habetur apud Clementem Rom. Ego Apost. Con-  
 Simon Cananeus, constituo à quot episcopis debeat ordi- flit. li. 8. c.  
 nari episcopus, scilicet à duobus, aut tribus episcopis. 27.*  
 Sin uero aliquis ab uno episcopo ordinatus fuerit, tum is  
 qui ordinatus est, tum is qui ordinavit, deponatur. Quod  
 si necessitas coegerit ab uno ordinari, quod propter perse-  
 cutionem, aut aliam causam, plures adesse non possint, af-  
 feratur decretum commissionis plurium episcoporum.  
*Confirmarunt postea Anacletus, & Anicetus Pontifices, ut Dist. 68.  
 nullatenus minus quam à tribus. Immo Damascus (qui ta- Chor. epi-  
 men post hæc tēpora nuxit) ait episcopos non esse, qui minus quā scopi.*  
 à tribus ordinati sint: Prohibitum enim esse a Sanctis Patribus,  
 ut qui ab uno, uel à duobus sunt ordinati episcopi, non nominen-  
 tur episcopi. Quæ Narcissus nec ignorare, nec negligere potuit.  
 Quod si exceptionem persecutionis ex Clemente producimus, de-  
 cretum plurium episcoporum ostendendum erit, cuius nullum ue-  
 stigium. Sed multo me magis mouet, quod Dionysius hic diser-  
 tis



## CONVERSIO S. AFRAE

tis uerbis presbyter à Narcisso episcopo ordinatus fuisse dicitur. Neque est cur presbyteri nomine episcopum intelligamus, quod apostolus Paulus nonnunquam ita loquatur, & quod Dionysius Areopagita Athenarum episcopus, Timotheum Ephesinum episcopum compresbyterum compellet; multo enim ante Narcissum nostrum hæc loquendi ratio obsoleuit, quæ in prima solum ecclesia locum inuenit, quantum obseruare potui. Simpliciter ergo, à Narcisso Dionysius presbyter ordinatus. Non tamen negauerim, eundem postea canonicè in episcopum promotum. Nam ecclesiæ Augustanæ traditio, quæ illum episcopi nomine ueneratur, nequaquam eleuanda est. An primus in ea sede sederit, non puto constare; Verum primus dicitur, quod nullius anterioris memoria superstes. Certè Narcissi temporibus proprium Augustæ episcopum non fuisse colligimus: siue quod cathedra ob persecutionem uacaret, siue quauis alia de causa: Nam per Anacleti constitutione presbyter a proprio episcopo ordinandus fuisset.

De Sozimo, siue Sosimo, siue Zosimo, siue Zoximo (unum idem nomen uariè scribitur) in Dionysium mutato, coniecturis non facile sum aliquid concessurus, nisi testes uidero. Non sum nescius barbariem, aut impietatem nominum quandoque in baptismo correctam. Exemplum, præter alia, apud Eusebium, quinque Aegyptiorum martyrum, qui pro nominibus idolorum à parentibus impositis, ascuerunt nomina prophetarum Eliæ, Hieremiæ, Esaiæ, Samuelis, & Danielis: Sed Sozimum, cuius nomen tum aptam interpretationem haberet, tum apud Christianos usitatum esset, nihil tale impellere potuit. Ζωσιμος grecis uitalis est: Et plerique viri sancti huius nominis extitere. In primis ille quem D. Polycarpus imitandum proponit, beatissimis Ignatio, & Rufo coniungens, Quique ex ijs discipulis fuit per quos primitiua ecclesia in Iudæis, & Græcis fundata est. Quare ergo mutandum suasisset Narcissus? Aut quid est cur Afræ, Hilariæ, & reliquarum nomina non mutauerit, Sozimi mutauerit? Ego sic sentio, si Sozimus aliquis Augustæ episcopus fuit, uel circa hæc tempora, uel multis post seculis, sub Francorum Regibus, ut nonnulli scripserunt, eum omnino diuersum a Dionysio fuisse, neque causam esse cur confundamus. Antoninus in chronico de nomine mutato nihil prodidit, Vtroque tamen, Dionysii, & Sozimi promiscuè utitur, quod errore factum opinor. Nimis ineptè Romana in-

Lib. 3. c. 21

Ad Philip.  
Mar. R. 18  
Dec.



inscriptio, quæ Sozimi primi meminerit, à quibusdam profertur hoc loco.

IPSE AVTEM] A filo reliquæ historiæ hæc separata sunt, quod alterius auctoris, & ætatis uideantur. Neque tamen cuiusquam opinionem præiudico.

GERUNDAM] Meminit Gerunda, Ptolemæus in *Authe* 102  
tanis *Tarraconensibus*: & Plinius, qui *Gerundenses* inter *XLIV.* *Pt. li. 2. c. 6*  
*Tarraconensis Hispaniæ* populos numerat. Hodie *Girona* est, quæ *Pl. li. 3. c. 3*  
episcopatus dignitatem adhuc tuetur.

PER TRES ANNOS] Consentit de tribus annis *Vil-* 103  
*legasius*. Vidi *sancti uiri* historiam, sed quæ fere ex hac *B. Afræ*  
conuersione concinnata sit. Nam genuina passionis descriptio  
dudum periit, uti ex *Berengarij Gerundensis* episcopi litteris con  
stat. Quas ante annos amplius quingentos perscriptas, integras  
huc inseram, Cum antiquitatis studio, tum ne memoria legatio  
nis, cuius in ijs mentio sit, & quæ cum commendatione *priscæ pie*  
tatis coniuncta est, intercidat.

Charissimo patri, domino *Sighardo Abbati*, & vniuer  
sæ *S. Vdalrici*, & *S. Afræ* martyris congregationi, *Berenga*  
*rius sanctæ sedis Gerundensis* episcopus, cum omni clero,  
& fidei populo, perfrui bonis omnibus semper in Christo.

Nouerit, dilectissimi, venerandus uestræ fraternitatis  
affectus, nos, & uestrum nuntium uidisse, & delegatas no  
bis a uestra fraternitate litteras pio respectu perlegisse: &  
uestris precibus (licet id quod nobis post dominum cha  
rius est expeteretis) nimia uestri deuictos deuotione, li  
benter annuisse. Tanta est equidem à Christo commen  
data dilectionis integritas, ut quod sibi quis auidius reti  
nendum elegerit, crimen esse perhorrescat, nisi petenti ce  
lenter obtulerit. Quapropter, charissimi fratres, hinc cha  
ritatis iura seruantes, hinc (si dicendum est) præsumptio  
nem facientes, beatitudini uestræ, de sacrosanctis salutis  
nostræ thesauris, munificum munus dirigimus. Videlicet  
ex ossibus, & carne, & cruore terra mixtis, ac uestimentis  
sanctissimi doctoris nostri *Felicis martyris Christi*, scili  
cet illius, quem ut *Apostolum*, & prophetam habemus. Nō  
illius, qui beatissimi *Narcissi* episcopi diaconus est di  
ctus: quoniam ipse translatus à pijsimo Rege *Franco*

K rum



## CONVERSIO S. AFRAE

rum Carolo, apud Parisiorum ciuitatem honorificè requie-  
scit. Item de gloriosissimi patris nostri Narcissi, pontifi-  
cis, & martyris Christi, uestimento, & stola, cum quibus  
conditus est in sepulchro. De corpore autem eius vobis  
ideo mittere nequimus, quoniā, ita hactenus, Dei gratia  
seruatur incorruptum, sicut ea die, qua spiritus eius de hoc  
seculo nequā trāsuectus est ad dominum. Mittimus etiam  
nobis de ossibus capitis atque manus S. Romani pretiosis-  
simi martyris Christi, socij uidelicet prætaxati Felicis ue-  
nerandi martyris Gerundensis, Hispaniæque doctoris. San-  
ctarum uero reliquiarum, quas destinamus loculos, adiun-  
ctis breuiculis ( ne quis inscius error perturbaret ) ita si-  
gnando distinximus, ut quorum quisque gerat pignora, in-  
dubitanter notificet ignorantibus. Letamini igitur in do-  
mino, dilectissimi, & exultate, & tantorum trium patrum  
pignora, sub trinitatis nomine vos promeruisse gaudete.  
Et ut parcè eloquamur, si non honorificentius, non tamen  
irreligiosius quam à nobis custodiuntur, munera fidei  
uestre credita conseruate: quatenus patrocinantibus ip-  
sis, quorum pretiosissimum pignus in manibus habetis,  
& præsentis uitæ tranquillitate perfrui, & futura beatitu-  
dinis requiem consequi ualeatis. Passionem præterea  
Sancti Felicis uobis transmittimus, in qua natalis eius  
diem, Cal. uidelicet Aug. prænotauimus. De gestis au-  
tem S. Afræ, nihil amplius quam uos, nos habere cognos-  
cite. De S. vero Narcisso, dirigimus quod habemus:  
passionis enim illius librum, & obitus sui diem, irruenti-  
bus paganis, & ecclesias nostras uastantibus, ac loca de-  
populantibus, irreuerabiliter amisimus. Transitus ue-  
ro eius festiuitas à nobis annualiter solenni studio ce-  
lebratur IV. Cal. Nouembr. Translationis autem V.  
Cal. Octobr. Valete. Et pro nobis omnibus omnipoten-  
tem Deum exorate.

*Sacræ reliquie Augustam illatæ sunt Anno Christi  
M D XXXVII. XII. Cal. Aug.*

104 *MARTIRII PALMAM ETC. Narcissum martyrio  
occubuisse nemo in dubium reuocat. At in ratione temporis au-  
ctores dissentiant. Beuterus, quem Vassus sequitur, ait passum  
impe-*



imperante Valeriano, Quamquam Vascus monet aliquos de Diocletiano sentire. Ferdinandus Castellius, in historia ordinis prædicatorij, quæ ante non multos annos Hispana, & Itala lingua edita, Decium cum Valeriano coniungit. Villegasius, & priores editiones martyrologij Rom. restituti ad nouam Calendarij rationem, Aureliani persecutionem præferunt. Sed in Plantiniana posteriori editione, monuit Baronius inter errata, Aureliani nomen expungendum: Et rerum gestarum series satis ostendit Diocletianum substituendum esse. Quod etiam confirmant chronica Hispanica, singulari diligentia conscripta, iussu Regis Alfonso Sapientis. Quomodo enim qui Afram Augustæ sub Diocletiano, instituit, postea in Hispaniam profectus occubuit, sub Valeriano, aut Aureliano occidi potuit? Erroris causse existimandæ, Velea, quam de S. Felice attigimus, Vt scilicet diuersi Narcissi sub Valeriano, Aureliano, & Diocletiano passi sint, quos posteri, cum obscurior eorum esset memoria, confuderint: Vel nominum similitudo in Impp. Nam IVI. Impp. qui tempore persecutionis Diocletiani extitere, quosque superius enumeraui, ad unum omnes VALER. tres eorum AVREL. nomen tulere. Et Victor in historia abbreviata (quo nomine Schotti editionem designo) Diocletianum nix aliter quam Valerium appellat: Vel denique præsidis nomen pro Imp. nomine acceptum, quod facile factu, & quod crebro contigisse, mihi credibile. Reperio sub Diocletiano Aurelium præfectum, qui Basilidem, Cyrinum, Naborem, & Nazarium, ob Christianæ fidei confessionem morte affecit; Sed is in Italia ius dixit. In Hispania alium quempiam Aurelium, uel Aurelianum in pios debacchatum, coniungere licet, certo statuere non licet. Et mihi ratio, quam secundo loco posui, potissimum arridet.

S. Narcissi memoria colitur Augustæ, sub titulo Episcopi, & Augustanorum Apostoli IV. Cal. Nouembr. puto ex auctoritate ecclesiæ Gerundensis. In Rom. Martyrologio XV. Cal. Aprilis. Vbi Baronius appositè notauit, mirum non esse si alio die in martyrol. Rom. alio alibi de eodem sancto agatur: si quidem alicubi translatio, uel eius ecclesiæ dedicatio, uel quod de episcopis accidit, ordinatio celebretur.

Refert ibidem, eius tumulum multis miraculis illustrari, quorum illud sit celeberrimum; sub Petro Aragonum Rege, captâ

K 2 Gerun-

Bent. li. I.  
c. 24. Vascus P. An.  
260. &  
306.  
Castel. lib.  
I. c. I.  
In flore  
Sanc. Mart.  
13. Martij

Mart. 12.  
Iunij.



Gerundā per Carolū Siciliæ, & Philippum Francorum Reges,  
ex sepulchro S. Narcissi, quod milites uiolare attentarunt, mu-  
scarum examen egressum, in exercitum infesto agmine irruens,  
ingentem cladem intulit, & in fugam egit, atque ab incerto coe-  
git desistere, Anno domini M CCLXXXVI. VIII. Se-  
ptemb. Ex quo muscæ S. Narcissi apud eos in prouerbiū abie-  
runt. Hæc etiam ex Hispanorum annalibus fidem merentur.

INCI-





IN CIPIT  
PASSIO  
SANCTAE AFRAE<sup>2 2</sup>

Martyris.



<sup>3</sup>P V D prouinciam Retiam,<sup>3</sup>  
in ciuitate Augusta, cum  
Christianorum esset saeva<sup>4 4</sup>  
persecutio, & omnes pro  
Christi nomine varijs sup-  
plicijs afflicti ad sacrificia  
traherentur, Contigit Afram, quam notam  
habebat fama publica, quod esset<sup>5</sup> lupanaria,<sup>5</sup>  
à persecutoribus comprehendi. Quæ cum  
fuiſſet<sup>6</sup> iudici oblata, dum interrogasset iu-<sup>6</sup>  
dex, & <sup>7</sup>cognouiſſet, quæ esset, dixit ei: <sup>8</sup>Sa-<sup>7 8</sup>  
crifica dijs, quia expedit tibi magis uiuere,  
quam<sup>9</sup> inter tormenta deficere. Afra respon-<sup>9</sup>  
dit: <sup>10</sup>Sufficiunt mihi peccata mea, quæ igno-<sup>10</sup>  
rans Deum, gessi, Hoc autem<sup>11</sup> quod me iu-<sup>11</sup>  
bes



<sup>12</sup> bes facere nunquam factura sum. <sup>12</sup> Gaius iudex dixit; Accedens ad C pitolium sacrifici-  
<sup>13</sup> ca. Afra respondit: <sup>13</sup> Capitolium meum  
 Christus est, quem habeo ante oculos meos,  
<sup>14</sup> ipsi <sup>14</sup> quotidie crimina mea, & peccata mea  
<sup>15</sup> confiteor. Et quia <sup>15</sup> indigna sum ipsi sacrifi-  
<sup>16</sup> cium offerre, <sup>16</sup> me ipsam pro nomine eius cu-  
<sup>17</sup> pio sacrificare, <sup>17</sup> Vt corpus, in quo peccaui,  
 dum pœnas pertulerit, abluatur. Iudex Gaius  
<sup>18</sup> dixit: Vt audio meretrix es, Sacrifica, <sup>18</sup> quia  
 aliena es à Deo Christianorum. Afra respon-  
<sup>19</sup> dit: Dominus meus Iesus <sup>19</sup> Christus dixit se  
 pro peccatoribus descendisse de cœlo. Nam  
<sup>20</sup> <sup>20</sup> & euangelia eius testantur, quod meretrix  
<sup>21</sup> rigauerit lacrymis pedes eius, & <sup>21</sup> indulgen-  
<sup>22</sup> tiam acceperit: <sup>22</sup> Et meretrices, & publica-  
 nos nunquam despexerit, quos etiam secum  
 manducare permisit. Iudex dixit: Sacrifica,  
<sup>23</sup> <sup>23</sup> Vt diligaris ab amatoribus tuis, sicut sem-  
 per dilecta eras ab ipsis, ut inferantur tibi pe-  
<sup>24</sup> cuniæ multæ ab eis. Afra respondit; <sup>24</sup> Pe-  
 cunias execrabiles iam nunquam accipiam,  
<sup>25</sup> Nam & quas habui quasi sordes abieci, <sup>25</sup>  
<sup>26</sup> quia non erant de bona conscientia: Nam <sup>26</sup>  
 nolentes accipere aliquos fratres meos pau-  
 peres, etiam precibus rogavi, ut à me digna-  
 rentur accipere, & pro peccatis meis orarent.

Si



Si ergo quæ habui à me abiecti, quomodo potest fieri, ut quæram accipere, quæ etiam quasi sordes abiecti. Iudex Gaius dixit: <sup>27</sup> Iam te <sup>27</sup> Christus dignam non habet, sine causa uis eum Deum tuum dicere, qui te suam esse non cognoscit. Meretrix enim quæ est, dici Christiana non potest. Afra respondit: <sup>28</sup> Christiana <sup>28</sup> ego quidem dici non mereor, nec vocari, Sed misericordia Dei, qui non de merito, sed de sua pietate iudicat, ipsa me ad hoc nomen admisit. Iudex Gaius dixit: Vnde nosti quia te admisit ad hoc nomen? Afra respondit: <sup>29</sup> In hoc <sup>29</sup> me cognosco à facie Dei non esse proiectam, quia ad gloriosam confessionem sui sancti nominis permittor accedere, <sup>30</sup> per quam me credo <sup>30</sup> omnium scelerum meorum indulgentiam accepturam. Iudex dixit: Hoc fabulæ sunt: Magis sacrificia dijs, per quos <sup>31</sup> salutem con- <sup>31</sup> queris. Afra respondit: <sup>32</sup> Salus mea Chri- <sup>32</sup> stus est, Qui pendens in cruce, latroni confitenti bona paradisi pollicitus est. Iudex Gaius dixit: Porro sacrificia, ne in conspectu amatorum tuorum, <sup>33</sup> qui tecum turpiter uixe- <sup>33</sup> runt, <sup>34</sup> cathomis <sup>35</sup> te cædi iubeam, Afra re- <sup>34</sup> <sup>35</sup> spondit: <sup>36</sup> Confusio mihi nulla est, nisi de pec- <sup>36</sup> catis meis. Iudex dixit: Sacrifica dijs, Quoniàm iniuria mihi est tot horas tecum certare:



PASSIO S. AFRÆ.

<sup>37</sup> re: Si uero nolueris, occideris. Afra dixit: <sup>37</sup>  
 Hoc est quod opto, si tamen merear, ut per  
 hanc confessionem digna efficiar requiem in  
<sup>38</sup> uenire. Iudex Gaius dixit: Sacrifica, Nam <sup>38</sup>  
 torqueri te faciam, & postea uiuam incendi  
<sup>39</sup> præcipiam. Afra respondit: <sup>39</sup> Corpus, in quo  
 peccaui accipiat diuersa tormenta, nam ani-  
 mam meam sacrificijs dæmonum non coin-  
<sup>40</sup> quinabo. Tunc iudex nequissimus <sup>40</sup> dictauit  
<sup>41</sup> sententiam, dicens: <sup>41</sup> Afram publicam me-  
 retricem, quæ se Christianam professa est, &  
<sup>42</sup> noluit sacrificijs participare, <sup>42</sup> uiuam incen-  
<sup>43</sup> di præcipimus. Statim igitur <sup>43</sup> rapta est à mi-  
<sup>44</sup> <sup>45</sup> nistris, & ducta <sup>44</sup> in insulam <sup>45</sup> Lyci fluminis,  
<sup>46</sup> <sup>47</sup> ibique <sup>46</sup> eam expoliantes, <sup>47</sup> ad stipitem li-  
 gauerunt. Atque illa leuans ad cælos oculos  
 suos, orauit cum lacrymis, dicens:  
<sup>48</sup> <sup>48</sup> Domine Deus omnipotens Iesu Christe,  
 Qui non iustos uenisti vocare, sed peccatores  
 ad pœnitentiam: Cuius promissio uera, & ma-  
<sup>49</sup> nifesta est, quia dignatus es dicere, <sup>49</sup> qua ho-  
 ra conuersus fuerit peccator à suis iniquitati-  
 bus, eadem hora te non rememoraturum pec-  
 catorū eius: Accipe in hac hora passionis meę  
 pœnitentiam, Et per hunc ignem temporalem,  
 qui corpori meo paratus est ab illo igne eterno  
 me libera, qui animam, & corpus simul exurit.

Et



Et ijs dictis expletis, <sup>50</sup> circumdata far-  
 mentis, igne supposito, vox audita est, dicens:  
<sup>51</sup> Gratias tibi ago domine Iesu Christe, qui  
 me dignatus es hostiam habere pro nomine  
 tuo, <sup>52</sup> qui pro toto mundo solus hostia obla-  
 tus es in cruce, <sup>53</sup> iustus pro iniustis, bonus pro  
 malis, benedictus pro maledictis, <sup>54</sup> mundus à  
 peccato pro peccatoribus vniuersis: Tibi offe-  
 ro sacrificium meum: Qui cum patre & spiritu  
 sancto viuis & regnas Deus in <sup>55</sup> secula seculo-  
 rum, Amen. Et hæc dicens <sup>56</sup> emisit spiritum. <sup>56</sup>

## PASSIO S. ANCTARVM

*Hilaria, Digna, Eunomia, Eutropia,*  
<sup>57</sup> *Et sociorum.* <sup>57</sup>



VM autem beata Christi mar-  
 tyr Afra cœli gaudia sic per <sup>58</sup> <sup>58</sup>  
 martyrij palmam intrasset, <sup>59</sup> <sup>59</sup>  
 stabant iuxta ripam fluminis Di-  
 gna, Eunomia, & Eutropia, quæ  
 fuerunt eius ancillæ, simulq; fuerunt in pecca-  
 to, & simul à sancto Narcisso episcopo bapti-  
 zatæ. Quæ <sup>60</sup> rogauerunt descendentes de bar-  
 ca vt se transferrent. Cumque eas transtu-  
 lissent, <sup>61</sup> inuenerunt sanctæ Afræ integrum <sup>61</sup>  
 corpus. Puer autem, qui cum ipsis erat, trans-

L nata-



PASSIO S. AFRAE.

62 natauit, & nuntiauit matri eius Hilariæ. Et 62  
 63 uenit nocte 63 cum sacerdotibus Dei, & tu-  
 64 lit corpus eius, & 64 posuit secundo millia-  
 65 rio de ciuitate Augusta, 65 in memoriam,  
 66 quam sibi, suisque construxerat. 66 Nuntia-  
 tum autem est Gaio iudici. Qui misit ad ip-  
 67 sam memoriam, dicens: 67 Ite & tenete eas,  
 68 & si consenserint ad sacrificandum, 68 cum ho-  
 nore eas adducite ad me, ut remunerem illas  
 censu dignissimo. Si autem uideritis eas ani-  
 69 mo pertinaci obistere, & nulla ratione ad sa-  
 70 crificandum præbere consensum, 69 implete  
 70 memoriam cremijs, & siccis spinis, & 70 clau-  
 dite super eas ipsam memoriam, & ita demum  
 71 ignem supponite, ut nulla ex eis euadat. 71 Eun-  
 72 tes autem ad eas 72 milites, prius blando ser-  
 mone eas prouocabant, post hæc terroribus  
 73 impellebant. At 73 ubi uidebant omnes si-  
 mul contemnere sacrificia, repleuerunt me-  
 moriam sarmentis, & siccis spinis, & clause-  
 74 runt super eas, & 74 supposito igne abierunt.  
 Sicque factum est, ut 75 eadem die quando se-  
 pulpta est Afra, simul etiam mater eius Hilaria,  
 necnon & famulæ eius secundum carnem, sed  
 etiam sorores in Christo, Digna, Eunomia, &  
 Eutropia, simul martyrij coronam accipe-  
 rent, Et quæ simul unanimes in Christum Ie-  
 sum



sum crediderunt, ad eum cum <sup>76</sup> palma mar- <sup>76</sup>  
tyrij pariter peruenirent.

<sup>77</sup> Beatus autem Afer, patruus sanctæ Afræ <sup>77</sup>  
(cuius dies passionis <sup>78</sup> pridie quam ipsius <sup>78</sup>  
martyris Afræ colitur) credendus est ad exem-  
plum terroris ei alijsque, præpunitus esse. Sed  
quo genere martyrij non legitur.

De sancto vero Dionysio ipsius auuncu-  
lo, quem nouellæ plantationis fidei beatus  
Narcissus ordinavit presbiterum, & ple-  
nius instruxit, <sup>79</sup> Quamuis specialiter scriptis <sup>79</sup>  
non exprimat, tamen non est dubitandum,  
quin ipsius gloriosæ Christi martyris Afræ exe-  
quijs, tamquam sacerdos, & pontifex inter-  
fuerit, Et pariter cum sorore sua Hilaria, alijs-  
que martyribus, per ignem passionis palmam  
victoriæ suscepit.

<sup>80</sup> Ipsa quoque die <sup>81</sup> apud eandem urbem <sup>82 80 81 82</sup>  
passi sunt alij xxv. pro nomine Christi capi-  
tis obtruncatione. Id est <sup>83</sup> Quiriacus, Largio, <sup>83</sup>  
Crescentianus, Eutychianus, Charito, Phila-  
delphus, Petrus: Et fœminę istæ, Nimmia, <sup>84</sup> Iu- <sup>84</sup>  
liana, Diomeda, Leonide, & Agape: <sup>85</sup> Et alij <sup>85</sup>  
xiii. quorum nomina Deus scit, Per bonam  
confessionem benedicentes dominum, qui  
glorificat suos. Cui est honor & gloria in secu-  
lorum, Amen.

L 2 A D





# AD PASSIONES

S. AFRAE MARTYRIS,

& SS. Hilariae,

DIGNAE, EVNOMIAE,

Eutropie, & sociorum martyrum,

COMMENTARIIS.



*Not. ad  
martyr. S.  
Aug.*



FRÆ passionem ex actis publicis concinnatam esse, res loquitur. Et confirmat Cæs. Baronius, cui in dijudicandis Christianorum historijs uni omnium plurimum tribuo. Hic præterea annotavit, eam, quæ à Vicelio in Hagiologio edita, sinceriores videri alterâ, quam Surius emisit, Puto ob immutatum à Surio stylum, sententia enim est utrobique eadem. Me quoque exemplaria uetera hac de causâ sequi, semel sum professus.

*Dig. quib.  
caus. mai.  
in int. rest.  
l. 33.*

Ad acta quod attinet, Certum est uti Romæ, ita in provincijs confici consuevisse. Meminit Modestinus scribarum, qui illo munere apud præsides fungebantur. Ea nomine, & usu publica erant.



rant. Ideo Suetonius in Caes. vitis saepe actorum testimonio utitur, quod apud alios etiam historiarum scriptores inuenire est. Ex nostris apud Pontium diaconum in S. Cypriani uita, & saepius apud Augustinum contra Donatistas. Christiani, quod diligentissimi essent in conseruanda martyrum memoria, exscribebant inde quae ad suos pertinerent. Habes exemplum in S. Susanna uita, de Thrasone uiro Christiano, qui occultè assidebat in publico, Qui etiam gesta sanctorum martyrum colligens, ornabat ea. Et iudicialium actorum formas in plerisque martyrum historijs agnoscimus. At uerò, hæc siue acta siue gesta (utrumque nomen passim confunditur, præcipuè ab Augustino, & credibile est martyrum historias ex hac origine gesta dici cepisse) ab actuarijs copiosius multo quam hodie extant, scripta fuere. Nam actuarij iudicum interrogationes, & reorum confessiones uerbatim excipiebant, cum notis scriberent, ut Modestinus ait. Neque quisquam dubitare potest, in iudicio, quo Afra, exempli causa, damnata est; plura utrimque prolata fuisse, quam passio præ se ferat, Cum præsertim iudex dicat, Iniuria mihi est tot horas tecum certare: Sed Christiani breuitatis studio in compendium cogeant, summam sectantes. Et quantum huius generis historiæ à legitimis actis differant, argumento esse possit codex satis magnus quæstionis de S. Sebastiano habitæ, quem in monasterio Cassinensi adhuc superesse, legere memini. Dein neque illud obscurum, aliqua in ista passione contineri, quæ ex actis non sint sumpta. Quomodo enim scriba seuam persecutionem, quomodo nequissimum iudicem in tabulas rettulisset, aut cui fini orationes ab Afra in rogo posita prolata, excepisset? Orationes profecto à Christianis, qui supplicio interfuere obseruatæ, reliqua illa à scriptore passionis interiecta sunt. Ego itaque actis publicis ea solum tribuo, quæ à comprehensione Afra, usque ad prolatam sententiam in iudicio contigere. In his ipsis, auctorem nulla religione ad ipsissima pura puta actorum uerba astrictum fuisse existimo.

PASSIO] Quidquid patimur passio, uel perpassio est. Vnde animi affectiones, & perturbationes à Philosophis passiones dictæ: a medicis animi, & corporis morbi. Sed quoniam omnium patibilium, quacumque homines ante adeptam immortalitatem, sufferre possunt, mors summum, & extremum est, Idcirco ecclesia

mar-

Suet. Oct.  
c. 5. Tib. c.  
5. Caio. c. 8  
Tacit. An.  
13. Vopis.  
Tacito. &  
Probo. Am  
mian. libr.  
22. Aug. cõ  
tra Cresc.  
lib. 3. c. 29.  
in breui.  
coll. die 3.  
& alibi.



martyrum neces, per durissimos cruciatus procuratas, rectè per excellentiam passiones nuncupavit. Ante omnes sacratissimam Christi mortem, ab euangelistis descriptam, sub hoc nomine neneratur.

<sup>2</sup> MARTYRIS] Græca vox, testem latinè significat. Et eius proprius apud Christianos usus de his, qui per tormenta examinati, fideles in perhibendo testimonio Iesu Christo perstiterunt. *Lib. 22. c. 76.* Augustinus contra Faustum, Per quorum confessiones, passiones, & mortes hoc Deo placuit attestari, martyres appellantur, qui latinè testes interpretantur. *Tertull. & Cypr. martyris nomē ita accipiunt.* Antiquitus martyres dicebantur, qui supplicia perpeffi etiam non occubuerant. Postea consuetudo obtinuit, illis solum nomen gloriæ plenum tribuere, qui confessionem morte consignassent. Id interim semper observatum, ut hæretici, quamquam grauissimos cruciatus pro Christi nomine pertulissent, ad hunc honoris gradum non admitterentur. Tales, ait Cyprianus, etiamsi occisi in confessione nominis fuerint, macula ista nec sanguine abluitur. Inexpiables, & grauis culpa discordiæ, nec passione purgatur. Esse martyr non potest, qui in ecclesia non est. Ad regnum peruenire non poterit, qui eam, quæ regnatura est derelinquit.

<sup>3</sup> APUD PROVINCIAM ETC. Publicis actis consules, & dies prænotari solebant; quæ hæc excidisse dolemus. Exemplum apud Augustinum contra Cresconium, de actis, quæ incipiebant, Diocletiano VIII. & Maximiano VII. Cofs. XIV. Cal. Iunij. Iterum in collatione contra Donatistas, de martyrum gestis, quæ Consulibus facta sunt Diocletiano IX. & Maximiano VIII. Pridie Idus Febr. Ita apud Ammianum Marcellinum acta citantur, quorum initium, Consulatu Tauri, & Florentij. Verum hæc accurata temporis observatio à descriptoribus quandoque omittebatur. Quod docet Augustinus contra Donatistas, hi calumniabantur litteras a Catholicis sine die, & consule productas, Fieri potest ut in codicibus sit uarietas, dum alij etiam dies, & consules diligentia maiore describunt, alij superfluum prætermittunt. Sicut etiam codex, de quo primum legimus iudicium Constantini, quo inter partes Cæcilianum innocentem, illos autem calumniosissimos pronuntiavit, diem, & consulem non habebat.

Et



Et minus mirum est talia in his nostris desiderari, cum actorum uerius epitome, quam integra acta sint. Si uero coniectura sedet, quam de Conuersionis tempore produximus, Passioni Consules ascribendi erunt Diocletianus VI II. Maximianus VII.

Cur quæ in exordio conuersionis de prouincia, urbe, & persecutione semel dicta sufficere poterant, hic rursus repetantur, causa uidetur, quod Conuersio, & passio non perpetua serie, sed distinctis diebus, quibus utraque celebratur, in ecclesia Augustana iam tunc legerentur.

PERSECUTIO] Diocletiani intellige, sub quo etiam conuersio. Nam qui primus deinde Christianos uexauit Iulianus, non nisi quinquaginta annos post Maxentium, cuius morte Diocletiani persecutio finita, imperium inijt. Est in errore manifesto Regino, qui Afram Anno Christi CCXLII. sub Diocletiano passam scripsit. Potior Hermannus Contractus, qui assignat annum CCCIV. Neque tamen pressè intelligendus, Nam in unum hunc annum omnes martyres, qui sub Diocletiano passi, conijcit. Baronius, qui ad annum CCCIII. rettulit, prorsus cum nostro calculo, cuius rationem reddidimus, conuenit. Verum id forte fortuna accidit, Cum martyres sub Diocletiano passos, quorum certum tempus assequi non potuit, hoc anno enumeret. Elapsi sunt a conuersione S. Afræ ad Passionis diem Mens. IX. Dies XII. Quidam integrum præterea annum adiiciunt, quod mihi nequaquam probatur, Neque nostræ chronographiæ congruit.

LUPANARIA] Meretrices olim lupæ dictæ. Tertullianus noster, Aspice lupas popularium libidinum nundinas. Hinc, Lupari ut scortari, uel prostitui, Nonius: hinc lupanar pro meretricum lustris: Atque ut à fornice fornicaria, à stabulo prostibulum, sic à Lupanari Lupanaria (quam tamen uocem alibi non legere memini) siue Lupanaris, ut aliqui codices habent. eadem forma Apuleius Lupanarem infamiam dixit, Quæ suo pudore postposito, tori genialis calcato federe, larem mariti lupanari maculasset infamia. Lupanarium obseruauit Rob. Constantinus ex Alex. Seuerio Lampridij, in quo hæc uerba, Corpora omnium constituit uinariorum, Lupanariorum, Caligariorum, & omnino omnium artium. Sed mihi mendum subolet. Tiraquello Lupanariorum placet. Quid enim? laudatus princeps Lenonum corpora constituit, & lenoc-

<sup>5</sup> De pallio.

De Af. li. 9

In sup-  
plemen.  
ling. lat.

De nobil. c.  
34. n. 44.



nocinium inter artes rettulit? At hac obiter.

6 IUDICI OBLATA] Prouincia Praesidem intellige.  
 Vide Iurif. Qui enim iurisdictioni praest, index est: Atqui praesidium munus  
 conf. Dig. estius reddere, Et de omnibus causis, de quibus vel praefectus ur-  
 de iudic. l. bi, uel praefectus praetorio, uel consules, & praetores Romae cogno-  
 81. Item Dig. scunt, notionem habere: Omnia denique quae Romae uarios iudi-  
 de off. Praef. ces habent, ad eorum officium pertinent, cum uice omnium ma-  
 lib. 10. II. gistratum Romae fungantur. Recte ergo iudices dicuntur.  
 12.

7 COGNOVISSET QVAE ESSET] Afra ad pri-  
 mam praesidis interrogationem, Nomen, & professionem Chri-  
 stianitatis edidit. Hoc est quod Tertullianus in Apologetico Chri-  
 stiani constantiam praedicat, Si denotatur, gloriatur: si accusa-  
 tur, non defendit: interrogatus, uel ultro confitetur: dam-  
 natus, gratias agit. Quin multi se ipsos denuntiabant, inde  
 Professores dicti. Talis fuit S. Gordius martyr, de quo extat Ba-  
 siliij sermo. Is in theatrum progressus, exclamauit: Inuentus  
 sum me non quaerentibus, conspicuus factus sum me non  
 interrogantibus.

8 SACRIFICA DIIS] Cōqueritur Tertullianus iudices gē-  
 tiles duplici potissimum ratione in Christianos iniurios esse: quā  
 A pol. c. 1. 2. utraque Christianorum conditio longè diuersissime sit a reis reli-  
 quis. Primo, cum Christianos omnium fere scelerum colluue no-  
 centissimos esse dicerent, tamen neque defensio pro illis, neque  
 inquisitio in illorum crimina admittebatur, quae de cetero reis  
 omnibus competeabant. Illud solum expectatur, quod odio pu-  
 blico necessarium est, confessio nominis, & non examina-  
 tio criminis. Quando, si de alio nocente cognoscitis, non  
 statim confessio eo nomen homicidæ, uel sacrilegi, uel ince-  
 sti, uel publici hostis (ut de nostris elogijs loquar) conten-  
 ti sitis ad pronuntiandum, nisi & consequentia exigatis:  
 qualitatem facti, locum, tempus, conscios socios. De no-  
 bis nihil tale, cum æquè extorquere oporteret quodcum-  
 que falso iactatur. Ista calumnia egregiè in Afra iudicio elu-  
 xit. Mox enim ac index Cognouisset quæ esset, Christiana  
 scilicet, nihil praterea moratus, Id unum contendit (quod rursus  
 Tertullianus queritur) ut de eo nomine excluderetur. Exclusa  
 enim fuisset, si fecisset quæ faciunt non Christiani, hoc est si dijs  
 sacrificasset. Alterum caput multo erat absurdius, Nec in illo



ex forma malorum iudicandorum agitis erga nos, quod ceteris negantibus, adhibetis tormenta ad confitendum, solis Christianis ad negandum. *Et post pauca*, Cum præsumentis de sceleribus nostris ex nominis confessione, cogitis tormentis de confesso decedere, ut negantes nomen, pariter utique negemus & scelera, de quibus ex confessione nominis præsumpseratis. Sed opinor, non uultis nos perire, quos pessimos creditis (sic enim soletis dicere) homicidas. Negatis laniari iubere sacrilegum, si confiteri perseverauerit. Si non ita agitis circa nos nocentes, ergo nos innocentissimos iudicatis, cum quasi innocentissimos non uultis in ea confessione perseverare, quam necessitate, non iustitia à uobis damnandam sciatis. Vociferatur homo, Christianus sum; Quod est dicit, tu uis audire quod non est. Veritatis præsides, de nobis solis mendacium elaboratis audire. Hoc sum inquit, quod quæris an sim. Quid me torques in peruersum? Confiteor, & torques, quid faceres si negarem? Planè alijs negantibus non facile fidem accommodatis; nobis si negauerimus, statim creditis. *Iterum*, Debito pænæ nocens expungendus est, non eximendus. Denique illum nemo gestit absoluerè, non licet hoc uelle, ideo nec cogitur quisquam negare. Christianum hominem, omnium scelerum reum, Deorum, imperatorum, legum, morum, naturæ totius inimicum existimas, & cogis negare, ut absoluas: quem non poteris absolvere nisi negauerit. Præuaricaris in leges. Vis ergo neget se nocentem, ut facias eum innocentem, & quidem inuitum, iam nec de præterito reum? *Tandem concludit*, Ideo torquemur confidentes, & punimur perseverantes, & absoluihur negantes, quia nominis prælium est. *Eadem prorsus in nostra causa licet animaduertere*. Iudex totus est, non in eruenda ueritate perperatorum scelorum, sed in eo, ut Afram à professione Christianitatis, siue argumentorum pondere, siue blanditijs, siue minis excidere faciat. Omnes persuasiones, & intentata sæpius tormenta, Expedit tibi magis uiuere, quam inter tormenta deficere: Cathomis te cadi iubeam: Si uerò nolueris, occideris: Torqueri te faciam, & postea uitam incendi præcipiam: *Ad illud toties repetitum Sacrifica referuntur. Quamquam tormen-*



ta festinatione capitalis supplicij exclusa sint. Neque uerò obscurum erat, Idolorum sacrificio fidem Christianam multo ualidius, quam nudâ uoce negari. Porro idem argumentum probande Christiane innocentie, urget Tertullianus ad Scapulam, Quid amplius tibi mandatur quam nocentes confessos damnare, negantes autem ad tormenta reuocare? Videtis ergo, quomodo ipsi uos contra mandata faciatis, ut confessos negare cogatis. Adeo confitemini innocentes esse nos, quos damnare statim ex confessione non uultis. *Pluribus D. Cyprianus ad Demetrianum*, Elige tibi alterum de duobus: Christianum esse, aut est crimen, aut non est. Si crimen est, cur non interficis confitentem? Si crimen non est, quid persequeris innocentem? Torqueri enim debui si negarem: si pœnam tuâ metuens, id quod prius fueram, & quod Deos tuos non coluerim, mendacio fallente celarem, tunc torquendus fuisset, tunc ad confessionem criminis vi doloris adigendus: sicut in ceteris quæstionibus torquentur rei, qui se negant crimine quo accusantur teneri, ut facinoris ueritas, quæ indice uoce non promitur, dolore corporis exprimatur. Nunc uerò, cum sponte confitear, & clamē, & crebris, ac repetitis idētidem uocibus, Christianum me esse contester, quid tormenta admoues confitenti?

9 *INTER TORMENTA DEFICERE*] Aliquando deliquium animæ: hoc loco Mori significat. Quod ex opposito intelligimus, Expedit tibi magis uiuere. *Ulpianus*, Nec ea qui dem pœna damnari quem oportet, ut uerberibus necetur, uel uirgis interimatur, nec tormentis; quamuis plerique dum torquentur deficere solent.

10 *SUFFICIUNT MIHI PECCATA MEA*] Verbum sufficere de ijs rectè dicitur, quorum è diuerso egere possumus. At peccatorum nunquam egemus; Peccata ergo nobis propriè non sufficiunt. Impropiè illa sufficiunt, quibus omnino nihil addendum, id peccatis conuenit. Ita Deus per Ezechielem, Sufficiunt uobis omnia scelera uestra domus Israel.

11 *QVOD ME IVBES FACERE NVNQVAM FACIAM*] Ingenue dictum, & liberè, ut Christianam decebat. Neque enim tergiversatio, aut simulatio in causâ fidei ferenda. Aequè rotundè Cyprianus, cum proconsul sacrificium im-

peras-



perasset, Non facio: Et cum proconsul instaret, Cyprianus de-  
nuo, Fac quod tibi præceptum est. In re tam iusta nulla est  
consultatio. Sic D. Ignatius, Non facturus sum aliquando  
quod mihi consulitis.

GAIUS] Prænomen à gaudio parentum ductum, ait Vale- 12  
rius Probus. Per G. proferri, & per C. scribi testatur Diomedes.  
Non nemo in scriptione G. retinet. Neque aliter in pandectis Flo-  
rentinis, quod Ant. Augustinus annotavit. At cur præterito præ-  
sidis nomine, hic prænomen edatur, causam nullam nisi fortui-  
tam subesse opinor. Ita plerique auctores Iulium, & Caligulam  
Cæs. Caios tantum dixere. De nostro nihil præterea memoria pro-  
ditum. Auentinus Carum Aquilinum uirum consularem, Ducem  
Vindelici limitis retulit; nescio unde erutum. Fasti circa ea tempo-  
ra Carum Aquilinum nullum, vnum Vettium Aquilinum consu-  
lem habent. Neque mihi constat eum postea huius limitis ducem  
fuisse. Quamquam probè scio permultos Consulares, qui nun-  
quam Consules. Sed fuerit Carus Aquilinus dux limitis, longè  
alius fuit à Proninciæ præside.

Emend. li.  
4. c. 3.

CAPITOLIVM MEVM CHRISTVS EST.] 13  
Respicit ad etymologiam Capitolii, quæ est a capite, uti monuimus.  
Christus enim, lapis ille, qui reprobatus ab ædificantibus, factus est  
in caput anguli, sæpe dicitur caput ecclesiæ, hoc est fidelium. Pau-  
lus, Ipsum dedit caput supra omnem ecclesiam, quæ est cor-  
pus ipsius. Crescamus in illo per omnia, qui est caput  
Christus. Christus caput est ecclesiæ, ipse saluator corpo-  
ris eius. Ipse est caput corporis ecclesiæ. Quod uerò Gaius  
hortatur Afram ad Capitolium sacrificandi causa accedere, Id  
vulgo consueuerat capi experimentum de Christianis ad paganis-  
mum relabentibus. Vnde S. Cyprianus ad lapsos, Nonne quan-  
do ad Capitolium sponte uentum est, quando ultro ad ob-  
sequium diri facinoris accessum est, labauit gressus, caliga-  
uit aspectus, tremuerunt uiscera, brachia conciderunt?  
Et in epistolis, Compelluntur adhuc insuper lapsi, ut linguis  
atque ore, quo in Capitolio ante deliquerat, sacerdotibus  
conuitium faciant &c.

Ephes. 1. 4.  
5. Colos. 1

Ep. 55.

QVOTIDIE CRIMINA, ET PECCATA MEA 14  
CONFITEOR] Vt agnoscamus diligentem Christianitatis  
discipulam, singulæ fere, quæ sequuntur responsiones ex sacris

M 2 litte-



litteris petita sunt. Hæc primo Davidis illud respicit, aut ali-  
 quid simile, Laboravi in genitu meo lauabo per singulas  
 noctes lectum meum, lacrymis meis stratum meum riga-  
 bo. Nam ut S. Hilarius ait, Penitentis uox est, lacrymis  
 orare, lacrymis ingemiscere. Cur autem confessio peccati olim  
 commisisti, & iam desisti, rectè iteretur, docet idem Hilarius, Con-  
 fitendum semper est: non quod peccandum semper sit, ut  
 semper sit confitendum, sed quod peccati ueteris, & anti-  
 qui, utilis sit indefessa confessio. Docet autem spiritus  
 sanctus semper confitendum, cum ait per prophetam: Ius-  
 tus ipse sibi accusator est, in primo sermone suo. Iustus nō  
 se ex presentibus, sed ex præteritis accusat. Cui enim ad-  
 est presentium accusatio, iusti nomen auferitur. Et audia-  
 mus se Apostolum Paulum ex præteritis arguentem, cum  
 ait: Quia non sum dignus uocari Apostolus, eapropter  
 quod persecutus sum ecclesiam Dei. Gratia autem Dei  
 sum quod sum.

15 INDIGNA SUM IPSI SACRIFICIA OFFER  
 RE] Corpus, & sanguis domini nostri Iesu Christi, unicum no-  
 uæ legis sacrificium est, propriè sumptum. Cuius oblationem mi-  
 nus sibi licere rectè innuit Afra, Cum ea sacerdotibus tantum  
 conveniat.  
 ex Gul. ME IPSAM PRO NOMINE EIVS CVPIO  
 16 SACRIFICARE] Sacrificij nomen translātè significat  
 Alano de omne opus bonum, quod in Deum refertur. Exempla sunt ex psal-  
 sacrif. mis. mis, de iustitia: Sacrificate sacrificium iustitiæ: Tunc accep-  
 sa lib. 2. ptabis sacrificium iustitiæ. De laude: Circuiui, & immo-  
 cap. 2. laui in tabernaculo eius hostiam uociferationis: Immola  
 De iustitia Deo sacrificium laudis: Sacrificent sacrificium laudis: Ti-  
 ps. 4. 50. bi sacrificabo hostiam laudis. De pœnitentia: Sacrificium  
 De laude Deo spiritus contribulatus. Augustinus dixit, nos fidem, spem  
 ps. 26. 49. & charitatem sacrificare. Tertullianus sacrificia Deo grata ap-  
 106. 115. pellauit, ieiunia, & seras, & aridas escas. Deinde ait, Virgi-  
 De pœnit. nitas quoque, & uiduitas, & modesta in occulto matrimo-  
 ps. 50. An- nij dissimulatio, & una notitia eius, de bonis carnis Deo  
 55. Tertu. adulentur. Et alio loco, Afflictatio carnis hostia domino  
 de resur. placatoria, per humiliationis sacrificium. Chrysostomus hu-  
 De pudic. militatem sacrificium maximum vocauit: Ita gratiarum actio-  
 Chryso. in nem,  
 ps. 50. 60



nem, mortificationem membrorum, orationem denique & eleemosynam, Et Augustinus, Ipse homo Dei nomini consecratus, in quantum mundo moritur, ut Deo uiuat, sacrificium est. Idem corpus per se, cuius rectus usus ad Deum refertur, sacrificium vocat, multo autem magis animam: necnon totam congregationem sanctorum vniuersale sacrificium appellat, At quoniam uirtutes hominis Christiani, in bonis operibus singula, in martyrio omnes emicant, quod D. Augustinus expressit, cum dixit Christum martyres in se transfigurare, Ideo martyrium in hac translatione uerbi, excellenti quodam modo Sacrificium, Immolatio, Libatio: Martyres Hostiæ, Victimæ Holocausta dicti. Ita omnes ad vnum interpretati sunt Pauli verba, Ego enim iam delibor, ubi alij legunt, immolor: Vtraque glossa, Hieronymus, Ambrosius, Chrysostomus, Theodoretus, Theophylactus, Oecumenius, Anselmus, Bruno, Carthus. Quod tamen unico illi & vero sacrificio nihil derogat. Immo Afra utrâq; nominis significationem satis distinxit, cum se indignam esse dixit, quæ sacrificia offerret, & mox adiunxit, cupere se ipsam sacrificare. Cyprianus quoque duplicem sacrificij notionem coniunxit, ad Nemesianum, & reliquos martyres in metallo constitutos, Sed nec in illo, fratres dilectissimi, aliqua potest aut religionis aut fidei iactura sentiri, quod illic nunc sacerdotibus Dei facultas non datur offerendi & celebrandi sacrificia diuina: Haftenus sacrificium in proprio sensu mox in translato; Celebratis immo, & offertis sacrificium Deo, & pretiosum pariter & gloriosum, & plurimum uobis ad retributionem præmiorum cælestium profuturum, Cum scriptura diuina loquatur, & dicat: Sacrificium Deo spiritus contribulatus, Cor contritum, & humiliatum Deus non despicit. Hoc uos sacrificium Deo offertis, hoc sacrificium sine intermissione die ac nocte celebratis, hostiæ facti Deo, & uosmet ipsos sanctas atque immaculatas uictimas exhibentes, sicut Apostolus adhortatur, & dicit. Oro ergo uos fratres, per misericordiam Dei, ut constituatis corpora uestra hostiam uiuam, sanctam, placentem Deo, nec configremini seculo huic, sed transformamini in renouatione sensus, ad probandum, quæ sit uoluntas Dei bona, & placens, & perfecta.

Porro



Torpo vti hac sacrificandi interpretatio passim est obuia, ita & illud obseruationem meretur, quod tyranni interfectores, aliquando martyrum sacerdotes dicti Haymo D. Paulum explicans, Si immolor. id est, Interficior à Nerone. Nero ipse fuit sacerdos Petri & Pauli, quia ipse mactauit eos: mactauit quidem, sed non obrulit, quia ipsi se ipsos obtulerunt. Et eadem planè ratione in alium Pauli locum, Ego enim iam delibor. Libare hic pro sacrifice & immolatione ponitur, ac si diceret: Ego enim iam immolor. Sacerdos Petri & Pauli extitit Nero, sed eius immolatio non est reputata ad gratiam, mors autem illorum gratisimum sacrificium fuit Deo.

17 *Apol. sub finem. In scorpiaco. Cyp. ep. 52* VT CORPVS IN QVO PECCAVI DVMP OE-  
NAS PERTVLERIT ABLVATVR ] Nam om-  
nia peccata uero martyrio eluuntur. Inde Tertullianus, Om-  
nia huic operi delicta donantur. Rursus, Propriè marty-  
ribus nihil iam reputari potest, quibus in lauacro ipso ui-  
ta deponitur. Atque Cyprianus omnia peccata passione pur-  
gari ait.

18 QVIA ALIENA ES A DEO CHRISTIANO-  
RV M ] Paulo post, Meretrix enim quæ est, Christiana di-  
ci non potest. E Gregia testimonia puritatis Christianæ ab ho-  
mine inimico. Nam priori commentario bis monui, Christianam  
innocentiam gentilibus aduersarijs notam fuisse.

19 CHRISTVS DICIT SE PRO PECCATORI-  
BVS DESCENDISSE DE COELO ] Apud Mat-  
thæum, & Lucam, Non veni uocare iustos, sed peccatores.

20 EVANGELIA EIVS TESTANTVR QVOD  
MERERETRIX ETC. ] Ex Luca, Ecce mulier quæ  
erat in ciuitate peccatrix, ut cognouit quod Iesus accu-  
buit in domo Pharisei, attulit alabastrum unguenti, &  
stans retro secus pedes eius, lacrymis cœpit rigare pedes  
eius, & capillis capitis sui tergebat, & osculabatur pedes  
eius, & unguento ungebat. Rectissime Afra Mariæ Magdale-  
næ uitam tamquam aliquod speculum inspiebat; Cum nullum ex-  
tet illustrius exemplum uel peccatricis conuersæ, uel Dei conuer-  
tentis, & peccata condonantis.

21 ET INDVLGENTIAM ACCEPERIT ] Dixit  
autem



autem ad illam: Remittuntur tibi peccata. *Rursus*, Dixit autem ad mulierem: Fides tua te saluam fecit: Vade in pace. *Antiqua est in ecclesia vox Indulgentiæ, absolute posita, pro peccatorum remissione. Quod Pammelius in Cypriano notauit.*

ET MERETRICES ET PUBLICANOS ETC.] 22

*De meretrice uidimus. De publicanis crebra sunt testimonia, Erant autem appropinquantibus ei publicani & peccatores. Item, Multi publicani & peccatores simul discumbabant cum Iesu, & discipulis eius. Unde calumniandi ansam nacti Pharisei, ut Christus ab illis audire cogeretur, Amicus publicanorum & peccatorum. Publicanorum uero nomen, cum ubique exosum esset; adeo ut Vlpianus prodiderit, quantæ audaciæ, & quantæ temeritatis eorum factiones sint neminem nescire, & Thersites interrogatus, quæ fere scuisimæ, responderit, In montibus urfi, in ciuitatibus feneratores, & publicani: maximè tamen infame habebatur apud Hebræos, Neque eius ulla est in sacris litteris memoria, nisi cum nota ignominie coniuncta. Nam cum nefas crederent si esset uestigial pendens ex filiis Israel, necessario profani, & execrandi existimabantur, qui illud exigebant.*

Luc. 15.

Mat. 2.

Luc. 5.

Mat. 9.

Luc. 5. 7.

15. Mat.

9. 11.

Mar. 2.

Dig. de pu-

blic. & ue-

dig. l. 12.

Hier. ep.

146.

VT DILIGARIS ETC. VT INFERANTVR 23

TIBI PECVNIE MULTAE] Index duplicem machinam adhibet, quarum utraque hominum mentes ualide concutit. Voluptatem nimirum, & lucri spem. Quod enim causæ diffidat, extra eam mixtim minis, & blanditijs agit. Antea tormenta, & mortem intentauit, iam ad ueteres libidines, & quæstum reuocat. Frustra utrumque.

PECUNIAS EXECRABILES ETC. QVASI 24

SORDES ABIECI] Pecunias execrabiles appellat, quæ scelere quæsitæ, Neque illarum contemptum expressius quam sordium nomine ostendere potuit. Hieronymus gloriosas sordes uocauit.

QVIA NON ERANT DE BONA CON-

SCIENTIA] Hæc ex ora, ubi ab aliquo annotata, irrepsisse suspicio est. Quamuis utcumque ferri possunt.

NOLENTES ACCIPERE ALIQVOS FRA-

TRES ETC. Homines Christianos fratres uocat. Erat ea

fre-



frequens in prima ecclesia appellatio, Adeo ut infamis haberetur apud gentiles, ideoque purgare coacti sint apologiarum scriptores, præcipue Tertullianus, qui in eo multus. At cur fratres pauperes Afræ pecuniam accipere abnuerint, quæri potest. Est in lege ueteri, non offeres mercedem prostibuli. Et Philo singularem libellum ea de re scripsit. Quæ postea Christianorum quovide glos. que moribus recepta. Videbatur enim rerum sacrarum maiestas in c. Obla- imminui, si meretricia oblatio ad altaria admitteretur. Verum, tiones, dist. longè diuersa est eleemosynarum ratio. In eas rectè erogantur 90. et Sum. bona quantumuis illicitis, & inhonestis artibus parta, dum resti- Silu. in uer- tutioni non sint obnoxia: At meretriciæ pecuniæ redditioni ne- bo Meri- trix. quaquam obnoxia, nisi extortæ sint illis, quibus alienandi potestas non erat, aut alioquin fraus interuenerit: Tuto igitur eleemosyna à meretricibus, etiam in peccando persistentibus, multo magis à penitentibus, accipiuntur. Tamen existimo Christianos anti- que pietatis, qui ab omni specie mala abstinendum scirent, inui- tos, & non nisi causâ diligenter pensiculatâ, animum induxisse huiuscemodi pecunijs subleuari. Ne illis scilicet propter alienum scelus temere melius esset. Plerisque creditum est Afram præterquam numeratâ pecuniâ, etiam prædijs urbanis, & rusticis locupletem fuisse, quibus diuenditis pretia pijs vsibus destinari. At ego quid certò asseuerem non habeo. Nec interest ad pietatis argumentum, scire quantum erogarit: satis illud est, omnia quæcumque possidebat erogasse, cum dicat, Quæ habui a me abieci. Mat. 19. Ad normam consilij euangelici, Si uis perfectus esse, uade, uende omnia, quæ habes, & habebis thesaurum in cælo.

27. I AM TE CHRISTVS DIGNAM NON HABET. SINE CAUSA ETC.] Desperationis uenenum, Gaius antea clam instillauerat, Aliena es à Deo Christianorum, nunc palam effundit. Neque ignarus est ille, qui argumenta suppeditat genius, Plerosque quos non cruciatuum, & mortis terrores, non uoluptatum, & pecuniarum illecebræ, de statu dei- cere potuere, Vnâ diuinæ gratiæ desperatione excidisse. Sed Afræ iam olim ualidis armis, contra omnes has inimici impres- siones, à catechista Narcisso instructa fuit. Quod responsiones satis ostendunt. Nos, quoniam hæc mentio incidit, elegantem desperationis descriptionem, ex libro de uera, & falsa penitentia, qui inter Augustini opera legitur, promamus, Quid aliud est despe-



desperare quam Deum sibi comparare? Nam qui de Deo non præsumat ueniam, non animaduertit, plus peccato suo posse Dei clementiam. Si enim sentiret Deum magis bonum, quam se malum, quidquid in se iustitiæ non inueniret, a Deo magis bono expectaret: & quidem diffidit, quia summi boni bonitatem maiorem sua nequitia non sentit. Ille enim solus diffidat, qui tantum peccare potest, quantum Deus bonus est. Cum sit autem nullus qui hoc possit, qui timet de se malo, præsumat de meliore.

CHRISTIANA QUIDEM EGO DICI NON 28  
MEREOR ETC. SED MISERICORDIA ETC.]

*Obiectum crimen non negat, non excusat, sed Dei misericordiam appellat. Videor D. Paulum audire, Ego enim sum minimus* 1. Cor. 15.

Apostolorum: qui non sum dignus uocari Apostolus, quoniam persecutus sum ecclesiam Dei. Gratia autem Dei sum id quod sum. Et rursus, Prius blasphemus fui, & persecutor: sed & misericordiam Dei consecutus sum, quia 1. Tim. 1.

ignorans feci in incredulitate. Superabundauit autem gratia domini nostri, cum fide, & dilectione quæ est in Christo Iesu. *Afra etiam dicere poterat, Ignorans feci in incredulitate. Ita paulo antea, Sufficiunt mihi peccata mea, quæ ignorans Deum gessi. Quomodo autem misericordia Dei omne humanum meritum antecedit, ostendit S. Augustinus, Nemo enim credit, qui non uocatur, Misericors autem Deus uocat, nullis hoc uel fidei meritis largiens, quia merita fidei sequuntur uocationem, potius quam præcedant. Quomodo enim credent ei quem non audierunt? Et quomodo audient sine prædicante? Nisi ergo uocando præcedat misericordia Dei, nec credere quisquam potest, ut ex hoc incipiat iustificari, & accipiat facultatem bene operandi. Ergo ante omne meritum est gratia, Etenim Christus pro impijs mortuus est. Et quia Afra fatetur, se non mereri Christianam dici, Audiamus nominis dignitatem ex Chrysostomo, Quemadmodum hi, qui in bello regia signa circumferunt, ut moris est, magnis laboribus indigent, & uiribus, maximaque pericula, uti ne id hostibus prodant: ita & qui Christi nomen portant, non in bello solum, uerum etiam in pace, summis uiribus indigent, ne id maledicis linguis exponant, sed id* Ad Simpli. lib. 1. q. 2.

*In ep. 1. ad Tim. hom. 3.*

N strenuè



strenuè ferant uexillo crucis armati. Ingenti enim profecto opus est robore ut quis dignè portet Christi nomen. Nam qui indignum aliquid, uel dixerit, uel fecerit, aut etià cogitauerit, Christi nomen non legitimè portat, neque habet in semetipso Christum. Porro qui id congrue portat, is profecto triumphat, non in foro, sed in cælis, omnesque illi adstant angeli, circumdantes illum, atque admirantes. *Quin Afra hoc nomen dignè tulerit, minimè dubitandum, & locupletissimum testimonium hæc passionis historia dicit; Est ergo humilitatis, quod se indignam profitetur.*

29 **IN HOC ME AGNOSCO ETC.]** *Necessaria collectio. Nominis confessio, martyrium, siue testimonium est: testimonium nemo ab aduersario petit, sed ab amico: Deus ergo, qui me ad sui nominis confessionem admisit, à facie sua nentiquam proiecit.*

30 **PER QVAM ME CREDO ETC.]** *Dixi hæc de re. Cyprianus, ut ostenderet martyrium omnibus utile esse, inquit, Vidimus quippe ad hunc nominis titulum fide nobiles uenisse plerosque, ut deuotionis obsequium mors honestaret. Sed & alios frequenter aspeximus interritos stetisse, ut admissa peccata redimentes, cruore suo loti haberentur in sanguine, & reuiuiscerent interempti, qui uiuentes computabantur occisi. Mors quippe integriorem facit uitam. Mors amissam inuenit gloriam. Nam hac spes iam amissa percipitur, hac salus cuncta reparatur. Et quamquam Afra post baptismum ita uixerit, ut inter priores censenda esset, Christiana tamen animi demissione, quæ ubique elucet, se posterioribus adnumerare maluit. Cum bonarum sit mentium (ut Gregorius ait) ibi timere culpam, ubi nulla est. Et est Ecclesiastici sententia, De propitiatio peccato, noli esse sine metu.*

31 **SALVTEM CONSEQUERIS]** *Spem uenie ostendit. Tertullianus, Ipsi denique præsides, cum cohortantur negationi, serua animam tuam dicunt, & Noli animam tuam perdere.*

32 **SALVS MEA CHRISTVS EST, QUI PENDENS ETC.]** *Virtus enim Dei est in salutem omni credenti. Ita Concordius presbyter ad Torquatam Tuscia comitè, qui illum itidem hortabatur, saluti suæ consuleret, Salus mea Chri-*



Christus est, cui quotidie sacrifico sacrificium laudis. Et *Ado in*  
*martyres aliàs saepe. Obserua Afram exempla peccatorum,* *mart. 1.*  
 qui misericordiam consequuti, in numero habere. Antea mere- *Ian.*  
 trices, & publicanos, nunc latronem profert. Merito, Cum ipsa  
 in eodem stadio curreret.

QVI TECVM TVRPITER VIXERVNT. ] 33  
 Mira gentium stupiditas. Deorum cultum ijs rebus constare cre-  
 debant, quas ipsimet naturæ ductu, turpes esse fateri cogeban-  
 tur. Sunt apud Ovidium versus in quibus Cupidini Pietatem,  
 & Pudorem apertè opponit,

— ante oculos Rectum, Pietasque, Pudorque *Metam. 7.*  
 Constiterant, & uicta dabat iam terga Cupido.

Et profecto uerum est quod Seneca scripsit lib. 4. de Benef. c. 17.  
 Maximum hoc habemus naturæ meritum, quod uirtus in  
 omnium animos lumen suum permittit, etiam qui non se-  
 quuntur illam, uident.

CATHOMIS ] Catomis quidam habent. Quidam Cate- 34  
 nis substituerunt, pro uoce non intellecta. At hæc frequentius in  
 Christianis historijs obuia est, quam ut adulterina credi possit. Mo *In annot.*  
 lanus hæret in explicando, & significat se malle de ea doceri, quam *ad mart.*  
 docere. Græcam enim etymologiam, quam producit à κατ' ὄψος, *Vsuardi*  
 quod est demissis armis, ut scilicet Catomus cædi dicatur, qui demis- *15. Iunij.*  
 sis humeris, pedibus in altum suspensis uapulat, ipse improbat. *Editionis.*  
 Neque illa ullo pacto ad hunc locum pertinere potest, cum Caius *prioris*  
 Afram non Catomam, sed Cathomis cedere minitetur. Pronior  
 est existimare ex martyrum actis, quæ habent, Cathomo suspendi,  
 In Cathomo leuari, Cathomum idem cum catasta, aut equuleo fuisse.  
 Quod fortassis hætenus ferri queat; Sed quid ad alteram il-  
 lam significationem, Cathomis cædi? Vbi de flagellis, plumbatis,  
 fustibus, aut re quapiam simili sermonem esse, ille non negat. Ba-  
 ronius aliquando de Latomia cogitauit. Nam Latomiam suppli- *In notat.*  
 cij genus ad uerberandum aptum esse, ait Isidorus. At quo minus *ad mar. R.*  
 huic sententiæ acquiesceret, obstabant probati auctores, qui Lato- *15. Iunij.*  
 mias Latumias, & Lautumias, eo sensu nunquam accepere. In po- *Vbi ait ple-*  
 steriore Plantiniana martyrologij editione, nouam opinionem pro- *rosque Isi-*  
 fert, cuius D. Latinium auctorem laudat. Ea est huiusmodi. Idem *dori codi-*  
 uideri, Catomis cedere, quod solent ludimagistri pueros ad hume- *ces habere*  
 ros alicuius appendere, & eorum natibus uerbera infligere: Ideo *Lautum -*  
 ego lego. *nas. Vti &*

N 2 cum



cum Vitum tum Barulam, quod pueri essent, puerorum more uir-  
gis uerberatos. Apud Victorem de persecut. Vandal. lib. i. habe-  
ri de Thoma sanctissimo episcopo, Quodam tempore uenera-  
bilem senem in publica facie catomis cæciderunt. Id uide-  
ri factum maioris ignominie irrogandæ causa, ut senex puerorum  
more uerberaretur. Confirmari coniecturam, quod apud Hippo-  
cratem lib. i. de Articul. est κατωπιζειν, in humeros aliquem leua-  
re: Apud Iosephum Antiq. lib. 5. c. 10. κατωμαδεν, pro eo quod  
latinus interpres, humeris impositas Gaze portas à Sampsonē,  
uti obseruat Suidas in uerbo κατωμαδεν. Hæc quantumuis inge-  
niosè excogitata (dicam pace uiri magni, & docti) animum mi-  
nus explent. Non quod nesciam Barulam eo fere modo cæsum, As-  
clepiades enim apud Prudentium,

De S. Ro-  
mano.

— pusionem præcipit  
Sublime tollant, & manu pullent nates.  
Mox, & remota ueste uirgis uerberent,  
Tenerumque duris ictibus tergum secent,  
Plus unde lactis quam cruoris defluat.

Sed præterquam quod idem de Thoma, Afra, & Eulalia mini-  
me uerisimile: obstat illud ualidisimè, quod martyres nequaquam  
Cathomæ aut Cathomi cæsi dicuntur, quod conueniens erat, si no-  
men à corporis positu; sicuti ad Molani etymon diximus: Verum,  
historiæ narrant, Cathomo aut Cathomis cæsos. Quæ loquendi for-  
mula, nisi ualde fallor, ea est quam grammatici, Verbum cū abla-  
tino instrumenti uocant. Et Cathomus siue Cathomi, eadem pror-  
sus ratione instrumentum cedendi significant, quæ gladius, pugnū,  
lora, uirgæ, Cum aliquem gladio, pugnīs, loris, uirgis cæsum dici-  
mus. Neque Hippocratis, & Iosephi auctoritas magnopere huc  
facit. Quando ergo lis adhuc sub iudice, nostras quoque cogitatio-  
nes proferamus.

In primis Cathomi duplicem usum fuisse uidimus: Cogitandū  
an res ipse distinctæ. Vinculorum, exēpli causa, uariis est usus,  
res una. Seruiunt enim uinciendis, suspendendis, uerberandis no-  
xijs. Contra plumbatæ tum usu, tum re differunt. Et cum Iuriscon-  
sulti illas in uerbera, & pondera distinguunt, intelligunt primo lo-  
co flagella, quibus glandes plumbeæ in summitatibus impactæ, se-  
cundo massas plumbeas, quæ reorum pedibus alligantur, ut totius

cor-



corporis iunctura, magno doloris sensu luxentur. Similiratione opinor Cathomos non minus re quam usu differre. Nec enim uideo quam uiam ineam, ut Molani exempla de uno eodē torsionis instrumēto intelligam. Cathomo eū suspēdi, & uerberari fecit. Iussit ministris infantem in cathomo leuari, & cedere. A Valeriano iudice cathomis cāsus. Iussit eā flagellari, & cathomis cēdi, per officium curatoris: cūq; cathomaretur corpus eius &c. Priora duo profecto ad machinam pertinent, in qua rei suspēsi torquebantur. Quam Ado in S. Romano ab equuleo fecernit: *Vt verear me Molano assentiri non posse. Malo iudicium suspendere. Posterioribus duobus, ut etiam illo ex Vitore, quod antea attulimus, atque isto S. Afrā, quod prae manibus, non est ambigendum uerberis genus denotari. Videndum quodnam illud. In re dubia licebit explicationem ab auctoribus quantumuis obscuris mutuari. Quorum unus ait, Cathomum esse flagellum ex uirgis ferreis factum, uel flagellum ex uirgis, in modum scopae, quo utuntur religiosi in capitulis. Et mihi de uirgis ferreis fidem facit. Nam obseruauī illis aliquando in Christianos saeuire. Testantur acta SS. Callinici, Quiriaci, Chrystophori, Lycarionis. Item Phileas apud Eusebium de martyribus Alexandrinis. Subscribunt Mammotreptus, & Luciani uocabularius. Quos ego in ista litterarum luce laudatores non darem, si hec alium de haurire potuissē. Etymologiam nullus horum exposuit. Si hauriolari libet, ducemus à particula καβα siue καβὸ & Quos, quod durum, saeuum, crudelem, immanem, uti Quos crudeliter significat. Idque ad utrumque Cathomi supplicium quadrabit. Non dissimulo Turnebum in Cicerone, & Laberio Catomum agnoscere. Atq; ex ueteri Iuuenalis scholio, Vinculū & catenam explicare. Sed Victorius & Lambinus in Cicerone Catonium, Manutius Catonem ex ms. habent. Neque se dubitare ait Victorius, quin inferi, & sedes mortuorum, ea dictione intelligantur, fortassis a greco aduerbio κατω. Idem ostendit se in prisco, & valde probato Geli exemplari (extat Laberij uersus apud Gellium) Catonium legere. Henr. Stephanus Charonium edidit, Tolle bona fide uos Orcus nudas in Charonium.*

Video tamen Lipsium Catomum in Cicerone probare. Nam allusit in Saturnalibus. Sed quaecumque harum lectionum uera, Ciceronis & Laberij loca nihil ad nostros Cathomos pertinent. V-

Molanus habet in p. 10 stremo exemplo, quod est ex S. Eulalia passione, Cacomis, & Cacomaretur. Sed uidetur erratum typographi

Vocabul. qui inscribitur. Breuiloquus.

Euslib. 8. c. 11. Mā. moir. & Luc. Voca. interpretatur Cathomos uirgas ferreas.

Cic. ep. fa. li. 7. ep. 25. Si libido ridendi est, vide quid Amerbae. & Rutil. de Catonio commentii. De piet. fa. cris 6. 70.

Aduers. li. 1. cap. 32.

rus



Viñ. i. prio.  
& post. Ci-  
ce. castig.  
Gel. lib. 16  
cap. 7.

nus Iuuenalis scholiasles, Catenarum & uinculorum nomine, flagella ferrea significare potuit, quæ reliqui uirgas dixere. Et quæ scio an quandoque uariatum? Vincula autem uerberandis reis etiam fuisse, iam notauimus.

35  
Steph. in  
fragm.  
poet. uet.  
Lips. Sa-  
turn. lib. 2.  
cap. 6.

TE CAEDI IVBEAM] Pia antiquitas credidit Afram ante summam ignium pœnam, ut Tertullianus loquitur, more Romano ad palum deligatam uerberatam fuisse. Quod neq; ex hoc loco, in quo iudex tantum minis agit, neque ex hac omni historia constare potest. Non tamen reluctor. Cum sciam Christianis nihil de solitis suppliciorum accessionibus remitti, quin plurimum adijci consueuisse. Et fortassis huc facit quod Molanus inquit, dum pictores imagines ex imaginibus depingunt, tradunt aliquando posteritati, quod historia scriptor omisit. Flagellis autem humiles tantum personas, & seruos uerberari consueuisse ex pluribus iurisperitorum locis intelligimus, præsertim ex lib. 10. tit. 19. lib. 48. Digest.

36  
Luc. 9.

CONFUSIO MIHI NULLA EST ETC.] Alitè inbiberat, nihil turpe esse præter peccatum. Confusio, Pudor & uerecundia quia erubescimus. S. Cyprianus locum ex Luca, Qui me erubuerit, & meos sermones, hunc filius hominis erubescet, sic reddidit, Qui confusus me fuerit, confundetur eum filius hominis.

37

HOC EST QVOD OPTO, SI TAMEN MEREAR] Quam cupide martyrium amplexura sit, ostendit. Circumspectè tamen condicionem adijcit: Cum non ignoret, quod priori commentario ex Cypriano adduximus, Coronam de Dei dignatione descendere, neque posse accipi, nisi fuerit hora sumendi. Simile est illud S. Ignatii, Eligo enim pati, sed nescio an dignus sum.

38  
Ad Trall.  
Vide Du-  
ar. titul. de  
quast. c. 2.  
Cuiac. ob-  
seru. li. 14.  
ca. 34. Re-  
scripti Ha-

TORQUERI TE FACIAM, ET POSTEA VIVAM INCENDI PRAECIPIAM] Peccat in leges Romanas, Per quas non licet quemquam pœna infligendæ causa torqueri. Quod Iurisperiti ex Adriani rescripto colligunt. Proinde Tertullianus ait, Apud tyrannos enim tormenta pro pœna adhibentur, in apologetico. Verum nullæ respiciam leges Christianis patrocinabantur.

39  
dr. memi-

CORPVS IN QVO PECCAUI ACCIPIAT DIVERSA TORMENTA ETC.] Vt constanter, & infra-



infractè omnia contemnit, quo uitam æternam lucrifaciat. Verè  
*B. Ephrem, de extremo iudicio uerba faciens, inquit, Hanc quo-*  
 que diem mente uoluentes sancti Dei martyres, non sunt  
 miserati sua corpora, sed omne tormenti genus subierunt,  
 spe coronarum gaudentes. *Et est locus in ignitis illis Ignatij*  
*epistolis, Nulli æmulor uisibilibus & inuisibilibus, ut Iesum*  
 Christum merear adipisci Ignis, crux, bestiarumque con-  
 stantia, abscissio; separatio, contractio, dissipatioque mem-  
 brorum, interitus totius corporis, & flagella diaboli om-  
 nia in me ueniant, ut Iesum Christum merear adipisci.

**DICTAVIT SENTENTIAM]** Erat iudicis munus, 40  
 sententiam siue sua, siue aliena manu scribere. *Ado de S. Sabi-*  
*na, Præfectus dictauit sententiam. S. Cyprianus apud Pon-*  
*tium enarrans uisionem, qua illi martyrium prædictum, Videbar*  
 mihi tribunali sedentis tum proconsulis admoueri. Is ut  
 in me respexit, annotare statim in tabula cœpit sententi-  
 am. *Sententia deinde à iudice recitabatur, quod nos etiam Pontius*  
*docet, Legit itaque de tabula iam sententiam iudex. Et in*  
*Cypriani passione, His dictis decretum ex tabella recitauit,*  
*Nisi placet præconem subintelligere. Augustinus inquit, Cum*  
 uerba iudicis præco pronuntiat, non scribitur in gestis, Ille  
 præco dixit, sed, Ille Iudex. *Nam lex Valentis Valentin. &*  
*Gratiani, qua cauetur qui iudices sententias ipsi legere debeant,*  
 qui per officium recitare possint, nondum erat lata. Morem quo in  
 dex sententiam recitabat, ponunt ob oculos *Apuleij uerba, Præ-*  
*co cum procōsule & ipse tribunal ascendit, & ipse togatus*  
 illic uidetur, & quidem per diu stat, aut ambulat, aut ple-  
 rumque contentissimè clamat. Enimvero ipse proconsul  
 moderata uoce rarenter, & sedens loquitur, & plerumque  
 de tabella legit. Quippe præconis uox garrula ministerium  
 est, proconsulis autem tabella sententia est, quæ semel lecta  
 neque augeri littera una, neque autem minui potest, sed ut  
 cumque recitata est, ita prouinciæ instrumento refertur.

**A FRAM PUBLICAM MERETRICEM]** Vertit 41  
 in inuidiam meretricium nomen, quod ante conuersionem religio-  
 ni tribuebatur. Causam autem damnationis nullam comminisci  
 potest, præter unam Christianitatis professionem. Idcirco Tertul-  
 lianus, Quid de tabella recitatis illum Christianum? Cur  
 non

nit Dig. de  
 quæst. l. 21.  
 De uar.  
 torment. in  
 ferni to. 1.  
 Ep. ad  
 Rom.

De trin. l.  
 3. cap. 11.  
 Cod. de  
 sent. ex li.  
 recit. l. 2.

Florid. l. 1.



non & homicidam? Sed homicida Christianus. Cur non & incestus, uel quodcunque aliud nos esse creditis? In nobis solis pudet aut piget ipsis nominibus scelerum pronuntiare? Christianus si nullius criminis nomine reus est, ualde infestum si solius nominis crimen est.

42 VIVAM INCENDI PRÆCIPIMVS] Christianos crebro hac pœna affectos acta loquuntur. Et habemus testimonium ex Tertulliano. Cuius nomen identidem appellare libet, cū Christiana antiquitas ex nullo auctore uberius, & rectius hauriri possit, Vt ego quidē sentio. Pro tanta innocentia, pro tanta probitate, pro iustitia, pro pudicitia, pro fide, pro ueritate, pro Deo uiuo, Cremamur: Quod nec sacrilegi, nec hostes publici ueri, nec tot maiestatis rei pati solēt. Inde cauil lādī occasionem nacti gentiles, uti mox uidebimus. Porro grauissimum, præ reliquis omnibus, existimatum est ignis supplicium. Quod P. Faber ex Pauli I. C. uerbis colligit, quibus Magica artis conscios summo supplicio affici placuisse, id est bestiis obijci, aut cruci suffigi: ipsos autem magos uiuos exuri tradit. Et magno pere probabile est quod Baronius conyicit: Quia Christiani magicis artibus imbuti credebantur, ideo potissimum igni traditos. Quamquam ad o uarijs præterea supplicijs in eos seuitum, Vt illa ad certas leges nequaquam reuocari possint. Nam extra ordinem de Christianis cognoscebatur. Et iudici extra ordinem cognoscenti, quam uult sententiam ferre licet, uel grauiorem, uel leuiorem (ait Vlpianus) ita tamen, ut in utroq; modum non excedat. Neque uerò periculum subesse uerebantur, ne modum excederent in illis, quos omnium scelerum reos, immania exempla meritos existimabant.

43 RAPTA EST A MINISTRIS, ET DVCTA] Dammati, in quos ultimo supplicio animaduertendum, extra portam urbis, cum Romæ, tum in prouincijs ducebantur. Quod pluribus exemplis, etiam domini nostri Iesu Christi, docet P. Faber. De iectos e saxo Tarpeio, & obiectos bestiis excipit. Adiungendi sunt reliqui populo in theatris, & circis exhibiti.

44 IN INSULAM] Locus est ultra Licum, Cui religionem hætenus seruauit, condita postmodum ecclesia. Et quamquam hac ætate solum continens, tamen olim insulam fuisse neque situs depressior, neque fluminis conditio credere prohibet. Sine quod

Lici



Lici alueus illac quondam fluxerit, relicta in medio insula, quod plerique existimant: Sen quod emissus ex Lico rivus, spatium illud, priusquam flumini rursus coniungeretur, circumfluxerit. Nam huius generis rivus cursum saepe mutare, quotidie experimur. Et est hic primus ex triplici insularum modo apud Pomponium. Ait etiam Proculus, Intellego enim, cum ex altera parte insulae alueus fluminis exaruerit, defuisse insulam esse, sed quo facilius res intelligeretur, etiam agrum, qui insula fuerat, insulam appellant. Parum itaque errabit, qui hoc argumento, locum istum etiamnum insulam dicet. De ecclesiis dedicatis in vestigijs passionis martyrum, exemplum in Victore Vticensi. Narrat Carthaginem à Geiserico captam, & ecclesias occupatas, Quae foras muros erant, quascumque voluit occupavit, & praecipue duas egregias, & amplas, Sancti martyris Cypriani, unam ubi sanguinem fudit, aliam ubi eius sepultum est corpus.

Dig. de acquir. rer. dom. l. 30. & 56.

De Vand. pers. lib. 1.

LYCI FLUMINIS ] Licus aliquibus, Lyciam graeci Ptolemei codices praefereunt, monet Ortelius. Nobile flumen, quod in alpebus oritur, Augustam ab oriente praeterfluit, & in Danubium exit. P. de Natalibus Lethum habet, Sed male, Ad Cretam respexit, in qua Lethaeus.

45  
In thes geo gr.

EAM EXPOLIANTES ] A Iurisconsultis dicuntur Spolia, quibus indutus est cum quis ad supplicium ducitur. Illis spoliabantur damnati, Et pecuniae ex uenditione corrasae, ad utilitatem officij deferuebant.

46  
Dig. de bonis damn. l. 2. 6.

AD STIPITEM LIGAVERVNT ] Cremandi quodamque clavis affixi. Eusebius de Polycarpo, Cum illum clavis uellent affigere, dixit: Sinite me hoc modo; nam qui mihi patientiam ad ignis flammam sustinendas, pro sua clementia largitur, largietur etiam, ut sine commissuris clauorum, quibus me affigere statuitis, constans absque ulla corporis commotione rogo adhærescam. Idcirco illum non clavis, sed uinculis solum colligarunt. Item de Pionio martyre, Quam acerbos clauorum confixus pertulerit, quantam in rogo animi magnitudinem ostenderit. Sed uinculorum usus puto frequentior. Tertullianus in Apologetico. Licet nunc sarmentitios, & semaxios appelletis, quia ad stipitem dimidij axis reuincti, sarmentorum ambitu exurimur. Vbi Pā-

47  
Hist. li. 4. c. 14.

O melius



*melius annotauit ms. codices omnes ita habere, pro eo quod excu-  
si, Semisfios, & dimidij assis. In Scorpiaco alius est axis sensus.  
At in libro de Penitentia eadem notione hunc stipitem axem di-  
xit, In axe iam incendio adstricto, in ipsa dico securitate,  
& possessione martyrij.*

48 DOMINE DEVS ETC.] Sancte martyris humilitatē  
eximiam agnoscimus, Quae cum metu, & tremore salutem suam  
operari didicerat. Nihil sibi arrogat, nusquam se attollit, sed eni-  
xè deprecatur, & ad penitentiae aram confugit. Sententiae quam  
antea iudici obiecit, Non ueni uocare iustos, sed peccatores  
ad penitentiam, tamquam fundamento innititur.

49 QVA HORA CONVERSUS FVERIT PEC-  
Cap. 18. CATOR ETC.] Multae extant huius generis diuinae promissio-  
nes; Praecipue apud Ezechielem, Si autem impius egerit peni-  
tentiam ab omnibus peccatis suis, quae operatus est, & cu-  
stodierit omnia praecepta mea, & fecerit iudicium, & iusti-  
tiam: uita uiuet, & non morietur. Omnium iniquitatum  
eius, quas operatus est, non recordabor; in iustitia sua, quam  
operatus est, uiuet. *Cap. 33.* Alio loco idem propheta, Impietas impij  
non nocebit ei, in quacumque die conuersus fuerit ab im-  
pietate sua. Et post pauca, Si autem dixero impio, Morte  
mories: & egerit penitentiam à peccato suo, feceritque  
iudicium, & iustitiam, & pignus restituerit ille impius, ra-  
pinamque reddiderit, in mandatis uitae ambulauerit, nec  
fecerit quidquam iniustum: uita uiuet, & non morietur.  
Omnia peccata eius, quae peccauit, non imputabuntur ei:  
Iudicium, & iustitiam fecit, Vita uiuet.

50 CIRCUMDATA SARMENTIS] En sarmento-  
rum ambitus, propter quem Christiani sarmentitij dicti. Vbi etiā  
paganica crudelitas elucet. Nam sarmenta languidum ignem co-  
cipiunt, quo affabantur martyres, extracta morte diutius per du-  
rissimos cruciatus, Cum ualidis flammis multo celerius praefoca-  
ri, & extingui potuissent. Eusebius hanc saeuitiae speciem nota-  
uit in Urbano Palaestinae praeside, qui S. Timotheum: & in Fir-  
milliano eius successore, qui martyres Porphyrium, & Iulianum,  
leno, & remisso igni cremandos tradidere.

51 GRATIAS TIBI AGO DOMINE] Afra tan-  
tam priore oratione profecit, ut iam in securitate, & possessione mar-  
mar-



martyrii constituta ( sic Tertullianus loquitur ) plena fiducia, non quasi in incertum currens, neque de diuina gratia quidquam addubitans, semet hostiam Deo offerre audeat. Cuiusmodi exempla, permulta ex martyrum historiis liceret adducere, Sed uno contenti sumus, illoque maxime illustri. S. Polycarpus itidem in rogo constitutus, sese hostiam offerens, pluribus hisce uerbis Deo gratias egit, Pater dilecti, & benedicti filij tui Iesu Christi, per quem tui cognitionem accepimus, Deus angelorum, & potestatum, Deus totius creaturæ, & iustorum cuiusque generis, qui uiuunt in conspectu tuo, Tibi gratias ago, quod me huius diei, & horæ celebritate donasti, in qua cum in martyrum numero, tum in calice passionis Christi tui, tormentorum particeps fiam, in resurrectionem uitæ æternæ, tam animæ quam corporis, per immortalem spiritus sancti uirtutem. Inter quos quæso martyres, hodie in conspectu tuo, pro hostia pingui, & accepta admittar: sicut præparasti, præsignificasti, & iam tandem compleuisti, qui Deus uerus es, & omnis mendacij expers. Ac propterea præ ceteris omnibus te laudo, te benedico, te glorifico, per Iesum Christum dilectum tuum filium, pontificem æternum, per quem tibi, cū eo, in spiritu sancto gloria, nunc & in futura secula seculorum Amen. *Et si uerba euariant, tamen sensus cum Africæ oratione coincidit.*

*Eus. hist. li.  
4. c. 14.*

QVI PRO TOTO MVNDO SOLVS HOSTIA  
OBLATVS ES IN CRVCE] *Hæc, & quæ sequuntur,*  
*fere in centonis modum ex sacris litteris collecta sunt.* Christus  
semel oblatus est, Vnam pro peccatis offerens hostiam, Nō  
pro nostris autem tantum, sed etiam pro totius mundi.

*Ad Hebr.  
9. 10.  
1. Ioan. 2.*

IUSTVS PRO INIUSTIS] Mortuus est iustus  
pro iniustis, ut nos offerret Deo.

*53  
1. Pet. 3.*

MVNDOVS A PECCATO, PRO PECCATO-  
RIBVS VNIVERSIS] Qui peccatum non fecit, ne-  
que inuentus est dolus in ore eius. Qui non nouerat pecca-  
tum, Peccata nostra ipse pertulit, in corpore suo super li-  
gnum.

*54  
1. Pet. 2.  
2. Cor. 5  
1. Pet. 2*

SECVLA SECVLORVM, AMEN] *Ita preces*  
*concludi solere, monuimus ex Chrysostomo: Et proximè in poly-*

O 2 carpi



*carpi oratione uidimus. Aeternitatem per secula seculorum significari non est dubium. Rationem habes apud Albinum Flaccum, Dicuntur Secula Seculorum, tamquam secula in sapientia Dei firma stabilitate manentia, istorum, quæ cum tempore transeunt, efficientia secula seculorum. Aut certè simpliciter accipienda sunt Secula Seculorum, uelut consequentia præcedentium, ut continuata sibi connexionē copulentur, quæ dicuntur Secula Seculorum, donec præsens, quod ex diuersis temporum seculis contextitur, perueniat ad finem, & succedat futurum Seculum, quod non habet finem, Vbi Deus uidebitur, & laudabitur sine fine.*

<sup>56</sup> *EMISIT SPIRITVM] Corpore illeso. Quod postea puellis repertum, hodie quoque integrum colitur: nisi quod exiguae particulae ab Embricone, & Hermanno Augustanorum episcopis ablatae. Huius generis miracula aliquot prodita sunt. Iulitta martyris Cappadox, de qua S. Basilij oratio, In ignem coniecta spiritum Deo reddidit, corpus autem à flamma mansit illæsum. Agape, & Chronia uirgines, In ignem missæ, sed à flammis intactæ, ibi oratione ad dominum fusa, animas reddiderunt. Flauia Domitilla, Euphrosyna, & Theodora uirgines, incenso cubiculo mortem oppetiere: Postera die Cæsarius inuenit corpora sanctarum uirginum illæsa. In facies enim suas prostratae, orantes dominum recesserant. Eustachius, Theopistes, Agapius, & Theopistus, in boue aeneo candenti examinati sunt, quo post tres dies aperto, corpora nullum ignis ostenderunt uestigium. Qui enim pueros in Babylone ex camino ardenti uiuos educere, idem facile flammarum iniuriam ab eorum corporibus prohibere potuit, quorum animas per martyrium ad se euocare uoluit.*

*Dies passionis S. Afræ colitur Augustæ VII. Id. Aug. Consistentibus Beda, & Vandelberto: Romæ Non. Aug. Suffragantibus Vsuardo, Adone, & Maurolyco. Differentia hinc orta uidetur, quod Augustæ Nonis de S. Afro patruo agatur. Ceterum rectè faciet qui hac in re suæ regionis consuetudinem sequetur. Quod Innocentius III. Pont. Max. in S. Bartholomei festiuitate faciendum rescripsit.*

<sup>57</sup> *ET SOCIORVM] Hæc inscriptioni adiecta sunt, ab eo qui S. Quiriacum, & reliquos XXIV. capite cæsos historie subiun-*



inuexit. Nam manifestum est Hilaria, & puellarum passionem, eoque non pertingere.

MARTYRII PALMAM] Figurata uictoriam qua Afra 58  
moriendo consecuta est significat. Palma enim semper uictoriae hieroglyphicum fuit. Hinc ecclesia martyrum mortes uti coronas, ita palmas nominare consuevit. Et in imaginibus peculiare martyrum insigne Palmae ramus est. Ambrosius, Praemium quoddam est palma martyrij: quae confitenti linguae dulcem fructum tribuit, & uictorici dexterę gloriosum praebet ornatu. Est plane palma martyribus suavis ad cibum, umbrosa ad requiem, honorabilis ad triumphum, Semper uiuens, semper uestita folijs, semper parata uictoriae. Atque ideo non marcescit palma, quia martyrum uictoria non marcescit.

Serm. de  
quadr.

STABANT IUXTA RIPAM FLUMINIS] In 59  
citeriori Lyci ripa, stabant puellae, supplicium domine eminus spectantes, quod fortasse propius accedere prohiberentur.

ROGAVERUNT DESCENDENTES DE BARCA] Intelligimus Lycum tunc ponte non fuisse iunctum, sed nauiculas traieciui inseruisse. Est barca minoris nauigij genus, cuius meminit Isidorus, & Paulinus his uersibus, 60

Isid. orig.  
lib. 19. c. 1.

Vt mox salubri barca perfugio foret  
Puppi superstes obruta.

Paul.  
Cyther.

Plura de Barcis ex Ethico, Histro, & Herodoto collegit Gyrardus de re nautica. In Notitia est, Praefect. classis Barcariorum.

INVENERUNT SANCTAE AFRAE INTEGRUM CORPUS] Diocletianus, & Maximianus AA. 61

rescripsere, Obnoxios criminum, digno supplicio subiectos, sepulture tradi non uetamus. Id multo ante Augustus obseruauit. Et quamquam postea obtinuit damnatorum corpora non aliter quam petita, & permissa sepeliri, permittebantur tamen quibuslibet petentibus: excepto si qui maiestatis rei damnati. Crematorum Vlpianus nominatim meminit, Eorum quoque corpora qui exurendi damnantur, peti possunt: scilicet ut ossa & cineres collecta, sepulture tradi possint. Verum enim uero ut in rebus ceteris, sic in hac etiam Christiani longe deterrima, & iniquissima condicione uiuebant. Martyrum corpora nullis precibus

Cod. de re  
lig. & sum  
pt. fun. l. 11  
Dig. de ca-  
dan. punit.  
l. 1. & 3



*Acta apud Sur. 5. Iun.* bus donabantur: Immo clementia species uidebatur, pretio quantumuis magno concedere. Truncus, & caput S. Bonifacii in Cilicia passi, quingentis aureis redempta sunt. Saepius feris Ianian da obijciebantur, quandoque in cineres soluebantur: uel eam ob causam, ne sanctis reliquijs meritis honor a Christianis deferretur. Mortuo S. Polycarpo, inquit Eusebius, Certi homines patrem Herodis, Dalce fratrem submonebant, ut praesidem exoraret, ne corpus eius cuiquam daret, ne Christiani, inquit, Crucifixo illo derelicto, hunc uenerari incipiāt. Centurio igitur gentili more conburendum curauit: Christiani tamen ossa eius, potiora lapillis pretiosis, auroque puriora (uerba sunt ecclesiae Smyrnenfis) ex cineribus selegere, & eo loco reposuere, qui illis erat consentaneus. Ita quoque martyrum Lugdunensium & Viennensium corpora sub Vero cum sex dies sub dio iacuis sent, diligentissime obseruata, ne a fidelibus surriperentur, neque precibus, neque magna pecunia ui obtineri possent, tandem ab impijs illis & facinorosis carnificibus exusta, inq; cineres redata, in Rhodanum fluuium, qui illic in proxima defluit, spargebantur, quo nullae quidem illorum reliquiae super terram amplius extarent. Subijciam egregium locum huius argumenti, ex actis S. Hadriani & sociorum martyrum, qui simul aperiet quantopere sanctorum reliquijs fideles antiquitus inhiarint, Maximianus autem iussit corpora eorum flammis exuri, dicens; Ne forte ueniant Galilaei, & tollant ea. At beatissima Natalia abscondit manum S. Hadriani in sinu suo, ne ignibus absumeretur. Itaque carnifices ad tyranni uoluntatem asportabant corpora martyrum, ut ea concremarent in fornace ardenti, quae iam parata erat. Sequebatur autem eos beata Natalia, excipiens stillantem a martyrum corporibus sanguinem, atque eo suum corpus liniens. Sequebatur etiam aliae mulieres religiosae, & honesto loco natę, martyrum sanguinem in linteamina, & purpuram suscipientes, atque aliae in sinu suo sanguinem illum abscondebant. Ipsas quoque carnificum uestes, quę sanctorum martyrum sanguine infusae erant, clarissimae feminae multo auro, & gemmis, pretiosisque ornamentis sibi comparauerunt.

*Orat. in Iul. 1.* Hęc illi fidei innituntur, quam Gregorius Nazianzenus de martyribus profitetur, Quorum, inquit, uel sola corpora idem possunt



possunt quod animæ sanctæ, siue manibus contrectentur, siue honorentur: quorum vel solæ sanguinis guttæ, atque exigua passionis signa, idem possunt quod corpora. Et cum se res ita haberet, nihil mirum est corpora martyrum inhumata, feris anibusque obiecta, si quando minus accuratè custodirentur, à Christianis, etiam capitis periculo surrepta fuisse. Quod hic accidit. Et referta sunt martyrum acta laudatissimis huius generis furtis. Quibus nox præcipue erat accommoda, quod per tenebras facilius laterent. Vnde magnopere queruntur ecclesie Gallicæ apud Eusebium, in epistola quam citauimus, ob assiduam custodum diligentiam nullam in nocte reliquam spem esse. Gravis enim sententia est cleri Romani apud S. Cyprianum, Corpora Ep. 3. martyrum, aut ceterorum, si non sepeliantur, grande periculum imminet eis, quibus incumbit hoc opus.

VENIT NOCTE] Etsi temporum ratio minus exactè 62 distinguatur, tamen colligimus hæc proxima nocte post supplicium non contigisse. Nam cum inferius narretur, Hilariam, & puellas ea ipsa die qua Asra sepulta, passas esse, harum autem martyrium Prid. Idus Aug. celebretur, Profecto consentaneum est hic de nocte, quæ Prid. Idus proximè antecedit sermonem ferri. Neque absurdum, Asræ corpus per aliquot dies insepultum iacuisse; quod non nisi summa cautione, & captata occasione sepeliri posset. Simile est quod Luciano presbytero in ecclasiâ raptò, Gamaliel de S. Stephano narrauit, Die ac nocte iacuit proiectus, ut sepultura non daretur, secundum mandatum impiorum principum, ut a feris consumaretur corpus eius. Ex domini autem uoluntate non tetigit eum unum ex his, nō fera, non auis, non canis. Ego Gamaliel compatiens Christi ministro, & festinans habere mercedem à domino, & partem cum sancto uiro fidei, misi per noctem quantos poteram religiosos Christianos, & in Christo Iesu fideliter credentes, habitantes Hierusalem in medio Iudæorum; & hortatus sum eos, & necessarias substantias ministraui, ac persuasi illis ire occultè, ut portarent corpus eius meo uehiculo in uillam meam, hoc est in Caphargamalam, quod interpretatur uilla Gamalielis, uiginti millia habens à ciuitate. Et ibi feci illi planctum fieri diebus septuaginta, & ponere eum in meo monumento nouo, in orientali theca, & præcepi

Sur. 3.  
Aug. habet  
Luciani  
epistolam.



Bar. in no-  
tat. mart.  
3. Aug.

cepi meis, ut quaecumque necessaria erant pro eius plan-  
ctu, de meo darent. *Quæ ex ueteri historia, quam omnis ecclesia  
approbat, ut pluribus docet Baronius, describere placuit, quod me-  
ram pietatem spirare, & ad res nostras proximè accedere uisa.*  
*Sin cui hæc temporum digestio minus arridet, is existimet licet,  
Hilariam corpus prima nocte abstulisse, funus usque in diem ante  
Idus extractum fuisse.*

Eccles. hie.  
cap. 7.

Apud Euf.  
lib. 7. c. 17.

Eu. c. 19.

Dial. lib.  
4. cap. 36.

1. Reg. 31.

Cap. 34.

Miscel. lib.  
2. cap. 11.

CVM SACERDOTIBVS DEI, ET TVLIT  
CORPVS EIVS] *Ex Dionysio Areopagita constat, iam  
inde ab Apostolorum etate, certos apud Christianos ritus extitisse,  
quibus homines ecclesiastici defunctorum cadauera sepulchro  
committerent. Eos cum enumerasset, & causas explicasset, sub-  
iungit, Ita si uiderint profani, latè puto ridebunt, nostrum  
que miserebuntur errorem. Neque est sanè cur miremur;  
nisi enim crediderint (iuxta scripturæ fidem) non intelli-  
gent. Notat ille quidem profano nomine gentiles, sed qui præte-  
rea has easdem ceremonias irrideant, palam est. Quomodo ipsa  
cadauera curarentur, discimus ex Dionysio Alexandrino, Sancto-  
rum corpora manibus erectis supinisque excipere, gremio  
suo reponere, occludere oculos, ora obturare, gestare hume-  
ris cadauera, decenter ornare, illis adherescere, amicè com-  
plecti, lauare accuratè, & linteo funebri inuoluere, non gra-  
uati sunt. Ornatus nomine, conditura complectitur. Nā Chri-  
stiani, Iudeos imitati (quibus cum aromatibus sepelire mos erat,  
auctore S. Ioanne, præter ceteros) mortuorum cadauera condire  
soliti. Hinc Gregorius Romanus, Pigmentarij, & medici in fu-  
nere meminit. Quamquam de Iudeis scrupulum inijcit, quod duo  
in sacris litteris loca sunt, ex quibus facilius cadauerum ustio,  
quam conditura probari uideatur. Unus de Saulo, Tulerunt  
cadauer Saul, & cadauera filiorum eius, de muro Bethsan:  
ueneruntque Iabes Galaad, & combusserunt ea igni: & tu-  
lerunt ossa eorum, & sepelierunt in nemore Iabes. Alter  
apud Hieremiam, Audi verbum domini Sedecia Rex Iuda,  
Hæc dicit dominus ad te, Non morieris in gladio, sed in  
pace morieris: & secundum combustiones patrum tuo-  
rum, regum priorum qui fuerunt ante te, sic comburent te.  
At Hieron. Magius ostendit ex Rabbinorum commentarijs, Sau-  
lum ideo contra consuetudinem exustum, quia cadauer iam putri-  
dum,*



dum, & vermibus scaturiens, ad condiendum erat ineptum. Cremationem quæ Sedecia promittitur, non de ipso cadauere, sed de aromatibus, quæ supra cadauer urebantur, accipiendam. Ideo dictum, Secundum combustiones patrum tuorum. Huius combustionis extare exemplum in Rege Asa, Posueruntque eum super lectum suum, plenum aromatibus, & unguentis meretricijs, quæ erant pigmentariorum arte confecta, & combusserunt super eum ambitione nimia. Quin, & supellectilæ regiam quandoque simul comburi consueuisse. Sed hæc obiter. Quibus unum adijciam, Tacitum vtut rerum Iudaicarum imperitum, in eo non fallere, quod scriptum reliquit, Iudeos corpora condere quam cremare, e more Aegyptio. Primus enim Iacob in Aegypto conditus aromatibus, ab Aegyptijs medicis, Iosephi seruis. Ad Christianos redeo. Illis condiendi rationem non vnā fuisse liquet. Tertullianus ait, Sabæas merces carius profligari Christianis sepeliendis, quam alijs suffumigandis. Et alibi de aromatibus loquens, etiam hominibus ad pigmenta medicinalia, nobis quoque insuper ad solatia sepulturæ usui sunt. Ita apud alios, sæpe aromatum, & unguentorum mentio fit in hac causa. At Eunapius salita martyrum capita irridet. Atque uerisimile est pro locorum condicione, facultatum copia aut inopia, variatum esse. Quod etiam apud alios contigit. Aegyptij quāuis aromatibus, & odoribus affluerent, tamen ex Herodoto discimus, eos triplici conditura usos. Quarum prima constabat uino Phanicio, sarctura myrrhæ puræ, casia, ceterorumque odorum (excepto thure) & gummi illitu. Secunda (cuius Plinius paulo aliter meminit) nitro, & vnguine cedrino. Postrema, quæ minimi sumptus, ablutionibus, & exsiccatione. Omnibus interim salutura septuaginta dierum adhibebatur. Strabo lib. 16. Aegyptios bitumine quoque ad mortuorum condituras usos significat. Babylonij melle condiebant. Aethiopes mortuos arefactos gypso inducebant. Scythæ Regum corpora cerâ; Quod Cicero de Persis perhibet. In lapide quem exscripsit Morales antiquit. Hispanic. lib. 7. c. 3. legitur de C. Lælio, MATER. AD. LVCTVM. ET. GEMITVM. RELICTA. EVM. LACHRIMIS. ET. OPOBALSAMO. VDV. HOC. SEPVLCHRO. CONDIDIT. S. Afræ corpus, ab Embricone episcopo repertum, quodam candidissimo cæmento obductum

P fuisse

2. PAR. 16.

Hist. lib. 9.  
Gen. 50.

Apol. c. 42

De Idolol.

De uitis  
Philos.  
Aedefio.

Hist. lib. 2.

Plin. li. 16.  
c. 11. & li.  
24. c. 5.

Herod. de  
Eabyl. lib.  
1. de Aethiop. 3. de  
Scyth. 4.  
Cic. Tusc.  
q. lib. 1.



fuisse proditum est. Cogitavi aliquando an id ad condituram pertineret. Magnus enim calcis in medicina usus, ut Plinius annotavit: *Plin. li. 36. c. 24.* Neque fortassis ineptus huic fini. Sive caro tabefacienda (quod Aegyptios in nitro spectasse Herodotus innuit) Calcis uiva mordax, & caustica vis est, ex Dioscoride: Sive cadauera aliquando exiccanda, Galenus tradit calcem saepius aqua lotam, ualde siccare, absque ulla mordacitate. Accedit, quod apte temperatam, & illitam, aeris iniurias nihilo minus quam gummi, cedrii, bitumē, mel, gypsum, aut ceram prohibere crediderim. Verum haec ad rerum naturalium quaesitores rejicio. Illud tamen memorandum, quod Masseius in Indicis prodidit, Sub Ioanne III. Lusitaniae Rege, corpus D. Thomae Apostoli fere eodem modo conditum, Meliapore in Coromandelio littore inuentum esse. Scilicet immista calci, & arene, candidissima specie ossa: apposita lanceae cuspidē, & uiatorij baculi frusto, atque uase fictili. Linteam funebre, quod Dionysius Alexandrinus appellat, est etiam ex Iudeorum moribus petiitum. Sindonis, qua sanctissimum Christi mortui corpus inuolutum est, meminere omnes euangelistae. Christiani interdum maioris pretij pannos adijciebant, Apud Gregorium Nyssenum in funere Meletij episcopi Antiocheni, habentur sindones munda, & panni serici. Et S. Eutychianus Pontifex, Qui per diuersa loca CCCXLII. martyres manu sua sepeliuit, *Ex Martyr. Damasc. Pont. c. 28.* Ante haec tempora constituerat, Ut quicumque fidelium martyrem sepeliret; sine dalmatica, aut colobio purpurato nulatenus sepeliret; dum tamen huius constitutionis ad illum peruenisset notitia. Est autem Dalmatica, ut explicat Isidorus, tunica sacerdotalis candida, cum clauis, & purpura, sive cum duabus lineis ut Ammaliarius, Albinus, Rabanus; quae quod manicata sit, crucis speciem aliquo modo referre uidetur, hisdem auctoribus. Colobium uestem sine manicis esse Albinus ait, idem Isidorus significat. Cuiacius annotauit, Acronem Horatii interpretem Latum clauum, Purpuram, quae in senatorum petfore extenditur, & colobium pro re una eadem accipere. Atque alterutra istarum uestium, potissimum colobio, Afrae corpus ornatum fuisse, persuadet cum Pontificia constitutio, quae multis annis praecefferat, tum quod S. Dignae corpus, inuentum sub eo, quē nominauit Embricone episcopo, optima purpura (ita in litteras relatum) inuolutum fuerit: Eam ego colobium purpuratum interpre-

*Orig. li. 19 c. 22. Ammal. de eccl. off. li. 2. c. 21. Albin. de diu. off. Rab. de instit. cler. lib. 1. c. 20. Cuiac. obseru. li. 12. c. 39.*



interpretor, Et idem de S. Afra credere par esse opinor. Romani etiam mortuos in honestissima ueste efferre soliti *Vulgus* civium in vulgari toga, magistratus in prætexta, Censores in purpura; Quod Lipsius ex Iuuenali Martiali, Plutarcho, Artemidoro, Polybio, Lilio, Apuleio observavit. Et nescio an Eutybianus eum morem respexerit. Porro illud etiam ad observationes de cadauerum conditura pertinet, Mulierum studium in hoc pietatis officio præcipue enituisse. Denotus sexus (est ab ecclesia elogium) qui iam olim ad ungendum Christum in sepulchro positum properavit, Christi quoque membra hoc venerationis genere prosequi uoluit. Hinc in Actis SS. Tharaci, Probi, & Andronici, quæ Baronius in secundo Annalium tomo edidit, Maximus Preses dixit, Putas quia mulierculæ aliquæ corpus tuum habent aromaticis, uel unguentis condire iniquissime? nam de hoc est cogitatio, ut reliquias tuas perdam. Paucis interiectis, Nonne sic te perdam, & sicut antea prædixi, & reliquias tuas, ne mulierculæ in linteamine corpus tuum inuoluât, & unguentis, & odoribus adornent? Sed scelestè iubebo te comburi, & cineres tuos in uentum dispergam.

POSVIT SECUNDO MILLIARIO DE CIVITATE AVGVSTA ] Notum est Romanos itinera per milliaria mensos. Hæc mille passibus, siue ut Vitruvius ait, quinque millibus pedum constabant. Nam Plinius quoque passui quinque pedes tribuit, Et errant qui eum sex pedum statuere. In Italia pleræque viæ originem sumebant ab urbe Roma; Erat ei rei statuta columna in foro, quam Milliarium aureum dicebant. In prouincijs à præcipua colonia, siue municipio. Supersunt tres lapides Viri, & unus haud procul Oeniponte, Vithaimi, uiarum indices ab Augusta M. P. XXXXI. M. P. XXXXII. M. P. XXXXIII. & MIL. PASS. CX. A Ioanne Pistorio Nidano V. G. accepta inscriptione Sen. Alexandri, in agro Badensi effossâ, in qua milliarium loco, Leucæ, siue Leugæ posita, A. B. A. Q. LEVG. IIII. Cuiusmodi nullum præterea exemplum observare memini. Videntur in re præsentem, an quattuor Leucæ, spatium sex millium passuum ab Aquis (Badenas interpretantur) conficiant. Nam Ammianus Marcellinus XIV. leucas XXI. M. P. explicat.

IN MEMORIAM QVAM SIBI SVISQVE CONSTRVXERAT ] Memoria est (Cicerone defini-



De inuent.  
lib. 2.

In actis S.  
Saturnini.  
Quorū me-  
minit Au-  
gust. in bre-  
uic.

Smetius f.  
121. n. 9. et  
f. 132. n. 2.  
Aug. de cu-  
ra p. mort.  
c. 4.

De cin.  
Dei li. 22.  
c. 8.

te) per quam repetit animus ea quæ fuerunt. Quæ hanc in-  
uant, & excitant adminicula externa, figurata locutione interdū  
memoriæ dictæ. Ita reperias Memoriam, pro eo quod Memoriale  
vulgo. Hinc etiam apud Christianos, sepulchris Memoriæ nomen  
inditum. Quamquam idem nomen in inscriptionibus non Chri-  
stianis legere est, SERVILIUS. TROILVS. SE.  
VIVO. COMPARAVIT. MEMORIAM. SI-  
BI. ET. SVIS. Item COMPARAVERVNT. SI-  
BI. MEMORIAS. II. Augustinus his uerbis rationem  
reddit, Non ob aliud uel Memoriam, uel monumenta dicun-  
tur, ea quæ insignita sunt sepulchra mortuorum, nisi quia,  
eos qui uiuentium oculis morte subtracti sunt, ne obliuio-  
ne etiam cordibus subtrahantur, in memoriā reuocant, &  
admonendo faciunt cogitari: nam & Memoriam nomen id  
apertissime ostendit, & Monumentum eo quod moneat  
mentem, id est admoneat, nuncupatur. Propter quod & græ-  
ci *μνησίων* uocant, quod nos monumentum seu memo-  
riam appellamus, quoniam lingua eorum memoria ipsa  
qua meminimus *μνησις* dicitur. Atque ubi de martyrum  
Memorijs sermo est, nonnunquam ita accipiendæ sunt. Non-  
nunquam reliquæ ipse, ex eadem causa, memoriæ nuncupatæ,  
Neque aliter capies apud Augustinum Memoriam S. Stepha-  
ni, quam Lucillus episcopus manu portauit, At memoria, quam  
Afra. SIBI. SVIS QVE (obserua solennem epitaphio-  
rum formulam) construxerat, sepulchrum aperte significat. Id-  
que grandiusculum fuisse, ex illis, quæ sequuntur cognoscimus.  
Fortassis in edicule formam, quales permultas uia Appia, &  
alijs vijs prope Romā extitisse, ruinæ ostendunt: In quibus singulo-  
rum cadauerum loculi distincti, quod hic quoque suspicor. Aut  
cella subterranea fuerit (quod mihi probabilius) Petronio Ar-  
bitro Conditorium & hypogæum, Non contenta uulgari mo-  
re funus passis prosequi crinibus, aut nudatum pectus in  
conspectu frequentia plangere, in Conditorium etiam pro-  
sequuta est: positum in hypogæo græco more corpus custo-  
dire, ac flere totis noctibus, diebusque cepit. Et martyrum  
corpora frequentissime in his cryptis condita. Locum, quantum-  
uis diligenti inuestigatione, hætenus assequi, non potui, neque spes  
est in posterum. Nam cum sanctæ martyris corpus, per diu igno-  
ratum,



raturum, ante annos amplius DC. in ea qua hodie colitur ecclesia à S. Valrico episcopo inuentum fuerit, necesse est fateamur, translationem ex primo sepulchro, multo prius, priscis retro temporibus contigisse: Et ex eo Memoriam negligi cœpisse. Quam dudum uetustate collapsam, & quidquid eius supra solum extabat, si quid extabat, hostiū incursione (plerasque ager Augustanus expertus est) deiectam crediderim. Profectò si ullius antiqui exemplaris lectione iuuarer, lubens pro his uerbis, Posuit secundo milliario de ciuitate Augusta, substituerem, Posuit secundo milliario prope ciuitatem Augustam, uel aliquid simile. Et intelligeremus prope ciuitatem Augustam, secundo milliario à passionis loco. Id conueniret solo ecclesie, in qua hodie Asra condita, Quin ipsi crypta, qua in ecclesia, religione celebris. Hæc enim loca extra urbem illo seculo. Sed cum libri manuscripti omnes uulgatam editionem tueantur, correctio nimis fortasse audax. Cogitandum tamen.

NUNCIATVM AVTEM EST GAI O IVDI- 66  
C I ] Nuntiatum est Afram secus, quam ille iusserat, sepulchro à familiaribus conditam: Et matrem cū ancillis in sepulchro latere. Pro latibulo enim Christianis sepulchra erant. Chrysostomus, describens persecutionis tempora, Hi quidem in monumentis, & sepulchris, hi uerò in desertis latitabant. Mulieres teneræ & delicatæ, continua fame detinebantur. Itaque considera si qua tunc pretiosi sumptus, si qua deliciarum erat delectatio. Subijt ne concupiscentia unquam mulierem in sepulchro latentem, & expectantem ancillulam, ut veniat prandium afferens, & ne forte deprehensa sit trepidantem, Et in timore tãquam in fornace iacentē?

Hom. 40.  
ad pop.

ITE ET TENETE EAS ] Ista credam occasionem 67  
præbuisse P. de Natalibus, cur scriberet Hilariam cum puellis catenis fuisse uinctas, quod ex hac historia cæteroquin non liquet. Vnde uerò hauserit Memoriam siue Monumentum ligneum fuisse, clam me est. Facilius persuadeat de lapideo, uel lateritio, quod antiquæ conseruandæ memoriæ aptius. Neque aliàs facile sepulchra ex ligno.

CVM HONORE EAS ADDVCITE AD ME, 68  
VT REMVNEREM ILLAS CENSU DIGNISSIMO ] Perpauperes has mulieres fuisse, ex eo consequitur,  
quod



Dig. de  
bo. damn.  
l. i.

Orat. de S.  
Theod.

Hom. de  
Iulitta.

De S. Ro-  
mano, Me-  
mento ma-  
tris, iam  
patrone ex  
filio.

Mat. 3.  
Dec.

quod Afra bona sua egenis donauerat, & si qua superaſſent, fiſco ceſſiſſent ea lege, qua bona publicantur, cu aut uita adimitur, aut ciuitas, aut ſeruilis conditio irrogatur. Ideo ſpes facta iudici, poſſe illarum animos pecunia corrumpi. Quamquam etiam alias honorum & pecuniarum pollicitationibus martyrum conſtantia tentata. Gregorius Nyſſenus auctor eſt iudices ita ad S. Theodorum loquutos, Scito, quod ſi conſilium noſtrum obedienter admittere uolueris, protinus te ex obſcuro nobilem, ex humili, deſpecto que, & inglorio, honoratum efficiemus: ac tibi Pontificatus dignitatem promittimus. De XL martyribus D. Baſilius, Ad hac pecunias pollicebatur (praefectus) partimque dabat: honores item a Rege, & dignitatum diſtributiones: & innumeris ipſos uerſutis de bellare conabatur.

69 IMplete MEMORIA M CREMIS ETC.]

Iſta neque lege, neque more iuſſa. Quis ferat damnari abſentes, cauſa non cognita; Immo cognitionem, & executionem ſimul militibus demandari? Qua apertè tyrannica. Sed hac erat tunc temporis Chriſtianorum conditio, ut iam monuimus. Inde Baſilius narrat, S. Iulitta litiganti propoſitionem preſentam, Negantem quidem Chriſtum, legibus fruituram eſſe, & utilitate ex ipſis; amplectentem uero fidem, neque foro iudiciario, neque legibus, neque reliquæ Reipublicæ participem fore.

70 CLAUDITE ETC. VT NULLA EX EIS

EVADAT] Cautio minus neceſſaria, ſi catenis colligata erant. Ut uel hinc ea opinio uacillet.

71 EVNTES AVTEM AD EAS] Martyrologia habet,

Hilariam ad ſepulchrum filie excubantem, igni traditam. At pie huius generis excubie, non niſi orationis cauſſa fiebant. Et ſi uerſum ex Prudentio paululum immutamus,

Memento matris, iam patrona ex filia,

Videri poterit compendium eorum, qua Hilaria precata. Altera Hilaria Claudij tribuni uxor, eundem prope uite exitum ſortita eſt Romæ, Cum filiorum corpora ſepeliſſet, ad eorum ſepulchrum orans, paulo poſt a paganis tenta, migravit ad dominum.

72 MILITES] Erant ex militum numero Spiculatores, ſeu uerius



uerius Speculatores: bi gladio tantum in damnatos animaduerte-  
bant. Iulius Firmicus, Speculatores faciet, qui nudato gla-  
dio hominum amputent ceruices. *Graviora, & scdiora sup-*  
*plicia Romæ carnifex irrogasse creditur, Quem ea de causa adeo*  
*auerfabantur, ut neque ciuitatis ius, neque domicilium in urbe*  
*permitterent. At in prouincijs hoc etiam munere milites functos*  
*certum est. Idque non tam ex Hilarie supplicio, in quo multis mo-*  
*dis à Romanarum legum constitutionibus discessum, quam quod*  
*Euangelistæ prodiderunt, dominum nostrum Iesum Christum à mi-*  
*litibus cruci suffixum.*

Lib. 3. cap.  
26.

Vide Polle-  
tum fori  
Rom. l. 6. 5.  
c. 14.

VBI VIDEBANT OMNES SIMVL CON- 73  
TEMNERE SACRIFICIA.] Non multum aberrabi-  
mus, si sanctas feminas tali o- rione usas credamus, qualem D.  
Basilus LX. martyribus tribuit, aduersus tyrannum. Hec qui-  
dem longiuscula, tamen eo pietatis succo condita est, ut equi lecto-  
ris fastidium facile effugiat, Quid, inquiunt, inescas nos o-  
hostis Dei, ut a Deo uiuentes discedamus, & perniciosis  
dæmonibus inferuiamus, bona tua nobis offerens? Quid  
tantum dederis quantum auferre conaris? Odi dona pæ-  
nas largientia, non suscipio honorem ignominie matrem.  
Pecunias das remanentes, gloriam deflorentem. Notum fa-  
cis Regi, uerum à uero Rege abalienas. Quid parcè pauca  
ex mundanis rebus offers? totus nobis mundus contem-  
ptus est. Non sunt cum nostra spe comparanda omnia, quæ  
oculis uideri possunt. Vides cælum hoc quam pulchrum  
aspectu est, quam magnum, & terra quanta, & quæ sunt in  
ipsa admiranda? Nihil ex his adæquari potest beatitudini  
iustorum: hæc enim prætereunt, nostra autem manent.  
Vnum concupisco donum, Iustitie coronam. Circa unius  
glorie admirationem stupeo, Eius uidelicet, quæ est in re-  
gno cælorum. Ambitiosus sum ad supernum honorem. Sup-  
plicia metuo in gehenna, ille mihi ignis horrendus est:  
Quem uero uos intentatis, conseruus est, nouit reuereri i-  
dolorum contemptores. Spiculum puerorum reputo ue-  
stras plagas: Corpus enim uerberas, quod si quidem diu-  
tius restiterit, ac durauerit, splendidius coronatur: si uero  
citius renuntiari, perit à tam uiolentis iudicijs libera-  
tum: Qui cum corporum ministerium accipiat, amplius  
etiam



etiam animis imperare contenditis: qui sanè nisi etiam Deo nostro preferamini, quasi extrema ignominia a nobis affecti, scuitis, & horrenda hæc supplicia intentatis, crimē nobis producentes pietatem. At enim non timidis, neque uitæ amantibus, neque qui facile perterrescant pro dilectione ad Deum, congregiemini. Nos uerò, & rotari, ac torqueri, & comburi, & omne tormentorum genus perpeti parati sumus. *Haftenus ille Christianæ eloquentiæ magister.*

74 *SVPPOSITO IGNE ABIERVNT.]* Accidit beatis martyribus quod de S. Afra retulimus: *Vt corpora nimirum incolumia remanerent, quorum hodie etiam reliquias colimus. Fit uerisimile fumo præfocatas fuisse, incensis cremijs sarmentis, & spinis, in loco angusto, undique clauso.*

75 *EADEM DIE QUANDO SEPULTA EST AFRA ETC.]* Quomodo hæc cohereant, & quomodo temporum ratio cum traditione ecclesiæ Augustinæ collimet, iam explicauimus. *Galesinius non rectè interpretatus est, has martyres eadem die qua Afra mortem obiit, passas. Qui præterea monet, extare epistolam Nicolai T. Pont. ad Tadonem Archiepiscopum Mediolanensem, de S. Afra, & sociarum reliquijs. Mihi accuratè inuestiganti eam uidere non contigit, neque haftenus editam existimo. Gratianus quidem rescriptum Nicolai ad Tadonem retulit Causa 17. q. 4. De presbyterorum flagellatoribus.*

*In marty.  
Non. Aug.  
Et ibi in  
Notat.*

76 *CVM PALMA MARTYRII PERVENIRENT.]* Vicely exemplar historiam his uerbis concludit, Qui regnat cum patre, & spiritu sancto in secula seculorū, Amen. *Ea ego lubens recipiam. Siue quod in nostro inferius est, Cui est honor, & gloria in secula seculorum, Amen. Hiscē enim, aut similibus formulis martyrum passionē finiri solent. Neque mihi dubium est, ueterem narrationem huc usque tantum pertingere: quæ sequuntur de S. Afro, & S. Dionysio, aliū esse auctoris, aliū etatis. Reliqua illa, de XXV. martyribus ferro obtruncatis, si quid iudico, antiquitatis opinionem melius tuentur: sed hæc quoque extra Afra, & Hilarie acta. In libro, quem sequutus sum (ne quid fallam) omnia perpetua serie, sine distinctionis nota perscripta erant. Primus seiunxi. Non temerè, opinor.*

77 *BEATVS AVTEM AFER.]* Vides præter sancti uiri



ri nomen, reliqua omnia incerta esse. Credendus ad exemplum  
præpunitus: Non abindico coniecturam, Sed tamen coniectura,  
ideoque necessario dubia, incerta est.

PRIDIE QVAM IPSIVS MARTYRIS 78  
ÆRÆ COLITVR] Immo nudius tertius. Nam Non.  
Aug. de S. Afro agitur. Et uereor ignoratione latinitatis Pridie  
scriptum.

QVAMVIS SPECIALITER SCRIPTIS NON 79  
EXPRIMITVR ETC.] Bonum uirum egit, quisquis hæc  
de Afro, & Dionysio capita ascripsit. Fatetur se ea, quæ ipse  
collegerit, & excogitarit, nullibi lecta proferre. Coniecturis au-  
tem quisque ex ingenio fidem demet, aut addet. Ego inuitus addu-  
cor illa assenare, quæ antiquitatis testimonio destituta. Verissi-  
mile profecto est S. Dionysium exequiis interfuisse, nam Hilaria,  
uenit nocte cum sacerdotibus Dei, Sed quid prohibet eum,  
peracto funere abiisse, Mulieres solas siue latitantes, siue oratio-  
ni uacantes remansisse? Si supplicium una luisset, Credibile ne-  
est, auctorem passionis, sacerdotis nomen tacitum transmissurum  
fuisse, cum ancillarum exitum tam diligenter rettulerit? Ut sit,  
non frustra monebo, illos in errore manifesto uersari, qui eum  
cum Dionysio Areopagita confundunt: Quod ab ijs fit, qui eum  
specie episcopi, abscissum caput manibus gerentis, delineant. De  
nostro, agitur in breuiario Augustano IV. Cal. Martij: est dies  
translationis, concessis ab Alexandro IV. Pontif. indulgentijs, ce-  
lebris. Sacras eius reliquias Carolus IV. Imp. donario argenteo  
inaurato coluit, Insculptis uersibus parum elegantibus, quos  
tamen testandæ imperatorie pietatis exscribere placuit,

M.C. ter numerato, cum L. uno simul anno  
Carolus est quartus regnans hoc nomine dictus:  
Qui dedit ornatum, sanctis petit hunc fore gratum.  
Huic est inclusus terre Dionysius huius  
Præful deuotus, uita quam nomine notus.

IPSA QVOQVE DIE] Scilicet Prid. Id. Aug. Con- 80  
sentiunt martyrologia Bedæ, Vsuardi, Maurolyci, Galestinij, Ro-  
manum. Sed Galestinus de die consentit, de anno longè dissentit.  
Aut hos martyres sub Domitiano passos. Neque tamen nouæ opi-  
nionis



nonis causam in Notationibus, prodit: Hinc suspicor Diocletiani nomen nequaquam consulto mutasse, sed memoria lapsum. Nisi error à typographo, quod credere fortassis humanius. Baronius etiam, in priori editione primi tomi *Annalium ecclesiasticorum*, Anno Chr. 93. Galesinij fidem sequutus, sacram hanc cohortem sub Domitiano posuit: Sed re melius perpensa, expunxit iterum in altera Plantiniana editione. Sanè, lectorem non peruicacem, loquendi ratio satis mouet. Quis enim res diuersissimis annis actas, eadem die contigisse dicat, sine ulla alia distinctionis significatione.

81 APVD EANDEM VRBEM] *Augustam Vindelico- rum. Suffragantur auctores, quos iam citauimus. P. de Natalibus uti per omnem historiam, ita hoc loco perperam, eandem ciuitatem Augustam in Creta habet. Falsus est, uir alioquin non indiligens, similitudine, quæ inter Cretæ, & Retiæ nomina. Vicelium, quoque affinitas nominum in errorem traxit, sed aliâ uia. Ascribit post finem passionis S. Hilarig, Eodem die passi sunt etiâ, non longe ab urbe Roma Cyriacus, Largus, Smaragdus, Memnia, Iulia, & multi alij pro nomine Christi decollati sunt. Quibus uerbis nostros sanctos confundit cum Cyriaco diacono, Largo, Smaragdo, & alijs viginti, passis Romæ sub Maximiano XVIII. Cal. April. Quorum commemoratio fit VI Id. Aug. quod eo die corpora à Marcello Papa in prædium Lucinæ translata. Sed hi nihil cum nostris commune habent. Nisi quod Largionis nomen ad Largum alludit, Et Quiriacus prorsus idem cum Cyriaco, sono tenus: si Priscianus uerè scripsit K. Q. & C. etsi figura differant, eiusdem potestatis esse. Ad quam rationem, annotauit Muretus antiquè Acam, Loci, Coad, Cotidie, pro A- quam, Loqui, Quoad, Quotidie scripta.*

82 PASSI SVNT ALII XXV. PRO NOMINE CHRISTI CAPITIS OBTRUNCATIONE] *De numero, & obtruncatione omnes conueniunt. Qua uero occasione hac ipsa die damnati, à nullo proditum. Memini legere de Diocletiani persecutione in Nicephoro, Animaduertere uerò erat in hominibus nostris alacritatem, & fidei in Christum ardorem uiuidum: Cum enim uix contra priores sententia condemnationis à iudice prolata esset, alij aliunde confluentes, Christianos se esse confitebantur, pro tribunali ipso exultantes, neque tormentorum acerbicatem respicien-*  
tes:



tes: sed interrita prorsus libertate pro Christo decertantes, cum magna animorum lætitia libentissimè supremam excipiebant sententiam: usque adeo ut cum gratiarum actione ad finem usque perquam decenter hymnos, laudesque Deo canerent. Cogito an idem hic usu venerit. Sed affirmare, & fidem facere quis possit? Credidere aliqui martyres istos ex Hilarie amicis fuisse, quos una cum Afra baptizatos sub conuersionis finem uidimus. Alij in famulitium etiam ascripsere. Mihi neutri persuadent. Persuasissimum enim habeo, utrumuis fuisset, nequaquam præterisset passionis Hilarie scriptor. Quin ex eius silentio conyicio, Amicos quorum in conuersione mentio est, Aut naturali, & sua morte functos; fortassis iam redditæ ecclesiis pace per Constantinum: Aut si martyrio affecti, id diuerso tempore ab Afra, & Hilarie nece contigisse. A seruitutis opinionione uendicat, præter reliqua, supplicij genus. Quomodo enim credibile, in eodem crimine heras igni traditas, seruos capite cæsos? Contrarium est apud Eusebium, de Pamphilo domino securi percusso, Porphyrio famulo flammis exusto. Cui aslipulatur Vlpianus, Maiores nostri in omni supplicio, seuerius seruos quam liberos: famosos, quam integræ famæ homines punierunt. Neque absurdè opinamur, iudicem hunc morem spectasse in cremanda Afra. Nam idem Vlpianus significat, liberos non, nisi plebeios, & humiles personas comburi. Gaius ut hoc innueret, in sententia, Afram publicam meretricem nocare uoluit: Cum exploratum sit, infames haberi meretrices, nisi quæ in seruitute quæstum fecere, quas Seuerus notâ exemit. Atque hæc nos quasi manu ducunt, ut intelligamus XXV. martyres non extremæ sortis homines fuisse, quibus præses ignium pœnam remisit. Immo quod in colonijs honestissimus quisque vel Decurio, uel Decurionis filius, simile quid de his suspicari nihil uetat. Magis est ut pœnarum ista diuersitas confirmet. Nam Vlpianus Decuriones, & eorum liberos ignibus neminatim eximit, Sed enim sciendum est discrimina esse pœnarum, neque omnes eadē pœna affici posse. Nam in primis Decuriones in metallum damnari non possunt, nec in opus metalli, nec furcæ subijci, nec uiui exuri. Et post pauca, Parentes quoque, & liberi Decurionum, in eadem causâ sunt. Liberos non tantum filios accipere debemus, uerum omnes liberos. Sed

Q 2 utrum

Lib. 8. c. 21  
Dig. de pœ-  
nis l. 28.

Eadem l.

Dig. de his  
qui not. in-  
famia l. 24

Dig. de pœ-  
nis l. 9.



PASS. S. AFRAE ET SOC.

utrum hi soli qui post Decurionatum suscepti sunt, his pa-  
 nis non afficiantur: an uerò omnes omnino liberi, etiam  
 in plebeia familia suscepti, uidendum est. Et magis puto  
 omnibus prodesse debere. Quod si non omnes ex Decurioni-  
 bus, fortassis ex ueteranis aliqui. Ait Marcianus, Veteranis,  
 & liberis ueteranorum, idem honor habetur, qui, & Decu-  
 rionibus. Igitur nec in metallum dānabuntur, nec in opus  
 publicum, uel ad bestias, nec fustibus cāduntur. Quæ ego  
 non certa, indubia, sed uerisimilia uideri uelim. Neque obstat quod  
 antea diximus, in Christianorum causā leges multis modis contem-  
 ptui habitas. Est enim tyrannicum inter prima, in maximis scele-  
 ribus, quæ aduersus humanas, diuināsque leges, per summam iniu-  
 riam designantur, iuris, & æquitatis obseruantiam nihilominus  
 prætere. Quale Caracallæ illud: Iusserat in Papinianum gladio  
 animaduertere, Miles securi percussit: Imperator iussionis negle-  
 ctum ægrè tulit, quod Iurisconsultorum sit sententia, si quis dam-  
 natur, ut gladio in eum animaduertatur, animaduerti gladio oport-  
 ere, non securi, uel telo, uel fusti, uel laqueo, uel quo alio modo.  
 Quasi uerò nihil tristiùs in funesto facinore isto uno neglectu acci-  
 disse. Sed nostra uideamus. Primus ex imperatoribus Nero in  
 Christianos immanissimè seuiit, tamen in supplicijs principum A-  
 postolorum, conditiones distinxit. Petrum, quod humilior persona  
 haberetur, cruci affixit; Paulum, ciuem Romanum gladio percus-  
 sit. Ita in epistola Viennensis, & Lugdunensis ecclesiæ, apud Eu-  
 sebiū, præses sententiam tulit, Vt qui municipes Romani  
 essent, securi percuterentur: reliqui autem amandarentur  
 ad bestias. Nullus hunc locum planius executus est, quam Pru-  
 dentius in Romano,

Incensus hic Asclepiades, iusserat  
 Euiscerandum corpus equuleo eminus  
 Pendere, & uncis, ungulisque crescere.  
 Apparitores sed furenti suggerunt,  
 Illum uetusta nobilem prosapia,  
 Meritisque multis esse primum ciuium.  
 Iubet amoueri noxialē stipitem,  
 Plebeia clarum pœna ne damnet uirum.  
 Tundantur, inquit, terga crebris ictibus,

Plum-



Plumboque ceruix uerberata extuberet.

Persona quæque competenter plectitur,

Magnique refert uilis sit, an nobilis:

Gradu reorum forma tormentis datur.

Atque hæc quidem personarum distinctio, in torquendis, & dam-  
nandis Christianis sæpe obseruata, non semper. Et ubi diligentissi-  
mè obseruata, tamèn leges, & omnis æqui ratio in eo pessum ibāt,  
quod solo nominis odio, nullius criminis conuicti, quouis modo  
torquebantur, damnabantur.

QVIRIACVS, LARGIO, CRESCENTIA-  
NVS ETC.] In his nominibus ualde uariatum. Ego illa reti-  
nui, quæ maximè genuina credidi. Pleraque martyrologia, Roma-  
num, Bedæ, Vsuardi, & Galestinj, quinque tantum expressere:  
Quiriacum, Largionem, Crescentianum, Nimmiam, & Iulianā.  
P. de Natalibus duodecim habet; Quiriacum, Largum, Crescen-  
tianum, Meminiam, Iulianam, Leonidem, Eutychianum, Diome-  
dam, Charitonem, Philadelphum, Agapem, Petrum. Et sunt ea-  
dem cum nostris, quamquam alio ordine, præter Largum, & Me-  
miniam. Totidem præfert Maurolycus; Sed pro Quiriacō, Memi-  
niā, & Diomedā; Cypriacum, Memmiam, & Diomedeam. Qui-  
dam pro Philadelpho, & Nimmia, siue Memmia, siue Meminia;  
Fidalsum, & Niminiam. Nonnulli tres adhuc adiiciunt, Embla-  
sum, Eyriam, & Faustam. Ut editis XV. nominibus, X. tan-  
tum ignorentur. Nam de numero XXV. omnes consentiunt.

Hæc tria  
nomina ex  
Meister.  
chron. p. 4.  
c. 4.

IULIANA] Moneo extare Augustæ inscriptionem anti-  
quam C. Iulianij Iulij Decurionis, & Quatuoruiralis, in qua non  
nulli Iulianum legant: Ex eius familia Iulianam genitam uti  
non assuero, ita non uideo cur minus suspicari liceat. Cum præ-  
sertim coniecturā, quam de penarum discrimine attulimus, in-  
uemur.

84  
Hæc a-  
pud Sm-  
tium fol.  
170. n. 2.  
Item Aug.  
in script.  
parte I. nu-  
me. 22.

ET ALII XIII. QVORVM NOMINA DEVS  
SCIT] Quod horum nomina interierint, nemo Augustanam  
ecclesiam incuriæ accuset: Cum in Romana, quæ martyrum memo-  
riam omnium accuratissimè conseruauit, pleraque desiderantur:  
Multi solo numero, nullo nomine reliquo noti; Aliquibus ex eue-  
tu noua excogitata sint. Exemplum est Adauctus. Ducebatur  
sub Diocletiano Felix presbyter ad supplicium, factus quidam

Mart. 30.  
Aug.

obu-



Ad 3.  
Non.

Scalig. de  
emend.  
temp. li. 5.

obuius, se Christianum confessus, pariter casus est. Fideles nomē  
noui martyris ignorantes, *Adauctum* appellauere, quod *Felici* ad  
coronam auctus. Sic ex constitutione *Melchiadis Pont.* Quatuor  
Coronati dicti, ob propriorum nominum ignorationem. Et qui  
incredibilem martyrum multitudinem, quæ sub *Diocletiano* pas-  
sa, animo aestimat, satis intelligit nullius diligentiam illis descri-  
bendis sufficere potuisse. Refert *Ignatius Patriarcha Antio-  
chenus*, apud *Iosephum Scaligerum*, ex edicto decimioni *Diocle-  
tiani* anni, martyrio coronata esse fidelium terræ *Aegyptia-  
cæ* centum quadraginta quatuor millia, septingenta autē  
in exilium acta. Ut etiam hinc fidem mereatur *Genebrardi*  
calculus, de *XXX.* millibus martyrum in singulos anni dies. Cur  
enim non uerisimile uideatur, centies centena millia, & quod ex-  
currit, à Christo nato in hunc diem, uniuerso terrarum orbe occu-  
buisse, si sola *Aegyptus*, una persecutione *CXLIV.* mille pal-  
mas meruit? Verum profecto est, multo minus millesima parte  
de martyrum nominibus in nostris martyrologiis superesse. Cuius  
rei causa una, numerus ipse ferè innumerus: Altera quam dudū  
diximus, quod *Diocletianus* æquè internecinas inimicitias *Chri-  
stianorum* scriptis, ac eorum corporibus indixit. Eoque horribili  
naufragio multa martyrum acta perierunt. Neque sat scio an i-  
dem his nostris contigerit: Quorum saltem tenuem memoriam, &  
nonnullorum nuda nomina, tamquam in tabula enataffe gratu-  
lamur.

Hanc porro inscientiam rerum à beatis martyribus gestarum,  
causam iudico, cur in ecclesia *Augustana*, statō die, annuē de il-  
lis non agatur.

Sepulti sunt in *Basilica*, quæ postea *S. Afra*, hodie *SS. Valri-  
co*, & *Afra* dicata: Cum plerisque alijs illa persecutione occisis,  
ut ueteris fama traditur. Quod horum omnium nulla unquam  
translatio facta (cuius quidem memoria extet) ideoque aliunde  
non illati, sed primitus ibi conditi fuisse uideantur, In eam descen-  
do cogitationem, ut existimem aream basilicæ, iam tunc temporis,  
*Christianis* pro cimiterio fuisse. Conuenit, quod maiorum am-  
bitu non continebatur, ut antea attigimus. Nam cimiteria ex-  
tra urbes constituta. Siue quod nefas mortuos in urbe sepeliri, ex  
XII. tabulis, & recenti lege *Dioclet.* & *Maxim.* quæ in Codice  
relata: Siue quod *Christiani* extra facilius laterent, cum cuncta re-  
ligio-

Cod. de re-  
lig. & sum  
2. fun. laz



ligionis officia in illis peragerent. Panuinius, Galefinius, Baro-  
nius copiosè de Christianis cæmeterijs scripsere, & doctè, quos  
non exscribo. Afræ memoria, quam sibi quisque construxerat, si  
extra hanc aream, nostram sententiam nihil labefactat. Neque  
enim mihi dubium, præter publica cæmeteria, cuique priuata  
sepulchra habere licuisse: Sive in ipsis cæmeterijs, sive etiam ex-  
tra cæmeteria.

Panuin. de  
ritu sep.  
Christ. ca.  
11. 12. 13.  
Galef. in  
notat. 20.  
Ian.  
Baron. in  
notat. 3.  
Ian.

Atque hæc quidem habui, quæ ad istius historiæ explicationem  
conferrem. Cui finem imponam, si D. Ambrosij uerbis receden-  
tem lectorem, de sanctorum martyrum inuocatione, & interces-  
sione, prius admonuero. Aegri enim, nisi ad eos aliorum præ-  
cibus medicus fuerit inuitatus, pro se rogare non possunt.  
Infirma est caro, mens ægra est, & peccatorum uinculis im-  
pedita, ad medici illius sedem debile non potest explica-  
re uestigium: Obsecrandi sunt angeli pro nobis, qui nobis  
ad præsidium dati sunt: martyres obsecrandi, quorum ui-  
demur nobis quoddam corporis pignore patrocini-  
um uendicare. Possunt pro peccatis rogare nostris, qui proprio  
sanguine, etiam si qua habuerunt peccata, lauerunt. Isti  
enim sunt Dei martyres, nostri præfules, speculatores ui-  
tæ, actuumque nostrorum. Non erubescamus eos interces-  
sores nostræ infirmitatis adhibere; quia ipsi infirmitatem  
corporis, etiam cum uincerent, cognouerunt.

De uidiis.

Felices animæ, fortunatæque laborum,  
Queis morte assertas celi Deus annuit arces,  
Tu Christo plena ante alias, generosa uirago,  
O & præsidium, & præsens tutela precantis  
Afra urbis, Si templa pijs, si ponimus aras,  
Dicite, Queis intus caluistis pectora flammis,  
Quæ uires animis, quis mentibus additus ardor,  
Cum belli sonuere tubæ, Cum turbine moto,  
Horridus incubuit Libertino duce nimbus?  
Non uos degeneres, fidei, & constantia egenas,  
Impia sacrilegi fregerunt iussa tyranni.  
Quamquam hinc, pollicitis diues, male suada Voluptas,  
Pellaces fucata genas, Hinc tela, facesque,  
Et minæ, & exanguis staret metus, Omnia contra

Dioclesia-  
nus Anuli  
ni senato-  
ris liberti-  
nus. Victor

Ere-



PASS. S. AFRAE ET SOC.

*Erecta, Et triplici munita robore corda,  
 Enastis pelagi scopulos, portumque sequente,  
 Illustri aternas peperistis, funere palmas.  
 Felices, quæis parta quies, bellataque bella,  
 Et quibus in tuta puppis Statione locata est.  
 At nos nimineis male mixti cratibus, Aeli  
 Per medias hyemes miseris erroribus, Alto  
 Namus, & immensum restat maris aquor arandum.  
 Respicite huc (hominum nec amor, nec cura recessit)  
 Quam dubijs, quam non nostris impellimur austris,  
 Conuulsis animis uitia in contraria uersi,  
 Et monstrate uiam, tantos euadere casus,  
 Spumantes scopulos inter, uentosque, salumque  
 Quâ licet, & salua terram tetigisse, carina.*

MEMI-



Meminimus inuentionis corporum S. Afræ, & puellarum aliquoties; Ideo visum, illas narrationes ex antiquis codicibus hic describere.

## D E I N V E N T I O N E

Corporis Sanctæ Afræ.



**I**NCIPIT in libro, qui de uita, & uirtutibus Sancti Vdalrici confessoris Christi, est conscriptus, quod idem Dei famulus in ieiunijs & precibus, cum cordis contritione, alijs quoque uiris religiosis secum assumptis, se Deo mactare cepit, supplicans deuotè, quatenus omnipotens Deus, per suam misericordiam, dignaretur sibi manifestare locum, ubi sanctissimæ martyris suæ Afræ corpus esset reconditum. Ergo ut dominus uerum comprobaret, quod per os sancti Dauid dixit, Ecce oculi domini super iustos, et aures eius in preces eorum: & in alio loco, voluntatem timentium se faciet, & deprecationem eorum exaudiet: Quadam nocte in uisu ei sancta Afræ apparuit, & locum collocationis sui corporis in ecclesia demonstrauit. Cryptam etiam in illo loco fieri prohibuit, propter reliquias sanctorum, illic in pace quiescentes, & aduentum iusti iudicis expectantes.

Post hæc anno Dominicæ incarnationis **MLXIV**. Embrico episcopus Augustensis, datis ab antecessore suo quinquaginta talentis, ecclesiam beatæ Afræ à fundamentis destruxit, & inuentum est corpus eius in lapideo sarcophago, de quadro miræ magnitudinis, et locatum est in eo, ubi adhuc ueneratur, loco. Anno autem felicitis memoriæ Coloniensis Archiepiscopus, prælibatum antistitem supplex rogauerat, ut munus aliquod de cineribus tantæ martyris, sibi dignaretur impertiri, felicè fore credēs suam ciuita-

R tem

S. Vdalricus nixis sub Henrico Aucupe, & Orbone Magno Obijt Ann. 973.

Ps. 33.

Ps. 14.

Ann. Chr. 1060. Misne à Reine ro præsule, D. Afræ monasterium conditum, & dicatū. Fabric. An-



INVENT. C. S. AFRAE ET SOC.

nal. Mis-  
nens. lib. 1.  
Anno Co-  
lon. episco-  
Obijt An-  
1075. po-  
stea in san-  
ctos rela-  
tus.

Henricus  
quē nostri  
IV. atque  
etiam Se-  
niorē, siue  
Patrem di-  
cūt, Condi-  
dit Spirā  
basilicam  
magni ope-  
ris, B. Ma-  
riae virgini  
sacra: Cu-  
ius memi-  
nit incer-  
tū uirū scri-  
ptor in pro-  
amio, frifi-  
ng. in Fri-  
der libr. 1.  
c. 10. Got-  
frid. Viter-  
b. Chrō. p.  
17. Verum  
hic de eccle-  
sia S. Afrā  
sermo est.  
Fuit signi-  
ficari sacel-  
lū S. Afrā,  
i quo cada-  
uer Henri-  
ci aliquot  
annis inhu-  
matum ia-  
cuit. Got-  
fridus; A-  
frā capellā  
fuit, quā  
patris of-

tē, si talibus ditaretur reliquijs. Cuius precibus annuit episcopus.  
Et ueniens Augustam conuocat praelatos ecclesiarum, & fratres  
cenobij sanctae Afrae, absque illorum consilio, & uoluntate quid-  
quam agere, inconsultum fore decernens. Igitur cum magno timo-  
re, aperto sarcophago Christi martyris, Corpus eius integrum re-  
pertum est, et quodam candidissimo camento obductum. Auferens  
ergo solum articulum pollicis in pede, uenerandus Pontifex, teste  
clero, et populo Coloniam cum summa direxit reuerentia. Nec mo-  
ra, clauditur sarcophagus, & in loco ubi nunc ueneratur, ut prae-  
dicimus, decenter erigitur.

Euolutis post haec aliquot annorum curriculis, Henricus Imp.  
ecclesiam Spirae construxit, quam in honore beatę Afrę dedicari  
fecit. Agebat ergo apud Augustanum episcopum Hermannum  
multis precibus, ut aliquid reliquiarum sanctę Afrę illo mittere-  
tur. Pro qua re, licet episcopus pauore nimio angeretur, tamē Ab-  
batē cenobij sanctae Afrae, & clerum conuocauit, Rogans ut quid  
agendum esset decernerent. Qui dixerunt, Imperatoris quidem ma-  
iestati non contradicendum; Sed priusquam sibi magna portio  
corporis beatę Afrę tollatur, mortem se velle subire in commune  
profidentur. Ventum est denique ad sepulchrum martyris: Et mi-  
lites quidem ciuitatis fores ecclesię armati custodiunt, & in eccle-  
sia circumquaque consistentes, diligenter attēdunt, ne magna pars  
corporis tantę martyris, ab episcopo, vel a sacerdotibus aufera-  
tur. Audiens autem episcopus a senioribus cenobijs, iam pridem  
unum articulum pollicis in pede ab antecessore suo sublatū, decer-  
nit alterum articulum in eadem pedis parte auferendum. Modi-  
cum itaque reuoluto lapide, quo sarcophagus clauditur, alter ar-  
ticulus pollicis in pede aufertur, & extemplo lapis reponitur, fer-  
reisque ligaminibus compaginatur. Ascendens itaque episcopus  
eminentiorem locum, uniuersis ostendit particulam, sublatam de  
corpore Christi martyris. Et ita omnes a quo animo redierunt ad  
propria. Cuius pars maior transmissa est Spiram Imperatori, al-  
tera remansit ibi.

A die autem inuentionis corporis beatę Afrę, quę est VI.  
Cal. Aug. duabus tantum uicibus reueratus est sarcophagus: Et  
nihil amplius inde est sublatum, nisi quantum hic commemorau-  
mus. Hinc uetustatem huius scriptionis colligo. Testes laudat mo-  
nachos, qui rei gestę sub Henrico IV. interfuerunt. Henricus autem

anno



anno 1106. mortuus est. Dodech. Sigeb. Addit. Lamb. Quod no-  
stra memorie tradiderunt seniores huius canobij, qui & rei gesta  
interfuerunt.

sa tulit. Ea  
Eisengrein  
Chrō. Spir.  
li. 12. in eā  
dem sent.

## DE INVENTIONE sanctarum Dignæ, Eunomiæ, & Eutropiæ.

**I**N quoque tempore in prædicta ecclesia stru-  
ctura, Prid. Id. Aug. inuenta sunt sanctarum  
Dignæ, Eunomiæ, & Eutropiæ corpora. Lapis  
autem superpositus tumulo sanctæ Eunomiæ,  
dum forte à latomis caderetur, miri odoris fra-  
grantiam emisit. Corpusculum uero sanctæ  
Eutropiæ in sarcophago plumbeo est repertum. Cuius pars ma-  
xima data est ad monasterium sancti Stephani protomartyris,  
quod beatus Valericus non longè à ciuitate construxit. Altera  
uero pars cum reliquijs sancti Pauli Apostoli, in altari sacelli  
eiusdem Apostoli, à nobilibus comitibus illic sepultis constructi,  
& multis uillarum redditibus dotati, in dedicatione ipsius est re-  
condita. Corpora autem sanctarum Dignæ & Eunomiæ, in singu-  
lis locellis de ligno factis, pro tempore sunt locata.

Post hæc, euolutis plusquam sexaginta annis, temporibus epi-  
scopi Embriconis, his omnibus, per incuriam tunc uiuentium, pæ-  
ne in obliuionem uersis, dum huic loco in regimine præesset piæ me-  
moriæ Valdescalcus abbas, ipsa martyre Christi Digna uolente, &  
dignante manifestari, inuenta est. Id. Iulij in arca lignea, quæ  
adhuc superposita est tumbæ sancti Dionysij, in purpura peropti-  
ma, & rara, quæ postmodum limbo circumposito, super postes ec-  
clesiæ ad introitum in festis suspenditur. Inuenta est autem sine  
alicuius scripturæ indicio. Vnde dum nimia tristitia abbas, con-  
uentusque percelleretur, conuersus quidam nomine Gerungus,  
bonæ conuersationis & famæ, diligenter in ipsa arca perscu-  
rans rimas & iuncturas, repperit tandem inter parietem arce, &  
pannum qui interiorius extentus fuit, laminam plumbeam, in qua  
in sculptum erat,

Principiū  
abruptum,  
sed appa-  
ret hac cir-  
ca An. Mil-  
lesimū cōis-  
gisse. Nam  
ait postea  
plusquam  
60. annos  
ad Embrī-  
conem flu-  
xisse. Em-  
brico inijt  
An. 1064.  
Ex Lam-  
berto.  
S. Stepha.  
monast. de  
inde in ur-  
bē receptū  
Prologo po-  
mario.



## CORPVS SANCTAE DIGNAE MARTYRIS.

*Quam cum magno gaudio detulit ad dominum Abbatem Vdal-  
scalum. Quam ille deosculans, et cum magna fide molaribus suis  
apponens, liberatus est à dolore dentium, quo multo tempore labo-  
rauit. Post hæc, preparato sarcophago lapideo, eam retro princi-  
pale altare cum magno honore, & deuotione relocauit. Et cum ea  
multas alias & pretiosas sanctorum reliquias recondidit. Et prin-  
cipale altare arcubus illis & tabulis deauratis, ut adhuc cerni-  
tur, decorauit.*

## P R A E T E R M I S S A.

*Folio 21. pagina a. uersu 12. post verbum, abiisse. Adde,*

*De Afra si verum, Eam in suburbio habitasse dicamus neces-  
se est: neque enim illud spatium pomerio antiquitus comprehen-  
debatur. Idem de S. Martini ade quibusdam uidetur. Mihi non ad  
modum liquet.*

*Folio 23. pag. a. u. 36. post uocem, prodita. Adde,*

*Immo si ulla unquam coniectura probabilis existimata, nihil  
omnino probabilius, quam quod hinc conijcio Hilariam & A-  
fram Augustæ natas esse; siue ambas, siue certè alteram, Afram  
scilicet. Id à nemine hætenus obseruatum miror, cum ad huius  
urbis splendorem magnopere faciat. At Hilaria parentes ex Cy-  
pro venisse, neque quo uenerint exprimit. Cui dubium erit illum  
locum subintelligi in quo sermo enuntiatur? Quis enim alius  
sensus esse possit? Sed demus ipsam infantem Cypro à parentibus  
exportatam, Et hanc causam esse cur illos potius quam se cum il-  
lis venisse dicat, Vel demus etiam in itinere natam: Idem equi-  
dem in Afram filiam nullo modo quadrabit. Sed hanc Augustæ  
nata prorsus fateamur oportet. Et si quid nideo, hinc apertissi-  
mè refelluntur prologi ineptiæ, tum de hisce quæ Romæ, tum multo  
magis de his quæ in Cypro circa eas contigisse narrat.*

*pag.*



pag. b. u. 23. post verbum, prætexissent? Adde,

*Et si diademata regum reginarumque propria, coronæ non item, Diademata autem fascia tantum consistent. Quod ex plerisque historijs planum. Lysimacho frontis vulnus diademate ab Alexandro est obligatum, futuri regni omine. Pompeio vitio versum, quod crus ulcere affectum fascia circumligatum ferret, quasi parum interesset qua corporis parte diadema gestaret. Egregie Seneca, Vides illum Scythiæ Sarmatiæque regem, insigni capitis decorum? Si vis illum æstimare, totumque scire qualis sit, fasciam solue, multum mali sub illa latet. Et Monima Mithridatis mori iussa, cum se proprio diademate suspendisset, illo disrupto. O execrandum, inquit, diadema, neque in tam tristis mihi ministerio profuisti. Si tamen hanc causam nostri prætulissent,*

*Epiſt. 80.  
vel 81.*

*Plut. Lucullo.*

Folio 24. pag. a. u. 9. post uocem, aureorum. Adde.

*Annon etiam aureæ coronæ inter mulierum ornamenta? Certe Pollux numerat. Et Lampridius in Alexandro, Matronas autem regias contentas esse debere uno reticulo, atque inauribus, & baccato monili, & corona cum qua sacrificium facerent. Quin nec meretrices his abstinuissent ex Cicerone cognoscimus, Ut in hac lege (nihil enim prohibet fictam exempli loco ponere, quo facilius res intelligatur) Meretrix coronam auream ne habeto. Si habuerit publica esto.*

*Po' lib. 5.  
c. 16.*

*De inuēt.  
lib. 2.*

Folio 62. pag. a. u. 6. post verbum, possit? Adde,

*Fere simile est, quod in actis Stephani Papæ apud Baronium legi, Tunc accidit ut duodecim ex clero Romano tenerentur, nempe Bonus, Faustus, Maurus, Primogenitus, Calumniosus. Ioannes, Exuperantius, Cyrillus, Theodorus, Basilus, Castulus, & Honoratus, qui absque audientia (idem nostris accidisse suspicor) statim capitibus truncari iubentur.*

F I N I S.



## Libri di stampa d'Aldo, che si trouano al presente.

Antiquæ inscriptiones Marci Velseri . . 4. noua	L	1 f.
Armandi Belouisij Declaratio difficilium terminorum Theo- logiæ, Philosoph. atque Log.	L	1 f. 10
Asconij Pediani Comment. in Orat. M. T. C. 8.	L	f. 15
Aminta fauola Boscareccia di Torquato Tasso con figure, 12.	L	f. 6
Detta in 4. con figure.	L	1 f.
Andrea Bacci, dell'uso, & bontà dell'acque, & modo di be- uer fresco, 4.	L	2 f. 10
Agricoltura noua, & Casa di Villa di Carlo Stefano. 4. noua.	L	4 f.
Aggiunta alle Rime, & Prose del Tasso, con il suo ritrat- to, 12.	L	f. 8
Breuiarium Romanum, in 8. Roma.	L	3 f. 10
Conuersio, & passio Sanctæ Afræ, & aliarum Martyrum: cum commentario Marci Velseri Matthæi F. Augustæ Vinde. in 4. noua.	L	1 f. 4
Comedia Straccioni del Commendator Annibal Caro, 12.	L	f. 6
Agnela di Carlo Turchi, 8.	L	f. 8
Catechismus Latinus cum figuris, 8	L	2 f.
Detto Volgare figurato, in 8.	L	2 f.
Comment. Cæsaris cum scholijs, & additionibus Aldi Iunio- ris, 8. nouo.	L	3 f. 10
Censorinus de die Natali, ab Aldo Manutio Iuniore emen- datus, 8.	L	f. 12
Concilium Tridentinum cum figuris 8.	L	1 f. 10
De perfectione hominum. Philippi Mocenici, fol.	L	7 f.
De Fascino Leonardi Vairi Beneuen. in 8. nouo.	L	1 f. 4
De natura Dæmonum, Io. Laurentij Ananix. 8. nouo.	L	f. 15
De quæstis per Epistolam, Aldi Iunioris, 8.	L	1 f. 4
De Senatu, & Antiquitatum Romanarum, Pauli Manutij, in 4.	L	1 f. 4
Discorsi della Penitenza sopra i Sette Salmi di Nicolò Vito di Gozze figurato, in 8. nouo.	L	2 f.
Discorso di Cosmografia, 8.	L	f. 4
Epitome orthographiæ, Aldi Iunioris, 8.	L	1 f.
Epitome Innouationis Anni, Pauli Clarantis, 4.	L	f. 8
Epistolæ Pauli Manutij. 8. nuoue.	L	2 f.
Epist. M. T. C. Fam. cum P. Manutij Comment. fol. nuoue	L	10 f. 10
Idem ad T. Pomponium Atticum, cum P. Manutij Commen. fol.	L	9 f. 6
Detto Volgari in 8.	L	2 f. 10
Familiar Latine con tauole nuoue.	L	2 f. 10
Essam e dell'ingegno dell'huomo per apprendere le Scienze, con tauola 8.	L	1 f. 10
Eleganze insieme con la copia della lingua Toscana & Lati- na, d'Aldo Giouane. 16.	L	1 f. 4
		Fregmen-



Fregmenta Tabulae antiquae in quibus aliquot per Rom. prae- uincias itinera. Edente, & explicante Marco Velfero Mar- thei fol. in 4. nouo.	L 1 f. 10
Forno, ouero trattato della Nobiltà, di Torquato Tasso, 12.	L 1 f. 10
Germani Audberti Venetiae, 4	L 2 f. 10
Gouerno della famiglia di Nicolò Vito di Gozze, 8. nouo.	L 1 f. 10
Herculis Ciofani Commen. in Ouidij Metamor. 8.	L 1 f. 10
Luce Perti de Mensuris, & Ponderibus in fol. con figuris.	L 1 f. 10
Locutioni dell' Epist. Fam. scielte da Aldo Giouane, 16	L 1 f. 4
Lettere Facete, & piaceuoli di diuersi Autori primo, & secon- do libro, 8	L 3 f. 10
Modi famigliari di dire, scielti da Aldo Giouane, 8	L 1 f. 4
Noua Disciplina, & uera arte militare del Brancaccio, fol.	L 3 f. 10
Orthographia magna, Aldi Manutij Iunioris, 8. noua.	L 4 f. 10
Opera Cardinalis Contareni, fol.	L 9 f. 10
Orationes M. T. C. cum Pauli Manutij Comment. primo, se- condo, & terzo tomo, fol.	L 18 f. 12
Ortografia Manutiana in tauole, noua.	L 1 f. 6
Officio Romano con 45. Imagini in rame, in 12.	L 7 f. 10
Offertuatione intorno alle bellezze della lingua Latina, in 8. nuoue.	L 1 f. 10
Oracoli Politici, 8. noui	L 1 f. 15
Opera Ciceronis cum nouis Manutiorum Comment. X. uolu- mi. fol.	L 62 f. 10
Orationes M. Antonij Mureti, 8	L 1 f. 4
Off. M. T. C. cum Aldi Manutij Iunioris Comment. fol.	L 4 f. 10
Progymnasmatum Latinitatis Iacobi Pontani de societate Ie- su, 8. nouo	L 1 f. 4
Padre di Famiglia, di Torquato Tasso, 12.	L 1 f. 6
Philosophia M. T. C. cum Aldi Manutij Iun. Comment. fol.	L 9 f. 6
Questiones Grammaticales, Nicodemo Frischlino, 8.	L 1 f. 10
Rinaldo Inamorato di Torquato Tasso con figure, & tauo- le, 12.	L 1 f. 15
Rhetorica M. T. C. cum Aldi Manutij Iun. comment. fol.	L 18 f. 12
Idem in 8.	L 3 f. 10
Rime, & prose di Torquato Tasso, con figure, prima, & secon- da parte, 12.	L 3 f. 10
Rime Amoroſe di Saſino Bobali fordo, 4. nuoue,	L 1 f. 10
Strigilis Grammatica Nicodemo Frischlino, 8.	L 1 f. 10
Stato delle Repubbliche, secondo la mente d'Aristotele con eſſempi moderni di M. Nicolò Vito di Gozze in 4. nouo.	L 3 f. 10
Repubblica Venetorum Gasparis Contareni in 4. noua.	L 1 f. 10
Repubblica Venetiana del Contarini, & del Gianetti, insieme con i Discorsi delle Rep. del Caualcanti, & del Erizzo in 8. noua.	L 1 f. 10
Trattato della Demonomania, ouero Streghe, di Io. Bodino in 4. noua.	L 4 f. 10
Tragedia Caleſtri di Carlo Turchi, 8.	L 1 f. 8

Viciſſi-



Vicissitudine, ò Mutabile Varietà delle cose nell'universo  
volgar. 4.

L 2 f. 10

Virgilio con Annotationi, & Tauole, 8.

L 3 f. 10

Vitæ Sanctorum, Suriij, & Lippomani, fol. compite. VI. vol.

L 49 f. 12

Vanità del mondo, Laurentio Giustiniano. 4.

L 1 f. 15

Vita di Cosimo Medici, scritta da Aldo Giouane, fol.

L 6 f. 4

Viaggio spirituale, nel quale facendosi passaggio da questa  
vita mortale, si ascende alla Celeste di M. Cornelio Bel-  
landa 4. nouo.

L 1 f. 1

## CORRECTIONES.

Paginarum tituli ita concipiendi à folio 4. usque ad fol. 9. CONVER-  
SIO S. AFRAE ET PVELLARVM EIVS. à fol. 9. ad fol. 38.  
AD CONVERS. S. AFRAE COMMENTARIVS. à f. 43. ad  
f. 64. AD PASS. S. AFRAE ET SOC. COMMENTARIVS.


Folio 9. pagina a. inter versus 12. & 13. nonnihil spatij puri relinquendum.  
Ita etiam f. 42. p. a. inter uersum 2. & 3. eadem inter u. 7. & 8. Item inter u.  
17. & 18. Quo appareat hac capita à reliqua historia distincta esse.

Folio 4. pag. b. u. 7. lege claritatem. u. 14. claritate. f. 7. p. b. u. 10. gratiam. f. 12.  
p. a. u. 8. illi. f. 15. p. b. u. 3. Hippolytos. u. 34. Monegundes. f. 16. p. a. u. 16. factu. p.  
b. u. 30. Dorotheus. f. 17. p. b. u. 6. summa venerationis. f. 18. p. b. u. 22. SALVA.  
f. 19. p. a. u. 21. Ac. f. 20. p. b. u. 16. Copus. f. 21. p. a. u. 26. innui. p. b. u. 30. Neces-  
saria. f. 22. p. a. u. 12. publicis. f. 25. p. a. u. 29. Philetarus apud Athenas. f. 29.  
p. a. u. 34. plasationis. f. 32. p. a. u. 27. legendum. u. 30. Veneris. p. b. u. 3. Id pro-  
fecto. f. 33. p. b. u. 38. habitu. f. 36. p. a. u. 9. SACRAVIT. u. 30. Damasus. f.  
37. p. b. u. 12. inscios. f. 38. p. a. u. 17. VII. Imp. f. 39. p. b. u. 2. Capitulum. f. 44.  
p. b. u. 21. diuersissima. f. 46. p. b. u. 2. gemitu. f. 47. p. b. u. 25. DIXIT. f. 51. p. b.  
u. 11. consueuisse. u. 15. ex lege 10. f. 52. p. a. u. 26. ipse. f. 53. p. a. u. 27. affixi. u. 37.  
stipitem. f. 54. p. b. u. 18. Chionia. f. 55. p. b. u. 16. pecunia. f. 57. p. a. u. 16. quam  
dijs. f. 58. p. a. u. 30. V. C. p. b. u. 21. reliquia. f. 61. p. a. u. 27. pretati. f. 63. p. a. u. 20.  
Cyriacum. f. 64. p. a. u. 3. suisq.


Quæ ad paginarum oras ascripta, non semper suis locis posita, quod diligens  
lector facile animaduertet. In illis lege. f. 10. p. b. proph. rel. f. 15. p. a. Cucusatem.  
f. 16. p. a. clar. mul. f. 32. p. a. in sec. sent. p. eadem. in comment. de Alpibus. f. 43. p.  
a. in breuic. coll. f. 44. p. b. lege 10. f. 45. p. b. lege 8. f. 51. p. b. Cic. ep. sa. lib. 7. ep. 25.  
Coniunge illis quæ pagina precedenti ad oram notata. f. 59. p. b. Mari. 3. Dec.

Sunt quædam orthographia errata, Vt sape AE pro OE, Ypsilon pro I, & uice  
uersa. Item littera temere geminata, & alia huius generis; Sunt etiam distin-  
ctionum peccata, quæ peritus lector leui opera emendabit. Vtique Cinyras, Vin-  
do, Lycus scribendum.











18679500